


ತುಳುನಾಡ್ ಪೊಲಿ ಎಚ್ಚಯಿನ
ಮುಲ್ಕಿ ಸುಂದರ ರಾಮ ಶೆಟ್,



ಎನ್.ಪಿ. ಶೆಟ್ಟಿ



ಕರ್ನಾಟಕ
ತುಳು ಸಾಹಿತ್ಯ
ಅಕಾಡೆಮಿ

ತುಳುನಾಡ್ಡ ಪೂಲಿ ಂಚ್ಚಯಿನ
ಮುಲ್ಕಿ ಸುಂದರ ರಾಮ ಶೆಟ್ರು

ಂನ್.ಪಿ. ಶೆಟ್ಟಿ



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ

ಮಹಾನಗರಪಾಲಿಕೆ ಕಟ್ಟಡ, ಲಾಲ್‌ಬಾಗ್, ಮಂಗಳೂರು - 575 003

TULUNAADDA POLIYECHCHAYINA MULIK SUNDARA RAMA SHETR

Book about Mulki Sundara Rama Shetty by N.P. Shetty, 'Isiri', Karnad,
Mulki - 574 154.

Author

N.P. Shetty

Chief Editor

Dr. Palthady Ramakrishna Achar

President

Karnataka Tulu Sahitya Academy

Publisher

Chandrasahsa Rai B.

Registrar

Karnataka Tulu Sahitya Academy

First Edition : 2011

© : Karnataka Tulu Sahitya Academy

Pages : 48

Price : ₹ 30

Cover Design : **Kalloor Nagesh**

Designed & Printed at :

Aakrithi Prints

K.S. Rao Road, Mangalore – 575 001

Tel. : 0824 2443002

ಗುರ್ಕಾರೈನ ಮದಿಪು

ತುಳುವೆರ್ ಪಿರಾಕ್‌ಡಿಂಚಿ ನಡತೊಂದು ಬತ್ತಿನ ಆರಾಧನೆ, ಆಚರಣೆ, ನಂಬೊಳಿಗಲೆನ್ ಮಾತ ಒರಿತೊಂದು ಬತ್ತಿನಕುಲು. ಅಂಬಾದೇ ತುಳುನಾಡ್ ಪುಣ್ಯೊದ ನಾಡ್‌ಂದ್ ಪುದರ್ ಪಡತ್‌ಂಡ್. ಕರಿದ್ ಪೋಯಿನ ಎಡ್ಡೆ ವಿಸಯೊಲೆನ್ ಒರಿತೊಂದು ಪೋಪಿನವು ಎಡ್ಡೆ ಸಂಸ್ಕೃತಿ. ಸಂಸ್ಕೃತಿ ವೈಜ್ಞಾನಿಕತೆದ ಸುತ್ತುಗಟ್‌ಡ್ ಉಪ್ಪೊಡು. ಸಾಮಾಜಿಕ ಪ್ರಜ್ಞೆ ಬೊಕ್ಕ ಧಾರ್ಮಿಕ ನಿಲೆಗಟ್ ಅಯಿಕ್ ಬೋಡು. ಅಂಚಿನ ಸಂಸ್ಕೃತಿಯೇ ದುಂಬೊತೊಂದು ಪೋಪುಂಡು. ಬಾಸೆ, ಸಾಹಿತ್ಯೊ, ಕಲೆ, ಪರಪೋಕು, ಸೇವೆ - ಉಂದು ಮಾತ ಸಂಸ್ಕೃತಿದ ಬಾಗೊಲು. ನೆನ್ ಒರಿತ್‌ದ್ ಬುಳೆಪಯರೆಗಾದ್ ಬೆಂದಿನ ತುಳುವೆರ್ ಏತೋಜನ. ತುಳುವೆರ್ ಪಂಡ ಬಜೀ ತುಳು ಅಪ್ಪೆಬಾಸೆದಕುಲು ಮಾತ್ರ ಅತ್ತ್, ತುಳುನಾಡ್ ಜಲ್ಲೊಗು ಬತ್ತಿನಕುಲು, ತುಳು ಬಾಸೆ ತೆರಿನಕುಲು, ತುಳುತ ಬಗೆಟ್ ಉಡಲ್ ದಿಂಜಿ ಹೆಗ್ಗಳಿಕೆ ದೀವೊನ್ನಕುಲು ಮಾತ ತುಳುವೆರ್.

ಒಪ್ಪಾಂಡಲಾ ಒಂಜಿ ಮರ್ಗಿಲ್ಡ್ ತುಳುಬಾಸೆ ಸಂಸ್ಕೃತಿ, ತುಳು ಸಂಪೊತ್ತುದ ಬುಳೆಚಲೆಗಾದ್ ಅಕುಲೆ ಸೇವೆ ಸಂದ್‌ದಿತ್ತೆಂಡ ಅಂಚಿನ ಪುಣ್ಯಾತ್ಮೆರೆನ ಬದ್ಕ, ಸಾಧನೆಲೆನ್ ನೆಂಪುಡು ಒರಿತೊನುವು ನಮ್ಮ ಧರ್ಮೊ, ಈ ನಿಲೆಟ್ ಕರಿದ್ ಪೋಯಿನಕುಲೆನ ಪುದರ್‌ಡ್ ಅಕಾಡೆಮಿ ಬೂಕುಲೆನ್ ಬರೆಪಾದ್ 'ಮದಪ್ಪೆರಾವಂದಿ ತುಳುವೆರ್' ಪನ್ನಿ ಗ್ರಂಥ ಮಾಲೆಡ್ ಬೊಳ್ಳುಗು ಕನವೊಂದುಂಡು.

ಬ್ಯಾಂಕಿಂಗ್ ತುಳುನಾಡ್ ಒಂಜಿ ಮಲ್ಲ ಉದ್ಯಮ. ದೇಸೊದ ಮಲ್ಲ ಮಲ್ಲ ಬ್ಯಾಂಕ್‌ಲಾಯಿನ ಸರಕಾರಿ ಸ್ವಾಮ್ಯ ಪಡೆಯಿನ ವಿಜಯ ಬ್ಯಾಂಕ್, ಸಿಂಡಿಕೇಟ್ ಬ್ಯಾಂಕ್. ಕೆನರಾ ಬ್ಯಾಂಕ್, ಕಾರ್ಪೋರೇಶನ್ ಬ್ಯಾಂಕ್ - ಉಂದು ಮಾತ ತುಳುನಾಡ್‌ಡೇ ಉದಿಪನ ಆಯಿನ ಬ್ಯಾಂಕ್‌ಲು. ಇತ್ತೆ ಖಾಸಗಿ ಆದುಪ್ಪಿನ ಮಲ್ಲ ಬ್ಯಾಂಕ್ ಪಂಡ ಕರ್ನಾಟಕ ಬ್ಯಾಂಕ್. ಅವುಲಾ ಮೂಲೆ ಪುಟ್ಟುಂಡು. ನೆಕ್ ಪೂರ ತುಳುವೆರೆನ ಬುದ್ಧಿವಂತಿಕೆ ಬೊಕ್ಕ ಉಳಿತಾಯ ಸಂಸ್ಕೃತಿಯೇ ಕಾರಣ.

ವಿಜಯಾ ಬ್ಯಾಂಕ್‌ನ್ ಮಲ್ಲ ಸ್ತಿಕ್ ಕೊನೊದು ಅಯಿನೊಂಜಿ ಅಂತಾರಾಷ್ಟ್ರೀಯ ಮಟ್ಟೊದ ಬ್ಯಾಂಕ್‌ಂದ್ ಮಲ್ತಿನಾರ್ ಮುಲ್ಕಿ ಸುಂದರ ರಾಮ ಶೆಟ್, ಬ್ಯಾಂಕ್‌ನ್ ಬುಳೆಪವುನೆದೊಟ್ಟಿಗ ತುಳುನಾಡ್‌ಗ್ ಅರೆಡ್ವಾದ್ ರಡ್ಡ್ ಉಪಕಾರೊಲಾತ. ತುಳುನಾಡ್ ಏತೋ ಜನ ಜವ್ವನೆರ್, ಜವ್ವಂದಿಯಲ್ಲ ಎಸ್.ಎಸ್.ಎಲ್.ಸಿ.ಯೋ ಪಿ.ಯು.ಸಿ.ಯೋ ಕಲ್ಡ್ ಬಡಪೊತ್ತುಡ್ವಾವರ ದುಂಬುದ ಶಿಕ್ಷಣ ಸಾಧ್ಯ ಆವಂದೆ ಬೇಲೆದಾಂತೆ ಇಲ್ಲಾಲೆ ಕುಲ್ತಿತ್ತರ್. ಕೆಲವೆರ್ ಬೇಲೆಗಾದ್ ಊರೂರು ತಿರ್ಗೊಂದಿತ್ತೆರ್. ಆ ಪೊರ್ತುಗು ಅಂಚಿನಕುಲೆನ್ ಲೆತ್ತೆದ್ ಬೇಲೆ ಕೊರಿನಾರ್ ಸುಂದರ ರಾಮ ಶೆಟ್, ಬಡವೆರ್, ಮಧ್ಯಮ ವರ್ಗೊದ ಈ ಜನೊಕುಲೆಗ್ ಬೇಲೆ ಕೊರ್ನಗ ಆರ್ ಅಕುಲೆಗ್ ಪ್ರವೇಶ ಪರೀಕ್ಷೆ ಮಲ್ತೆಜೆರ್. ಅಕುಲು ಪರೀಕ್ಷೆಡ್ ದೆತ್ತಿನ ಮಾರ್ಕ್‌ನ್ ತೂಯಿಜೆರ್. ಬಜೀ

ಅಕುಲೆ ಶಿಕ್ಷಣ ಮಟ್ಟೋ ಬೊಕ್ಕ ಅಕುಲೆ ಕುಟುಮೊದ ಪರಿಸ್ಥಿತಿ ಈ ರಡ್ಡ್ ವಿಸಯೊಗು ಮಾತ್ರ ಮಾನ್ಯತೆ ಕೊರ್ಯೆರ್. ಇಂಚ ಬೇಲೆ ಕೊರ್ದು ಎಡ್ಡೆ ಸಂಬಳ ಕೊರ್ಪೊಡ್ಲಾವರ ತುಳುನಾಡ್ಲೆ ಏತೋ ಕುಟುಮೊಲು ಬಡಪೊತ್ತುನು ಕಳೆವೊಂಡ. ತುಳುನಾಡ್ಲೆ ಆರ್ಥಿಕ ಪರಿಸ್ಥಿತಿ ಸುದಾರ್ಪೆ ಆಂಡ್. ಊರು ಉದ್ದಾರೊ ಆಂಡ್. ಬೇಲೆ ನಾಡೊಂದು ಮುಂಬಯಿಗ್ ರಟ್ಟುನ ಅಬ್ಬೆಸೊ ಉಂತುದೇ ಪೋಂಡು.

ಕುಡ ಒಂಜಿ ಆರೆಗ್ ತೆರಿಯಂದನೇ ಅರೆಡ್ಲಾಯಿನ ಮಲ್ಲ ಕೆಲಸೊ ಪಂಡ ತುಳು ಬಾಸೆ, ಸಂಸ್ಕೃತಿದ ಬುಳೆಚಿಲ್. ಆರ್ ಮಲ್ಲ ಮನೆತನೊಟು ಪುಟ್ಟಿನಾರ್, ಕಲ್ತಿನಾರ್. ಪೋರ್ಲುಡು ಇಂಗ್ಲಿಷ್ ಪಾತ್ಯರೆರೆ ಬರ್ಪಿನಾರ್. ಆಂಡ ಆರ್ ಅರೆ ಅಪ್ಪೆ ಬಾಸೆನ್ ಬುಡ್ಲೆರ್. ಅಧಿಕಾರಿಲು ಉಪ್ಪಡ್, ಬೇಲೆದಕುಲುಪ್ಪಡ್ ತುಳುತಕುಲೆಡ ಆರ ತುಳುವೇ ಪಾತೆರೊಂದಿತ್ತೆರ್. ಅಂಚಾದ್ ಆರ್‌ನ ತಿರ್ತ ಅಧಿಕಾರಿಲು ಕೆಲಸೊದಕುಲು ಪೂರ ಬ್ಯಾಂಕ್‌ಡ್ ತುಳುವೇ ಪಾತೆರೊಂದಿತ್ತೆರ್. ತುಳು ಪಾತೆರರೆ ಅಕುಲೆಗ್ ಅಳುಕು ಇಜ್ಜಾಂಡ್.

ಕಾಶ್ಮೀರಡ್ಲೆ ಪತ್ತಿನ ಕನ್ಯಾಕುಮಾರಿ ಮುಟ್ಟಿ ಬ್ಯಾಂಕ್‌ದ ಎಗ್ಗೆಲಿತ್ತ. ಪ್ರತಿ ಎಗ್ಗೆಡ್ಲಾ ಒರಿ ಇರ್ವೆರ್ ತುಳುವೆರ್ ಖಂಡಿತಾ ಉಪ್ಪೆದರ್. ಇಂಚ ತುಳು ಬಾಸೆ ದೇಸೊ ಇಡಿಯ ಪಸರನೆ ಆಂಡ್. ಸಂಸ್ಕೃತಿ ಬಾಸೆದ ದೀಲೊ. ಬಾಸೆದೊಟ್ಟಿಗೆ ಸಂಸ್ಕೃತಿಲಾ ಒರಿದ್ ಬತ್ತಂಡ್.

ಸುಂದರ ರಾಮ ಶೆಟ್ರು ಸಂಪೊತ್ತುಡು ಮಲ್ಲಾರ್. ಆಂಡ ಆ ಮಲ್ಲಾದಿಗನ್ ಆರ್ ಪಾಪದಕುಲೆಡ ತೋಜಾಯಿಚೆರ್. ಬಡವೆರೆನ ಬಗೆಟ್ ಆರೆಗ್ ಕರುಣೆ ಇತ್ತಂಡ್. ತನ್ನ ಊರುದ ಬಗ್ಗೆ ಅಭಿಮಾನೊ ಇತ್ತಂಡ್. ಊರುದ ಏತೋ ಲೇಸ್‌ಲೆಗ್ ಆರ್ ಬೆರಿಸಾಯೊ ಕೊರ್ಯೆರ್. ಜರಿಯೊಂದಿತ್ತಿನ ಕಟ್ಟಿಣಲೆನ್ ಲಕ್ಡಂತಾಯೆರ್. ಊರುಗು ಉಪಕಾರ ಮಲ್ತಿನ ಮಲ್ಲ ಪುಣ್ಯಾತ್ಮೆ ಆರ್.

ಆರೆನ ಬಗೆಟ್ ಬೂಕುಬರೆದ್ ಕೊರೊಡುಂದು ಪನ್ನಗ, ಆರೆನ ಬ್ಯಾಂಕ್‌ಡೇ ಬೇಲೆ ಬೆಂದ್‌ದ್ ನಿವೃತ್ತಿ ಪಡೆಯಿನ, ಆರ್ ಪುಟ್ಟಿನ ಊರುಡೇ ಪುಟ್ಟು ಬಳತಿನ ವಿದ್ವಾಂಸೆ ಶ್ರೀ ಎನ್.ಪಿ. ಶೆಟ್ರು ಬಾರಿ ಸಂತೋಸುಡು ಒತ್ತೊಂದು ಪೋರ್ಲು ಪೊಲಿಗ್ಡೆ ಬರೆದ್ ಕೊರ್ಯೆರ್. ಆಕೃತಿ ಪ್ರಿಂಟ್‌ದ ಶ್ರೀ ಕಲ್ಲೂರು ನಾಗೇಶ್ ಬೊಕ್ಕ ಕೂಟೊದಕುಲು ಅಚ್ಚಿಮಲ್ತ್ ಕೊರ್ಯೆರ್. ಮುಕುಲೆಗ್ ಉಡಲ್‌ದಿಂಜಿ ಸೊಲ್ಮೆ ಸಂದಾವೊಂದು ಸುಂದರ ರಾಮ ಶೆಟ್ಟಿನ ಸಾದನೆ ಮಾತ ಜವ್ವನೆರೆಗ್ಲಾ ಸಾದಿತೋಜಾದ ಕೊರ್ಪುನಂಚನೆ ಆವಡ್. ಆರೆನ ಕೀರ್ತಿ ನನಲಾತ್ ಮಿತ್ತೇರಡ್ ಪಂಡತ್‌ಡ್ ಬಯಕೊನ್ನೆ.

ಪುತ್ತೂರು
20-4-2011

ಡಾ. ಪಾಲ್ವಾಡಿ ರಾಮಕೃಷ್ಣ ಆಚಾರ್

ಸುರುತ ಮದಿಪು

ಮುಲ್ಕಿ ಸುಂದರ ರಾಮ ಶೆಟ್ರು ಎಡ್ಡೆ ಮನೆತನೊಡು ಪುಟುದು, ಎಲ್ಲಿಡೇ ಇನ್ನೂರನ್ನ ಕಂಪನಿ ಸೇರ್ದೆ ತನ್ನ ಕಾರ್ಡ್ ತಾನ್ ಉಂತುದಿನಾರ್. ಬೊಕ್ಕ ವಿಜಯಾ ಬ್ಯಾಂಕ್‌ದ ಅಭಿವೃದ್ಧಿಗಾದ್ ಎಡೇನ ಪುಣೆತಿನಾರ್, ತುಳು ಸಮಾಜದ ಜವಣೆರೆಗ್ ಬ್ಯಾಂಕ್‌ಡ್ ಕೆಲಸ ಕೊರ್ಪು ಸುಮಾರ್ ಪತ್ತ್‌ಸಾವಿರ ಕುಟುಮೊಲು ಆರೆನ್ ನಿತ್ಯ ನೆನಪುಲೆಕ್ಕ, ಐತ ಪರಿಣಾಮ ಇತ್ತೆ ಲಕ್ಷಾಂತರ ಜನೊಕು ಆಪಿನೆಕ್ಕ ಕಾರಣೆರಾತಿನಾರ್.

ಸುಂದರ ರಾಮ ಶೆಟ್ರು ಬ್ಯಾಂಕ್‌ಡ್ ಎಂಕ್‌ಲಾ ಕೆಲಸ ಕೊರ್ತೆರ್. ಆ ಋಣೊನು ಕಿಂಚಿತ್ತಾಂಡಲಾ ಈ ನಮೂನೆಡ್ ಸಂದಾವರೆ ತಿಕಿನ ಎನ್ನ ಒಂಜಿ ಭಾಗ್ಯ. ಅರೆನ ಬದ್ಕದ ಪೂರಾ ಸಂಗತಿಲೆನ್ ನೆಟಿ ಒಟ್ಟು ಪಾಡರೆ ಇಡೆ ಇಜ್ಜಿ ಸಮಯಲಾ ಇಜ್ಜಿ. ಭಾರಿ ಅಮಸರೊಡು ಉಂದೆನ್ ಬರೆಪೊಡಾಂಡ್. ಈ ಕೃತಿದ ವ್ಯಾಪ್ತಿಗ್ ಒಂಜಿ ಮಿತಿಲಾ ಉಂಡು. ಅಂಚಾದ್ ಏತೊ ಸಂಗತಿಲು ನೆಟಿ ಬರಂದೆ ಉಪ್ಪು. ಮುಖ್ಯವಾಯಿನ ಕೆಲವು ಸಂಗತಿಲು ಮಾತ್ರ ನೆಗತ್ತ್ ತೋಜು.

ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ 'ಮದಪ್ಪೆರಾವಂದಿ ತುಳುವೆರ್' ಪನ್ನಿನ ಕೊಡಿಯಡಿಟ್ ತುಳುನಾಡ್‌ಗ್ ಬೇತೆ ಬೇತೆ ನಮೂನೆಡ್ ಸೇವೆ ಮಲ್ತಿನ ಹಿರಿಯರೆನ ಬದ್ಕದ ಪರಿಚಯ ಮಲ್ತ್ ಕೊರೊಂದುಂಡು. ಪಣವುದ ಕ್ಷೇತ್ರೊಡು ಈ ಬ್ಯಾಂಕ್‌ದ ಅಧ್ಯಕ್ಷೆ ಆದ್, ಆ ಬ್ಯಾಂಕ್‌ನ್ ಮಿತ್ತ್ ಕಣತ್‌ದ್ ಐತ ಪ್ರಯೋಜನೊನು ತನ ಊರುದ ಜನೊಕುಲೆಗ್ ಎಡ್ಡೆ ಎಡ್ಡೆ ಕೆಲಸ ತಿಕ್ಕುನ ನಮೂನೆಡ್ ಮಲ್ತ್ ಕೊರಿನ ಸುಂದರ ರಾಮ ಶೆಟ್ರುನ ಪುದರ್ ತುಳುನಾಡ್‌ಡ್ ಸ್ಥಿರವಾದ್ ಒರಿಯೊಡು. ದುಂಬುದ ಜನಾಂಗ ಅರೆನ್ ನೆನಪು ಮಲ್ಪೊಡು. ತನ ಊರುದಕುಲು ಓಲು ತಿಕೊಂಡಲಾ ಆರ್ ತುಳುಟೇ ಪಾತೆರೊಂದಿತ್ತೆರ್. ತುಳುನಾಡ್‌ದ ಮಸ್ತ್ ಶಾಲೆ, ಕಾಲೇಜ್, ದೈವಸ್ಥಾನ, ದೇವಸ್ಥಾನೊಲೆನ ಜೀರ್ಣೋದ್ಧಾರೊಗು ಸಾಯ ಮಲ್ತೆದರ್.

ಈ ಪುಸ್ತಕ ಬರೆಯರೆ ಎಂಕ್ ಪೊತ್ನಾಹ ಕೊರಿನ ಡಾ. ಪಾಲ್ವಾಡಿ ರಾಮಕೃಷ್ಣ ಆಚಾರ್ ಬೊಕ್ಕ ತುಳು ಅಕಾಡೆಮಿದ ಸದಸ್ಯೆರೆನ್, ಅಕಾಡೆಮಿದ ರಿಜಿಸ್ಟ್ರಾರೆನ್ ಯಾನ್ ನೆನೆತೊನೊಡು. ವಿಷಯ ಸಂಗ್ರಹೊಗು ಸಾಯ ಮಲ್ತಿನ ಎನ್.ಎಸ್. ಸುಕುಮಾರ ಶೆಟ್ಟಿ, ಮುರಲೀಧರ ಭಂಡಾರಿ ಮುಲ್ಕಿ, ಅಶೋಕ ಕುಮಾರ ಶೆಟ್ಟಿ ಬೆಂಗಳೂರು (ಸುಂದರ ರಾಮ ಶೆಟ್ಟಿನ ಮಗ) ಮೊಕಲೆಗ್ ಸೊಲೆ ಸಂದಾವೆ.

ಮುಲ್ಕಿ
ಜನವರಿ 2011.

ಎನ್.ಪಿ. ಶೆಟ್ಟಿ

ಅನ್ನದಾತೆ ಆಯಿನಾರ್

ವಿಜಯಾ ಬ್ಯಾಂಕ್‌ದ ಮುಖ್ಯ ಕಾರ್ಯಾಲಯ ದುಂಬು ಒಂತೆ ಸಮಯ ಇತ್ತಿನಿ ಬೆಂಗಳೂರುಡು ರೆಸಿಡೆನ್ಸಿ ರೋಡುಡು “ಜನಾರ್ದನ್ ಟವರ್ಸ್” ಪನ್ನಿನ ಬಿಲ್ಡಿಂಗ್‌ಡ್. 1976 ನೇ ವರ್ಸೊದ ಪೆರಾರ್ದೆ ತಿಂಗೊಲು. ಕಾರ್ಯಾಲಯದ ಎದುರು ಸೇರ್ದಿನ ಪತ್ತೆ ನೂದು ಜನ. ಅದಗನೇ ದೂರಿನ ಬರ್ಸೊ, ಪನಂದಿ ಬತ್ತಿ ಬಿನ್ನಲೆಕ್ಕೊ, ಕೆಲವೆರ್ಡು ಮಾತ್ರ ಕೊಡೆ, ಎಚ್ಚಿನಕುಲು ಚಂಡಿ. ಆವಂದಿಲೆಕ್ಕ ಮರತ ಅಡಿಟ್ ಉಂತಿಯೆರ್ಡಲಾ ನೀರ್‌ನ್ ಪೂರಾ ತಪ್ಪಾವೊನೊರೆ ಆಯಿಜಿ. ಸೇರ್ದಿನಕುಲು ಎಚ್ಚಿನಕುಲು ವಿಜಯಾ ಬ್ಯಾಂಕ್‌ಡ್ ಕೆಲಸೊಗಾತ್ರ ಬೈದಿನ ಜವಣ ಜವಂದಿಯೆರ್. ಅಕಲೆನ್ ಲೆಸೊಂದು ಬೈದಿನ ಕೆಲವೆರ್ ಪ್ರಾಯದಕುಲು, ಕೆಲವೆರ್ ಮಸ್ತ ಪರಬೆರ್.

ರೆಸಿಡೆನ್ಸಿ ರೋಡುಡು ಕಾರೊಂಜಿ ಬತ್ತೆಡ್ ‘ಜನಾರ್ದನ್ ಟವರ್ಸ್’ ದ ಎದುರು ಉಂತುಂಡು. ಅಯಿಡ್ ಪಿದಯಿ ಬತ್ತೆರ್ ಒರಿ ಬೊಲ್ಡು ತುತ್ತೆತ್ತದ ಒರತೂಂಡ, ಕುಡವೊರ ತೂಪಿನಂಚಿನ, ಬೊಕ್ಕ ಏಪಲಾ ಮಾತೆರ್ ಪೋವಂದಿನಂಚಿನ ಸರ್ತ, ಎತ್ತರದ ಪೂರ್ಲು ಸುರ್ಪೊದ, ಆಜಾನುಬಾಹು ಜನ. ಅರೆನ ದಿಟ್ಟ ಮರತ ಅಡಿಕ್ ಪೋಂಡು. ಒಂಜಿ ಗಲ್ಲೆಡ್ ಆರ್ ಜನಾರ್ದನ್ ಟವರ್ಸ್‌ದ ಒಂಜಿನೆ ಮಾಳಿಗೆದ ತನ ಛೇಂಬರ್‌ದುಲಯಿ ಪೋಯೆರ್. ಪೋಯಿನಾರೆ ಅದಗ ತನ್ಕೆ ಪಿ.ಎ. ಆದಿತ್ತಿನ ಡಾ. ಶಂಕರ ಶೆಟ್ಟಿನ್ ಲೆತ್ತೆಡ್ ಆರ್ಡ್ ಪಂಡೆರ್. “ತೂಲೆ ಆ ಮರತಡಿಟ್ ಚಳಿಕ್ ಕುಂಬರುನ ನಾಲ್‌ಜನ ಪರಬೆರೆನ್ ಇತ್ತನೆ ಇಡೆಗ್ ಲೆಸೊಂದು ಬಲೆ. ಈರೆ ಪೋಲೆ”.

ಡಾ. ಶಂಕರ್ ಶೆಟ್ಟಿ ಆ ನಾಲ್ ಜನ ಪರಬೆರೆನ್ ಸುಂದರ ರಾಮ ಶೆಟ್ಟಿನ ಚೇಂಬರ್‌ಗ್ ಲೆಸೊಂದು ಬತ್ತೆರ್. ಸುಂದರ ರಾಮ ಶೆಟ್ಟಿ ಅಕಲ್ನ ಸುಕಕಷ್ಟ ಕೇಂಡ್‌ದ್ ಅಕುಲು ದಾಯೆಗ್ ಬೈದುಪ್ಪರ್ ಪನ್ನಿನೆನ್ ತಾನೆ ಅರ್ತೊ ಮಲ್ತೊಂದು ಅಕಲ್ನ ಪಾಸಾಡಿಡ ಜವ್ವಣೆರೆನ್ ಲೆತ್ತಾದ್ ಅರ್ಜಿನ್ ಗೆತೊಂದು ಅಕ್ಲೆಗ್ ಕೆಲಸ ಕೊರ್ಚೆರ್. ಒಂಜಿ ವಾಯೊಡ್ಲಿಂಚಿ ಈ ಜನೊಕುಲು ಸುಂದರ ರಾಮ ಶೆಟ್ಟಿನ್ ಕಾತೊಂದು ಉಂತುದೆರ್. ದಿನೊಲಾ ಬತ್ತಾದ್ ಪಿರ ಪೋವೊಂದಿತ್ತೆರ್. ತನ ಜೋಕುಲೆಗ್ ಕೆಲಸ ತಿಕ್ದ್, ಬದ್‌ಕ್‌ದ ತಾದಿ ನಾಡರೆ ಅಕುಲು ಬೈದಿತ್ತೆರ್. ಬೇತೆ ಕೆಲೊಸೊಡು ಉತ್ತರ ಭಾರತೊಗು ಪೋದಿತ್ತಿನ ಸುಂದರ ರಾಮ ಶೆಟ್ಟಿ ಒಂಜಿ ವಾಯೊಡು ಬೆಂಗಳೂರುಡು ಇತ್ತ್‌ಚೆರ್.

ಲೋಕೊಡು ಕೆಲಸೊಗು ಕಂಪನಿ, ಸಂಸ್ಥೆಲು, ಬ್ಯಾಂಕುಲು ಮಸ್ತ್ ಉಲ್ಲ, ಉಪ್ಪ. ಆಂಡ ಒಂಜಿ ಬ್ಯಾಂಕ್‌ನ್ ಒಂಜಿ ದಸಕೊಡ್ಲೊಲಾ ಎಚ್ಚ ಸಮಯೊಡು ಅದ್ಲೆಕ್ಲೆ ಆದ್ ಆಳೊಂದು, ತಾನ್ ಲೆಪ್ಪಂದೆ ಅಕುಲಾದ್ ಬತ್ತಿನಕೆಲೆಗ್ ಕೆಲಸ ಕೊರ್ಪು. ಬೇತೆ ಸಂಸ್ಥೆಲೆನ ಕೆಲಸ ಕೊರ್ಪಿನ ನಿಯಮೊಲೆನ್ ಮಾನವೀಯ ದೃಷ್ಟಿಡ್ ಮಾತ ಮಿರ್ತ್ಲೆ, ಎತೋ ಇಲ್ಲಾಲೆಡ್ ಬೊಲ್ಪು ಸದಾ ಅರ್ಪು ಲೆಕ್ಕ ಮಲ್ಪಿನ ಮಾಮಲ್ಲ ಪುಣ್ಯಾತ್ಮೆ ಸುಂದರ ರಾಮ ಶೆಟ್ಟಿ, “ಎಂಪ್ಲಾಯ್‌ಮೆಂಟ್ ಎಕ್ಸ್‌ಚೇಂಜ್” ಪನ್ನಿನ ಒಂಜಿ ಸಂಸ್ಥೆ ಉಂಡು. ಅವು ಸಾರ ಅರ್ಜಿ ಲೆತ್ತಂಡ, ನೂದು ನಿಷ್ಕುರ ನಿಯಮೊಲೆನ್ ಒಡ್ಡಾದ್ ದಾಲ ಮೂಜಿ ಜನಕ್ ಕೆಲಸ ತಿಕ್ಕು. ಅತ್ತಂಡ ಬೇತೆ ಬೇತೆ ಮಲ್ಲ ಕಂಪನಿಲು ಕೆಲಸೊಗು ಜನ ಬೋಡುಂದು ಲೆತ್ತಾದ್ ಪತ್ತ್ ಜನೊಕು ಕೆಲಸ ಕೊರುವೆರ್. ತನಕಯಿತಲೆ ಕೆಲಸ ಕೇನೊಂದು ಬತ್ತಿನಾಯನ ಯೋಗ್ಯತೆಗ್ ತಕ್ಕ ವಾ ಮುಲಾಜಿದಾಂತೆ ಕೆಲಸಕೊರ್ತಿನ ಇಂಚಿನ ನರಮಾನಿ ಬಹುಶಃ ಇದಮುಟ್ಟ ಪುಟಿದಿನಿಜ್ಜಿ, ನನ ಪುಟ್ಟಿರಿಜ್ಜಿ.

ಯಾನ್ ಮಿತ್ತ್ ಪನ್ಯ ಆ ನಾಲ್ ಪರಬೆರೆನ್, ಆಕಲೆ ಜೋಕುಲೆಗ್ ಕೆಲಸ ಕೊರ್ಪು ಗೌರವೊಡು ಕಡಪುಡಿನ ಒಟ್ಟುಗು ಮರತಡಿಟ್ ಕಾದ್ ಉಂತುದಿನ ಎಣ್ಣೆತ್ತೈನ್ ಜವಣೆರೆಗೆ ಆನಿದ ದಿನ ಕೆಲಸ ಕೊರ್ತೆರ್‌ಗೆ. ಆ ವರ್ಸೊಡು (1976) ವಿಜಯಾ ಬ್ಯಾಂಕ್‌ದ ಮಸ್ತ್ ಪೊಸ ಎಗ್ಲೆಲು ಓಪನ್ ಆದ್ ಒಂಜಿಸಾರದ ಇರ್ನೂದು ಜನೊಕು ಸುಂದರ ರಾಮ ಶೆಟ್ಟಿ ಕೆಲಸ ಕೊರ್ಚೆರ್. ಅಯಿತ ದುಂಬುದ ವರ್ಸೊಡು (1975) ನೂತ್ತ ಐನ್ ಪೊಸ ಎಗ್ಲೆಲು ಉದಿಪನ ಆದ್, ಬ್ಯಾಂಕಿಂಗ್ ಚರಿತ್ರೆಡ್ ಒಂಜಿ ಪೊಸ ಅಧ್ಯಾಯ ಆರ್ ಬರೆದಿತ್ತೆರ್.

ವಿಜಯಾ ಬ್ಯಾಂಕ್‌ಡ್ ಮಸ್ತ್ ವರ್ಸೊ ಕೆಲಸ ಮಲ್ತಾದ್ ಐತ ಜನರಲ್ ಮ್ಯಾನೇಜರ್ ಆದ್ ರಿಟೈರ್ಡ್ ಆಯಿನ ಡಾ. ಶಂಕರ್ ಶೆಟ್ಟಿ ಸುಂದರ ರಾಮ ಶೆಟ್ಟಿ ವಿಷಯ ಬರೆನಗ ಪನ್ನೆರ್ “One of the greatest quality of late Sundarram Shetty, which was not realised and understood,

by many people was his sense of compassion, love and kindness to others.” ಈ ಮನುಷ್ಯಗ್ ಬೇತೆಕಲೆ ಮಿತ್ತ್ ದಯೆ, ಪ್ರೀತಿ, ಕರುಣೆ ಏತ್ತ್ಂಡ್ ಪನ್ನಿನ ಸಂಗತಿ ಮಸ್ತ್ ಜನೊಕು ಗೊತ್ತುಂಜ್ಜಾಂದೆ ಪೋಂಡು. ಕರುಣೆಡ್, ಪ್ರೀತಿಡ್, ಗೌರವೊಡು, ಉಪಕಾರ ಸ್ವರಣೆಡ್ ಆರ್ ಮಸ್ತ್ ಜನೊಕು ಕೆಲಸ ಕೊರ್ತಿನಾರ್. ಅದಗ ಆರ್ ಜಾತಿ, ಧರ್ಮದ ಪರಿಧಿನ್ ಮಿರ್ದಿನಾರ್. ವಿಜಯಾ ಬ್ಯಾಂಕ್ಡ್ ಸುರು ಸುರುಟು ಬಂಟೆರ್ ವಂತೆ ಎಚ್ಚ ಇತ್ತ್ಂಡಲಾ - ಮಾತಾ ಜಾತಿದಕುಲಾ ಕೆಲಸೊಗು ಇತ್ತೆರ್. ತನ್ಕ ಕಲ್ಪಾಯಿನ ಮಾಸ್ತ್ರಿನಕುಲು ಅಕುಲು ವೋವ್ವೆ ಜಾತಿದಕುಲಾದುಪ್ಪು ಅಕುಲು ಪುದರ್ ಪಂಡ್ಡ್ ಕಡಪುಡಿನ ಮಾತ ಜವ್ವಣೆರೆಗ್ ಆರ್ ಕೆಲಸ ಕೊರ್ತೆರ್.

ಮುಲ್ಕಿ ಊರುಡು ಅರೆಗ್ ಪರಿಚಯ ದಾಂತಿನ, ಆಂಡ ಅರೆನ ವಿಷಯ ತೆರಿದಿನ ಒಂಜಿ ಪ್ರಾಯೊದ ಪೊಂಜೊವು ಅರೆಗೊಂಜಿ ಕಾಕಜಿ ಬರೆಂಡ್ “ ಯಾನ್ಲಾ ಎನ್ನ ಒರ್ತಿ ಪುಲ್ಲಿಲಾ ಒಟ್ಟುಗುಲ್ಲಾ. ಎನ್ನ ಪುಲ್ಲಿ ಮೆಟ್ರಿಕ ಕಲ್ಯೊಲು. ಎಂಕಲೆಗ್ ಬದಕರೆ ಬೇತೆ ದಾಲ ಉತ್ಪತ್ತಿ ಇಜ್ಜಿ. ಎನ್ನ ಪುಲ್ಲಿಗ್ ಈರೊಂಜಿ ಕೆಲಸ ಕೊರೊಡು. ಎಂಕಲೆನ್ ಬದುಕುಲೆಕ್ಕೊ ಮಲ್ಯೊಡು”. ಸುಂದರರಾಮ ಶೆಟ್ರು ಮುಲ್ಕಿ ವಿಜಯಾ ಬ್ಯಾಂಕ್ದ ಮೆನೇಜರ್ಗ್ ಫೋನು ಮಲ್ತ್ದ್ ಅರೆನ್ ಆ ಇಲ್ಲಡೆ ಕಡಪುಡಿಯೆರ್. ಅಲ್ತ ನಿಜ ಸ್ಥಿತೆನ್ ತೆರಿಯೊಂದು ಎಂಕ್ ತೆರಿಪಾವೊಡೆಂದೆರ್. ಮ್ಯಾನೇಜರ್ ಅಡೆ ಪೋದು ಇಸಯೊ ತೆರಿಯೊಂದು ರಿಪೋರ್ಟು ಕೊರಿಯೆರ್. ಪೊಣ್ಣೆಗ್ ಕೆಲಸ ತಿಕಂಡ್. ಅಕಲೆಗ್ ಬದುಕುನ ಸಾದಿ ಆಂಡ್. ಬಹುಶಃ ಸುಂದರ ರಾಮ ಶೆಟ್ರು ಅತ್ತಾವಂದೆ ವಾ ನರಮಾನಿಲಾ ಈ ನಮನೆಡ್ ಕೆಲಸೊಗು ಸಹಾಯ ಮಲ್ತಿನ ಚರಿತ್ರೆ ತಿಕ್ಕುನ ಕಷ್ಟೋ!

ಆರ್ ಪಂಜಿನಡ್ಕ ಸಾಲೆಗ್ ಪೋವೊಂದುಪ್ಪುನಗ ಎಲ್ಲಿಡ್ ಅರೆಗ್ ಬಾಜೆಲ್ಗ್ ಬೆಲ್ಲ ನೀರ್ ಕೊರಿನ ದೇವ್ರಾಯ ಕಾಮತೆರೆನ ನೆಂಪುಡು ಅರೆನ ರಡ್ಡ್ ಜೋಕುಲೆಗ್ ಕೆಲಸ ಕೊರ್ತೆರ್. ಮಿಶನ್ ಶಾಲೆದ ತನ ಟೀಚೆರೆನ ಮಗಲೆಗ್, ಮುಲ್ಕಿ ಮಸೀದ್ಡ್ ‘ಮುಲ್ಲಾ’ ಆದಿತ್ತಿನಾರೆನ ಜೋಕುಲೆಗ್ - ಇಂಚ ಜಾತಿ ಮತದ ಭೇದದಾಂತೆ ಬ್ಯಾಂಕ್ಡ್ ಕೆಲಸೊ ಕೊರ್ತೆರ್.

ಒಂಜಿ ಪಣವುದ ಸಂಸ್ಥೆಡ್ ಈತ್ಮಮಾತ ಜನಕ್ ಕೆಲಸ ಕೊರ್ಪಿನ ಮಾಮಲ್ಲ ಸಾಹಸೊ. ಐತ ಒಟ್ಟುಗು ನನಲಾತ್ ಜನೊನು ಸೇರಾವೊಂದು ಆ ಸಂಸ್ಥೆನ್ ಬುಲೆಪಾವುನ ಕೆಲಸೊ ನನ ಒಂಜಿ ಮಲ್ಲ ಸಾಹಸೊ. ಇಂಚಿನ ಸಾಹಸೊದ ಕತೆನೆ ಮುಲ್ಕಿ ಸುಂದರರಾಮ ಶೆಟ್ರಿನ ಚರಿತ್ರೆ, ಬೊಕ್ಕ ಆರ್ ಬುಲೆಯಿನ ಬುಲೆಪಾಯಿನ, ಇತ್ತೆ ಅಂತಾರಾಷ್ಟ್ರೀಯ ಮಟ್ಟೊಡು ಮೆನ್ನೊಂದುಪ್ಪುನ ವಿಜಯಾ ಬ್ಯಾಂಕ್ದ ಕತೆಲಾ ಅಂದ್.

ವಿಜಯಾ ಬ್ಯಾಂಕ್ದ ಡೈರೆಕ್ಟರ್ ಆದಿತ್ತಿನ ಮುಲ್ಕಿ ಸುಂದರ ರಾಮ ಶೆಟ್ರು 1962ಟ್ ಐತ ಸಂಪರ್ಕೊಗು ಬತ್ತೆರ್. ಆಲ್ತ ಬೊಕ್ಕ 1968 ಡ್ಕು 1979 ಮುಟ್ಟ ಐತ

ಚೇರ್ಮನ್ ಆದ ಸರ್ವಾಂಗೀಣ ಸಾಧನೆಗೆ ತಾದಿ ತೋಜಾಯೆರ್. 1946ಡ್ಲಿಂಚಿ ಅರೆಗೆ ಈ ಬ್ಯಾಂಕ್‌ದ ಒಟ್ಟುಗು ಸಮ್ಮಂದ ಇತ್ತ್ಂಡ್. ನಡುಟು 1949-51 ತ್ತ ಒಂಜರೆ ವರ್ಸೊ ಆ ಸಮ್ಮಂದ ತತ್ತ್ ಪೋತುಂಡು. ಅವೈನ್ ಬುಡುಂಡ ಅರೆನಾಲಾ ಈ ಬ್ಯಾಂಕ್‌ದಲಾ ಸಮ್ಮಂದ ಬಾರೀ ಪಿರ್ತಿದ. ಬಾರೀ ಪಿರವುದ; ಬೊಕ್ಕ ಬಾರೀ ಅರಂಗಣಿಗದ (ಸುಮಾರ್ 17 ವರ್ಸೊದ). 1962 ನೇ ಇಸವಿಡ್ ನೆತ್ತ ಪರಿಸ್ಥಿತಿ ಚಿಂತಾಜನಕವಾದ್‌ತ್ತ್ ಉಂದೊಂಜಿ ಮುರ್ಕುನ ಓಡದ ಲೆಕ್ಕ ಇತ್ತ್ಂಡ್. ಸುಂದರ ರಾಮ ಶೆಟ್ಟಿನ ಧೈರ್ಯ, ಸಾಹಸ, ವ್ಯವಹಾರ ಸಂಬಂಧ, ವಾ ನಮನೆಡಾಂಡಲ ಉಂದೆನ್ ಒರ್ತೊನೊಡು ಪನ್ನಿನ ಏಕಾಗ್ರತೆಡ್, ಬೊಕ್ಕ ಪುಣೆಪಾಟಿಗಡ್ ಬ್ಯಾಂಕ್ ಒರೀಂಡ್. ಒರಿನೇನೇ ಆತ್ತ್ ಲಕ್ಷಾಂತರ ಜನೊತ ಬದ್‌ಕ್‌ಗೆ ಆಧಾರ ಆಂಡ್. ದೇಶ ವಿದೇಶೊಲೆಡ್ ಇನಿ ಪುದರ್ ಮಲ್ತ್ಂಡ್.

ಪುಣ್ಯದ ಮಣ್ಣು ಮುಳ್ಳಿ

ಮುಳ್ಳಿ ಸಾವಂತ ಅರಸೆರ್ ಆಲ್ತಿನ ಎಡ್ಲೆ ಪುದರ್‌ದ ಊರು. ಪಿರಾಕ್‌ದ ಕಾಲೊಡು ಮೂಲು ಬಂದರ್ ಇತ್ತ್ಂಡ್‌ಗೆ. ಈ ಬಂದರ್‌ದ ಮೂಲಕ ಅರಬ್ ದೇಸೊಲೆಡ, ಗ್ರೀಕ್ ದೇಸೊಲೆಡ ವ್ಯಾಪಾರ ಸಮ್ಮಂದ ಇತ್ತ್ಂಡ್. ಶಿಮಂತೂರು ಸಾವಂತ ಅರಸೆರೆನ ಮುಳ್ಳಿದ ರಾಜಧಾನಿ ಆದ್‌ತ್ತ್ಂಡ್, ಶಿಮಂತೂರು, ಮುಳ್ಳಿ ಪರಿಸರೊಡ್ಲ ಎಡ್ಲೆ ಜಾತಿದ ಅರಿ 'ಮಸ್ಕತ್'ಗೆ ರಫ್ತಾ ಅವೊಂದಿತ್ತಿನೆಡ್ಲಾವರ ಮುಲ್ತ ಒಂಜಿ ಜಾತಿದ ಅರಿಕ್ 'ಮಸ್ಕತಿ' ಇಂದೇ ಪುದರ್ ಬೈದ್‌ಂಡ್. ಈ ಮುಳ್ಳಿದ ಬಂದರ್‌ಡ್ ಅಂಚಿಂಚಿ ಪೋಪಿನ ಓಡೊಲೆಗೆ "ಮೂಲಿ" (Tax) ವಸೂಲಿ ಮಲ್ತುನ ಒಂಜಿ ಜಾಗೆ ಇತ್ತ್ಂಡ್. ಅಂಚಾದೆ ಊರುಗು "ಮುಳ್ಳಿ" ಪನ್ನಿನ ಪುದರ್ ಬತ್ತ್ಂಡ್ ಇಂದ್‌ದ್ ಕೆಲವೆರೆನ ಅಭಿಪ್ರಾಯ. ಮುಳ್ಳಿದ ಲಿಂಗಪ್ಪಯ್ಯಕಾಡ್‌ಡ್ ಮಸ್ತ್ ನಮನೆದ ಗಿಡ ಮೂಲಿಕೆಲು (ಮರ್ದದ ಗಿಡೊಕುಲು) ಇತ್ತಿನೆಡ್ಲಾವರ ಊರುಗು (ಮೂಲಿಕೆ) "ಮುಳ್ಳಿ" ಪನ್ನಿನ ಪುದರ್ ಬತ್ತ್ಂಡ್ ಪಂಡ್‌ದ್ ನನೊಂಜಿ ವಾದ. ಇತ್ತೆ ಇತ್ತಿನ ಮುಳ್ಳಿ - ಕಾರ್ನಾಡ್‌ನ್ ಸುತ್ತು ಪಾಡೊಂದು ಪರಪುನ ಶಾಂಭವೀ ಸುದೆ ಅಪಗ ಅಯಿಟ್ಟೆಟಿ ಕೆಲವು ಕುದುರುಲೆನ ಸುಟ್ಟಿ ಮಲ್ತ್ ದಿತ್ತಂಡ್, ಕೆಲವು ಕವಿಕುಲು ಉಂದೆನ್ "ಮೂಲಿಕಾಪುರ" ಪಂಡ್‌ದ್ ಪಂತರ್. ಮುಳ್ಳಿ ಶೀಮಂತೂರುಡು ಆದಿ ಜನಾರ್ದನ ದೇವಸ್ಥಾನ ಉಂಡು. ಅವು ಸುಮಾರ್ ಪದ್‌ರಾಡನೆ ಶತಮಾನೊದ. ಮುಳ್ಳಿ ಸಾವಂತ ಅರಸೆರೆನ ಪಟ್ಟದ ಲಾಂಛನ ಆದ್ ಈ ಜನಾರ್ದನ ದೇವೆರೆನ ಗುರುತೊ, ಶೀಮಂತೂರುಡ್ಲ ರಾಜಕೀಯ ಕಾರಣೊಗಾತ್ರ ಅರಸುಲು ಮುಳ್ಳಿದ

ಒಳಲಂಕೆಗೆ ರಾಜಧಾನಿನ್ ಕಣತೆರ್. ಮುಲ್ಕಿದ ಬಪ್ಪನಾಡ್ಡ್ ಇತಿಹಾಸ ಪ್ರಸಿದ್ಧ ದುರ್ಗಾಪರಮೇಶ್ವರೀ ದೇವಾಸ್ಥಾನ ಉಂಡು. ಈ ದೇವಸ್ಥಾನೊಗು ಮುಲ್ಕಿದ ಒಂಬ ಮಾಗಣೆಡ್ಡ್ ಭಕ್ತೆರ್ ಸಮ್ಂದ ದೀತೆರ್. ಇಂಚಿನ ಮುಲ್ಕಿ ಊರು ಕಿನ್ಯಾಂಡಲ ಮಸ್ತ್ ಜನ ಕೀರ್ತಿವಂತೆರೆಗೆ ಜನ್ಮ ಕೊರಿನ ಪುಣ್ಯದ ಮಣ್ಣ್.

ಕೆನರಾ ಬ್ಯಾಂಕ್ ಸ್ಥಾಪನೆ ಮಲ್ತಿನ ಅಮ್ಮೆಂಬಳ ಸುಬ್ರಾಯ ಪೈ, ಸಿಂಡಿಕೇಟ್ ಬ್ಯಾಂಕ್‌ದ ನಿರ್ಮಾತ್ಯ ಟಿ. ಎಮ್.ಎ. ಪೈ, ಕಾರ್ಪೊರೇಶನ್ ಬ್ಯಾಂಕ್‌ದ ಏಳಿಗೆಗೆ ಪೊಂಬುರ್ದಿನ ಎಮ್. ಆರ್. ಕಾಮತ್ ಮೊಕುಲು ಮಾತ ಮುಲ್ಕಿದಕುಲೆ. ದೇಶ ಭಕ್ತಿ ಕಾರ್ನಾಡು ಸದಾಶಿವ ರಾಯೆರ್, ಕಾರ್ನಾಡ್ ಮುಲ್ಕಿದಾರ್. ಸ್ವಾತಂತ್ರ್ಯ ಹೋರಾಟಗಾರೆ ರಾಮಕೃಷ್ಣ ಪೂಂಜೆರ್ ಮುಲ್ಕಿದಾರ್. ನನಲಾ ಅನೇಕಾನೇಕ ಮಹನೀಯೆರ್ ಪುಟುದಿನ ಊರು ಉಂಡು. ಕಾರಣೀಕ ಪುರುಷೆರ್‌ಂದ್ ಪುದರು ಪೋತಿನ ಜನಪದ ವೀರೆರ್ ತುಳುನಾಡ್‌ದ ಕೋಟಿ ಚೆನ್ನಯೆರೆಗೆ ಸರಿ ಸಮಾನ ಇತ್ತಿನ ಕಾಂತಾ ಬಾರೆ ಬೂದಬಾರೆಲಾ ಮುಲ್ಕಿ ಒರುಂಬ ಮಾಗಣೆದಕುಲು.

ಒಂಜಿ ಕಾಲೊಡು ಅಂತಾರಾಷ್ಟ್ರೀಯ ಮಟ್ಟದ ವ್ಯಾಪಾರ ಕೇಂದ್ರ ಆದಿತ್ತಿನ ಈ ಮುಲ್ಕಿದ ಜನೊಕುಲೆಗೆ, ದೇಶ ಕಟ್ಟೊಡಾಂಡ ದುಡ್ಡದ ಅಗತ್ಯವುಂಡು, ದುಡ್ಡು ಒಟ್ಟಾವೊಡ್ಡ ಅವೈನ್ ನಮ ಒರಿತೊಂದು ಬರೊಡು, 'ಹನಿಗೂಡಿ ಹಳ್ಳ' 'ಓಡಿಕೂಡಿ ಮುಡಿ' ಪನ್ನಿ ಗಾದೆಲೆನ ಲೆಕ್ಕ ; ಪತ್ತ ಜನ ಒಂತೊಂತೆ ಒರಿತೆರ್‌ದಲಾ ಮಸ್ತ್ ದುಡ್ಡು ಒರಿವುಂಡು. ಇಂಚಿನ ದುಡ್ಡು ಬಂಡವಾಳ ಉಪ್ಪುನ ಬ್ಯಾಂಕ್‌ನ್ ನಮ ಕಟ್ಟೊಡು, ಬೆಳಗಾವೊಡು ಈ ಮೂಲಕ ದೇಸೊ ಕಟ್ಟೊಡು ಪನ್ನಿನ ಕಳಕಳಿ ಇತ್ತೆಂಡ್.

ಉಡುಪಿ, ಮುಲ್ಕಿ, ಮಂಗಳೂರು (ಕುಡ್ಲ) ಈ ಮೂಜಿ ಊರುಲು ದೇಸೊದ ಮಲ್ಲ ತಾದಿದ (ರಾಷ್ಟ್ರೀಯ ಹೆದ್ದಾರಿ) ನಡುಟುತ್ತಿನ ಊರುಲು. ಉಡುಪಿ ಬಡಕಾಯಿಡ್ಡ್, ಕುಡ್ಲ ತೆನ್ನಾಯಿಡ್ಡ್, ಮುಲ್ಕಿಡ್ಡ್ ಮುಪ್ಪ ಕಿ. ಮೀ. ಅಂಚಿಂಚಿ ಉಲ್ಲ. ಈ ಊರುಲೆಡ್ ಸುಮಾರ್ ಇರ್ವತ್ತ ಮೂಜಿ ಬ್ಯಾಂಕುಲು ಪುಟುದ. ಐಟ್ ನಾಲ್ ಬ್ಯಾಂಕುಲು ಮಸ್ತ್ ಪುದರ್ ಕಣತ್‌ದ್ ಇತ್ತೆ ರಾಷ್ಟ್ರೀಯ ಮಟ್ಟೊಡು ರೈಸೊಂದುಪ್ಪುನವು. ಐಟ್ ಸುಂದರಾಮ ಶೆಟ್ರು ಬುಲೆಪಾಯಿನ ವಿಜಯಾ ಬ್ಯಾಂಕ್‌ಲಾ ಒಂಜಿ. ದೇಸೊದ ಏತೊ ಜಾಗೆಡ್ 'ಬ್ಯಾಂಕ್' ಪನ್ನಗ ಎಂಚಿನಂದೇ ತೆರೆಯಂದಿ ಕಾಲೊಡು ದಕ್ಷಿಣ ಕನ್ನಡದ ಜನೊಕುಲು ಎಡ್ಡೆ ವ್ಯವಹಾರ ಜ್ಞಾನ ತೆರಿದಿತ್ತೆರ್. ಒಪ್ಪೇ ಉದ್ಯಮ ಸ್ಥಾಪನೆಗೆ ದುಡ್ಡದ ಅಗತ್ಯ ಇತ್ತಿನೆನೆ ತೆರಿಯೆರ್. ದುಡ್ಡುನ ಒಟ್ಟು ಮಲ್ಪುನ ಮಾಧ್ಯಮನೇ ಪಣವುದ ಸಂಸ್ಥೆ (ಬ್ಯಾಂಕ್) ಪಂಡ್‌ದ್ ತೆರಿಯೆರ್. ಬ್ಯಾಂಕ್‌ಲೆನ್ ತಾಪನೆ ಮಲ್ತೆರ್.

ಮುಲ್ಕಿಡ್ 'ಮುಲ್ಕಿ ಬ್ಯಾಂಕ್' ಪಂಡ್‌ದೊಂಜಿ ಬ್ಯಾಂಕ್ ಇತ್ತೆಂಡ್. ಅವ್ವೆನ್ ಸ್ವಾತಂತ್ರ್ಯ ಸೇನಾನಿಯಾದಿತ್ತಿನ ರಾಮಕೃಷ್ಣ ಪೂಂಜೆರ್ ಸುರು ಮಲ್ತೆತ್ತೆರ್. ಆ ಬ್ಯಾಂಕ್ ಬೊಕ್ಕ ಸಿಂಡಿಕೇಟ್ ಬ್ಯಾಂಕ್‌ದೊಟ್ಟುಗು ಸೇರೊಂಡು.

ಮುಲ್ಕದ ಒಂದುಬ ಮಾಗಣೆಡ್ ಅರಸೊಲೆನ್ ಬಡುಂಡ ಭಾರಿ ಪ್ರಸಿದ್ಧ ಮನೆತನ ಕಕ್ಷ ಗುತ್ತು ಬಪ್ಪನಾಡ್ ದೇವಸ್ಥಾನದ ರಕೋಳಿಗೆ ತೂಪಿನ ಜವಾಬ್ದಾರಿ ಈ ಇಲ್ಲದ ಮಿತ್ತ್ ಬೂರುಂಡು. ಯಾನ್ ದುಂಬೇ ಪಂಡಿಲೆಕ್ಕ ಕಾಳಪ್ಪ ಶೆಟ್, ದಾಸ ಶೆಟ್ನಕಲಂಚಿ ಮಹಾತ್ಮೆರ್ ಆ ಇಲ್ಲಡ್ ಪುಟಿಯೇರ್. ಅವ್ವೇ ಪರಂಪರೆಡ್, ಅವ್ವೇ ಇಲ್ಲಡ್ ಪುಟಿನಾರ್ ಸುಂದರ ರಾಮ ಶೆಟ್, ಪುದರ್‌ದಂಚಿನೆ ತೂಪಿನಕುಲು ನನ ಬರ ತೂಪಿ ಲೆಕ್ಕಂತಿನ ರೂಪದಾರ್, ಆ ರೂಪೊಗು ತಕ್ಕ ಸಾಹಸೊಡು ಮೆರೆಯಿನಾರ್.

ಪುಟ್ಟು - ಬರವು

ಕಕ್ಷ ಗುತ್ತು ಪನ್ನಗ ಮುಲ್ಕಿಡ್ ಒಂಜಿ ರಾಜ ಮರ್ಜಿದ ಇಲ್ಲ. ಮುಲ್ಕದ ಒರಂಬ ಮಾಗಣೆಡ್ ಅಕಲ್ಲ ಆಸ್ತಿ ಪಾಸ್ತಿ ಪಸೆರ್ಡ್ ಒಕ್ಕಲೆಡಕುಲು ಬೆನೊಂದಿತ್ತೆರ್. ಕಾಳಪ್ಪ ಶೆಟ್ ಕಕ್ಷ ಗುತ್ತುದ ಪರಂಪರೆಡ್ ಪುದರ್ ಪಡೆಯಿನ ಯಜಮಾನೆ. ಒರುಂಬ ಮಾಗಣೆಡ್ ಪಸೆರ್ದಿನ ಮಾತ ದೈವಸ್ಥಾನೊಲೆಡ್ ಅಂಕ, ಆಯನ, ಕೋಲ, ಬಲಿ ಆನಗ ಬೂತ ಸುರು ಲೆತ್ತೊಂದಿತ್ತಿನೆ ಕಕ್ಷ ಗುತ್ತಿನಾರೆನ್. ಆರೆಗೊಂಜಿ ಆಸನ ಅವುಲು ಪ್ರತ್ಯೇಕವಾದ್ ದೀವೊಂದಿತ್ತೆರ್. ಆರ್ ಕಾರಣಾಂತೂರೊಡು ಕೋಲೊಗು ಬತ್ತ್‌ಜೆಡ್‌ಬೆ ಬೇತೆ ಏರ್ಲಾ ಅಯಿಟ್ ಕುಲ್ಲು ಲೆಕ್ಕ ಇಜ್ಜಿ ಆ ಸ್ಥಾನೊಗು ಆತ್ ಮಾನಾದಿಗ.

ಕಕ್ಷ ಗುತ್ತು ಉಪರಿಗೆದ ಮಲ್ಲ ಇಲ್ಲ. ನಾಲ್ ಸುತ್ತಲ ಪಸೆರ್ದಿನ ಪಚ್ಚೆ ಪೈರ್. ಎಚ್ಚಿನ ಆಸ್ತಿ, ಸಾಗೋಳಿ ಮಲ್ಲುನಕುಲು ಒಕ್ಕಲಕುಲು. ಗೇಣಿ ದನಿಕೇ ಅತ್ತ್ ಐತ ವಂತೆ ಅಂಶ ಬಪ್ಪನಾಡ್ ದೇವಸ್ಥಾನೊಗು ಪಾಡೊಡು. ಅಂಚಾಂಡ ಮಾತ್ರ ಗೇಣಿಗ್ ರಸೀದಿ. ಬಪ್ಪನಾಡ್ ಶ್ರೀ ದುರ್ಗಾಪರಮೇಶ್ವರೀ ದೇವಸ್ಥಾನದ ಮುಕ್ತೇಸರ್ ಆದ್ ಕಕ್ಷ ಗುತ್ತು ಕಾಳಪ್ಪ ಶೆಟ್ ಧಾರ್ಮಿಕ ಬೊಕ್ಕ ಸಾಮಾಜಿಕ ಕೆಲಸೊಲೆನ್ ಮಸ್ತ್ ಮಲ್ತೆರ್. ದೇವಸ್ಥಾನದ ಪೂಜೆ ಪುರಸ್ಕಾರೊಲೆಗ್ ಬೋಡುತ್ತಿನ ಆದಾಯ ಬರ್ಪಿಲೆಕ್ಕ, ಉತ್ಸವೊಲು ಗೌಜಿಡ್ ನಡಪುಲೆಕ್ಕ ಆರ್ ಮಲ್ದಿನ ಯೋಜನೆಲು ಒಂಜಿರಡ್ಡತ್ತ್. ಕಾಳಪ್ಪ ಶೆಟ್ನಿ ಬೊಕ್ಕ ಆರೆನ ಅರುವತ್ತೆ ದಾಸು ಶೆಟ್ಲಾಲಾ ಈ ದೇವಸ್ಥಾನದ ಮುಕ್ತೇಸರ್ ಆದ್ ಬಾರೀ ಪುದರ್ ಕಣಿದಿನಾರ್. ಮಸ್ತ್ ಧಾರ್ಮಿಕ ಕೆಲಸ ಮಲ್ದಿನಾರ್. ಇಂಚಿನ ಇಲ್ಲಡ್ ಇಡೀ ದೇಸೊಗೂ ಬೊಲ್ವು ಕೊರ್ದು ಲೋಕೊಡೇ ಪುದರ್ ಪಸೆರ್ಪಾವುನ ಬಾಲೆ ಪುಟ್ಟಿನ ಒಂಜಿ ವಿಚಿತ್ರ ದಾಲಾ ಅತ್ತ್. ಕಕ್ಷ ಗುತ್ತು ಉಮ್ಮಕ್ಕ ಶೆಡಿ ಬೊಕ್ಕ ನಿಟ್ಟಿ ಗುತ್ತು ಬೆರ್ಮು ಅಡ್ಯಂತಾಯ ಮೊಕಲೆನ (1793-1872) ಐನನೇ ಮಗಲ್ ಕಾವೇರಿ ಶೆಡಿರೆನ್ ನಿಟ್ಟಿ ಗುತ್ತು ನಾರಾಯಣ ಅಡ್ಯಂತಾಯರೆಗ್ ಕೊರುದು ಮದ್ದೆ ಮಲ್ತೆತ್ತೆರ್ (1824-1913). ಮೊಕಲೆ ಮಗಲ್ ಸಿಂಧು ಶೆಡಿನ್ ಶಿರ್ವ ಪೊಸಲ್ಲ ನಾಗಪ್ಪ ಶೆಟ್ನಿಗ್ ಕೊರ್ದುತ್ರೆರ್

(1852-1937). ಮೊಕಲ್ನ ಮೋಕೆದ ಮಗಲ್ ಸೀತಮ್ಮ ಶೆಡ್ಡಿನ ದೊಡ್ಡಮನೆ ಮುದ್ದಣ್ಣ ಶೆಟ್ಟಿಗ್ ಮದ್ದೆ ಮಲ್ತ ಕೊರ್ತೆರ್ (1889-1983). ಅಕಲ್ನ ಮಗಯಾದ್ ಜನ್ಮೊಗು ಬತ್ತಿನಾರ್ ಸುಂದರ ರಾಮ ಶೆಟ್, ಕಾಳಪ್ಪ ಶೆಟ್ಟಿನ ಪುಲ್ಲಿನ ಮಗಿ. ದಾಸಪ್ಪ ಶೆಟ್ಟಿನ ಮರ್ಮಲೆನ ಮಗಿ (ಪುಲ್ಲಿ).

ಕಕ್ಷ ಗುತ್ತು ಅಳಿಯ ಸಂತಾನ ಕಟ್ಟೆದ ಇಲ್ಲ್. ಅಂಚಾದ್ ಆರೆನ ಅಪ್ಪೆಲ್ಲಾಯಿ ಕಕ್ಷ ಗುತ್ತದ ಪುದರೇ ಅರೆನ ಪುದರ್‌ದೊಟ್ಟುಗು ಕೂಡುದು ಬತ್ತಂಡ್. ಸೀತಮ್ಮಗ್ ಆಣ್‌ಗ್ ಆಣ್‌ಲಾ, ಪೊಣ್ಣುಗು ಪೊಣ್ಣುಲಾ ಆದ್ ಒರಿಯೇ ಮಗಿ ಸುಂದರ ರಾಮ ಶೆಟ್ಟಿ. 1915 ಎಪ್ರಿಲ್ ಮುಪ್ಪನೇ ತಾರೀಕ್‌ಗ್ ಜನ್ಮೊಗು ಬತ್ತೆರ್.

ಕಕ್ಷ ಗುತ್ತು ದಿಂಜದಿ ಇಲ್ಲ್. ಸೀತಮ್ಮಗ್ ಆಜಿ ಜನ ತಂಗಡಿ, ಪಲಿಯಲ್ಲು ಅಕುಲು ಬರೊಂದು ಪೋವೊಂದು ಇತ್ತೆರ್. ಸುಂದರ ರಾಮ ಶೆಟ್ ಎಲ್ಲಿಡ್ ಈ ಇಲ್ಲಡೇ ಇತ್ತೆರ್‌ಲಾ ಆರ್ ಸುರುತ ರಡ್ಡ್ ವರ್ಸೊ ಸಾಲೆ ಕಲ್ದಿನಿ ಕಾರ್ಲಡ್ (ಕಾರ್ಕಳ) ಅವುಲು ಅರೆನ ಚಿಕ್ಕಮ್ಮ ಕೃಷ್ಣ ಶೆಡ್ಡಿನ ಇಲ್ಲಾಡ್ಡ್ ಸಾಲೆಗೆ ಪೋವೊಂದಿತ್ತೆರ್. ಈ ನಡುಟು ಅರೆನ ಅಮ್ಮರ್ ತೀರ್ ಪೋಯೆರ್. ಅಂಚಾದ್ ಸೀತಮ್ಮ ಕಂಡನಿ ಇಲ್ಲಾಡ್ಡ್ ತನ್ನ ಅಪ್ಪೆಲ್ಲಾಯಿನ ಕಕ್ಷ ಗುತ್ತುಗು ಅಳಿಯ ಸಂತಾನ ಕಟ್ಟೆದ ರಿವಾಜಿದ ಲೆಕ್ಕ ಬತ್ತೆರ್. ಸುಂದರ ರಾಮ ಶೆಟ್‌ಲಾ ಒಟ್ಟುಗಿತ್ತೆರ್.

ಕಕ್ಷ ಗುತ್ತದ ಕೈತಾಲ್ ಕೊಲಕಾಡಿ ಡೊಂಜಿ ಪೊಸ ಸಾಲೆ ಅದಗನೆ ಸುರುವಾಂಡ್. ಸುಂದರ ರಾಮ ಶೆಟ್ ಆ ಸಾಲೆ ಸೇರ್ದ್, ಮೂಜನೆ ಬೊಕ್ಕ ನಾಲನೇ ಕ್ಲಾಸ್‌ದ ವಿದ್ಯೆ ಕಲ್ತೆರ್. ಕೊಲಕಾಡಿದ ಈ ಸಾಲೆಗ್ 'ಪದ್ಮನಾಭ ಸರ್ವೋತ್ತಮ ಕಾಮತ್ ಪ್ರೈಮರಿ ಶಾಲೆ ಪಂಡ್ ಪುದರ್. ಪದ್ಮನಾಭ ಸರ್ವೋತ್ತಮ ಕಾಮತ್ ಸುಂದರ ರಾಮ ಶೆಟ್ಟಿಗ್ ಬರವು ಕಲ್ಪಾಯಿನ ಗುರು. ಈ ಸಾಲೆದ ಕಲ್ಪಾಟಿಗಡ್ ಆರ್ ಶಿಕ್ಷಣದ ಬೇರ್‌ನ್ ಗಟ್ಟಿ ಮಲ್ತೊಂಡೆರ್. ಬೊಕ್ಕ ಮುಲ್ಕಿ ಮಿಶನ್ ಸಾಲೆಗ್ ಸೇರ್ದ್ ಏಳನೇ ಕ್ಲಾಸ್ ಮುಟ್ಟಿ ಕಲ್ತೆರ್. ಆ ಸಾಲೆಲೆನ ಮಾಸ್ತರ್‌ನಕಲೆನ್ ಸುಂದರ ರಾಮ ಶೆಟ್ ಸದಾ ನೆನೆತೊಂದಿತ್ತೆರ್. ಮಿಶನ್ ಸಾಲೆದ ಭೋಜರಾವ್ ಪನ್ನಿನಾರ್ ಮೆರೆಗ್ ಇಂಗ್ಲೀಷ್ ಕಲ್ಪಾಯೆರ್. ಎಲ್ಲಿಡೇ ಆರೆಗ್ ಇಂಗ್ಲೀಷ್ ಬಾಸೆದ ಮಿತ್ತ್ ಎಡ್ಡೆ ಪ್ರಭುತ್ವ ಇತ್ತಂಡ್.

ಕುಡ್ಲದ ಸೈಂಟ್ ಎಲೋಸಿಯಸ್ ಹೈಯರ್ ಸೆಕೆಂಡರಿ ಶಾಲೆಗ್ ಸೇರ್ದ್ ತನ ಸಾಲಾ ಶಿಕ್ಷಣೊನು ದುಂಬೊತ್ತೊಂಡೆರ್. ಆರೆನ ದೊಡ್ಡಮ್ಮ ರಾಧಕ್ಕ ಬೊಕ್ಕ ನೇಲ್ಯಮ್ಮೆರ್ ಸುಬ್ಬ ರೈಕುಲು ಕುಡ್ಲಡ್ ಇತ್ತೆರ್. ಸುಬ್ಬ ರೈಕುಲು ಮದ್ರಾಸ್ ಪೋಲಿಸ್ ಡಿಪಾರ್ಟ್‌ಮೆಂಟ್‌ಡ್ ಕೆಲಸ ಮಲ್ತೊಂದಿತ್ತೆರ್. ಆರೆನ ಮಾಮಲಾ ಕುಡ್ಲದ ಅದಗದ ತಹಶೀಲ್ದಾರ್ ಆದ್ ಇತ್ತೆರ್‌ಗೆ. ಸುಂದರ ರಾಮ ಶೆಟ್ ತನ ದೊಡ್ಡಮ್ಮ ರಾಧಮ್ಮನ ಇಲ್ಲಡಿತ್ತೆಡ್ ಸಾಲೆ ಕಲ್ತೆರ್. ಸೈಂಟ್ ಎಲೋಸಿಯಸ್ ಹೈಸ್ಕೂಲುಡು ಮೂಜಿ ವರ್ಸ ಕಲ್ತೆಡ್, ಹೈಸ್ಕೂಲು ವಿದ್ಯಾಭ್ಯಾಸೊನು 1930ಡು ಮುಗಿತೆರ್. ಅಲ್ತೆಡ್ ಆರ್ ಮುಲ್ಕಿಗ್

ಬತ್ತೆರ್. ಬ್ಯಾಡ್‌ಮಿಂಟನ್ ಗೊಬ್ಬುಡು ಅರೆಗ್ ಮಸ್ತ್ ಆಸಕ್ತಿ ಇತ್ತೆಂಡ್. ಹೈಸ್ಕೂಲ್ನು ಉಪ್ಪನಗನೇ ಆರ್ ಐಟ್ ಪಳಗ್‌ದಿತ್ತೆರ್. ಬ್ಯಾಡ್‌ಮಿಂಟನ್ ಗೊಬ್ಬುನ ಅರೆನ ನಿತ್ಯದ ಹವ್ಯಾಸ ಬೊಕ್ಕ ಅವು ಬಾರಿ ಕುಸಿತ ಗೊಬ್ಬಾದ್‌ತ್ತೆಂಡ್.

ಸಾಲೆಗ್ ಪೋವೊಂದುಪ್ಪನಗ ಕುಡ್ಲ ಮುಲ್ಕಿ ಪಂಡೆದ್ ಅಂಚಿಂಚಿ ತಿರ್ಗೊಂದಿತ್ತಿನ ಸುಂದರ ರಾಮ ಶೆಟ್ ರಜೆಟ್ ಅರೆನ ಅಮ್ಮೆರ್‌ನ ಇಲ್ಲಂದಿತ್ತಿನ ಹಿರಿಯಡ್ಕದ ಬೊಮ್ಮರ ಬೊಟ್ಟುಗುಲಾ ಪೋವೊಂದಿತ್ತೆರ್. ಕುಡಲದ ದೊಡ್ಡಮ್ಮನ ಮಗಲ್ ಸುಮತಿ ಮೆರೆನ ಒಟ್ಟುಗೇ ಸಾಲೆಗ್ ಪೋವೊಂದಿತ್ತಿನ ಮೆರೆನ ತಂಗಡಿ. ಕಕ್ಕ ಗುತ್ತದ ಅಜ್ಜಿಗ್ ಸುಂದರ ರಾಮ ಶೆಟ್‌ಡ ಬಾರಿ ಮೋಕೆ. ಆರ್ ಬತ್ತಿನಾತ್ ದಿನ ಅಜ್ಜಿಗ್ ಇಲ್ಲಡ್ ಪರ್ಬೊದ ಲೆಕ್ಕ.

ಕೆಲಸೊದ ಪಿರವುಡು

ಹೈಸ್ಕೂಲು ಶಿಕ್ಷಣೊನು ಮುಗಿತಿನ ಸುಂದರ ರಾಮ ಶೆಟ್ ಆ ಕಾಲೊಡು ತಾನಾದ್ ಬುಲೆವೊಡು ಪನ್ನಿನ ಮಲ್ಲ ಮಹತ್ವಾಕಾಂಕ್ಷೆನ್ ದೀವೊಂದಿನಾರ್. ಕಾಲೇಜಿದ ಮುಟ್ಟು ಮಿತ್ತರ್ನ ಕೆಲಸ ಆರೆಗ್ ಆತ್ ಕಷ್ಟ ಆತಂದ್. ಆಂಡ ಐಡ್ ದುಂಬೆ ತನ್ನ ಕಾರ್ಡ್ ತಾನೆ ಉಂತುನ ಉಮೇದ್‌ಡ್ ಆರ್ ದುಂಬು ಪೋಯೆರ್. ಪುಟಿನ ಇಲ್ಲ ಮಲ್ಲ ರಾಜಮನೆತನದಂಚ ಇತ್ತಿನ. ಐತ ಗುರ್ಕರನಾಕುಲು ಊರುಡೇ ಪುದರ್ ಪೋಯಿನ ಗುತ್ತದ ಗತ್ತದಕುಲು. ಊರುಡೇ ಒರಿದ್‌ಂಡ ಆ ಪಟ್ಟ ಸುಂದರ ರಾಮ ಶೆಟ್‌ಗೇ ಬೈದುವಾ ದಾನ್! ಆಂಡ ಆರ್ ಐಕ್ ಮನಸ್ಸ ಮಲ್ತೆಜೆರ್. ತಾನ್ ಸ್ವತಂತ್ರೊಡೇ ಬದೊಡು. ತನ್ನ ಪ್ರಯತ್ನೊಡೇ ಲಕ್‌ದ್ ಸರ್ತ ಉಂತೊಡು ಪನ್ನಿನಾನೇ ಆರೆನ ಅಂಗಲಾಪು ಆದಿತ್ತೆಂಡ್.

“ಏಷ್ಯಾಟಿಕ್” ಪನ್ನಿನ ಇನ್ಸೂರೆನ್ಸ್ ಕಂಪನಿಡ್ ಆರ್ ಏಜೆಂಟ್ ಆದ್ 1932 ಟ್ಟ ಸೇರೊಂಡೆರ್. ಇನ್ಸೂರೆನ್ಸ್ ವ್ಯವಹಾರೊಗು ಜನ ಸಂಪರ್ಕ ಎಚ್ಚ ಬೊಡು. ಜನೊಕುಲೆ ಮನಸ್ಸಗ್ ನಾಟುನ ನಮುನೆಡ್ ಆ ವ್ಯವಹಾರದ ಕೋಡಿ-ಕೊಲ್ಪುಲೆನ್ ಬುಡ್ಡಾದ್ ಪನೊಡು ‘ಇನ್ಸೂರ್’ ಮಲ್ತೆಂಡ ಜನೊಕುಲೆಗ್ ವಾ ನಮೂನಿದ ಮುನಾಫೆ ಉಂಡ್ ಪನ್ನಿನೆನ್ ಬುಡ್ಡಾದ್ ಪನೊಡು. ಐಕ್ ಅದಗ ಎಡ್ಲೆ ವ್ಯಾವಹಾರಿಕ ಇಂಗ್ಲೀಷ್ ಜ್ಞಾನ, ಇನ್ಸೂರೆನ್ಸ್‌ದ ಸರಿಯಾಯಿನ ಪರಿಪಕ್ವ ಮಾಹಿತಿ ಜನೊಕುಲೆನ್ ತನ ಕೈತಲ್ ಪಾತೊರೊಡು ಒಯಿತೊನ್ನ ಶಕ್ತಿ, ಕಂಪನಿದ ಪ್ರಾಮಾಣಿಕತೆ ಬೊಕ್ಕ ತನ ಸೇವೆದ ಪ್ರಾಮಾಣಿಕತೆ, ನೆತ್ತ ಮಾತೆತ್ತಾಲ ಅಗತ್ಯ ಇತ್ತೆಂಡ್. ಸುಂದರ ರಾಮ ಶೆಟ್ಟಿನ ಇಂಗ್ಲೀಷ್ ಭಾಷಾ ಜ್ಞಾನ ಎಡ್ಲೆ ಇತ್ತೆಂಡ್. ಅವ್ವೇ ಅತ್ತಾದೆ ಒವ್ವೇ ಒಂಜಿ ವಿಷಯೊನು ಕೂಡ್ಲೆ

ಗ್ರಹಣೆ ಮಲ್ಪುನ ಶಕ್ತಿ ಅರೆಡ ಇತ್ತಂಡ್. ಅರೆನ “ನೆನಪು ಶಕ್ತಿ” ಅದ್ಭುತ. ಒಂಜಿ ಮನುಷ್ಯನ್ ಆರ್ ಕೆಮರಾ ಕಣ್ಣ್ ತೂವೊಂದಿತ್ತೆರ್. ಒರತೂಯ್ಯೆರ್ಡ ಬೊಕ್ಕ ಏಪಲಾ ಮದಪರೆ ಇಜ್ಜಿ! ‘ಏಷ್ಯಾಟಿಕ್’ ಕಂಪನಿಡ್ ಆರ್ ಕೇವಲ ಮೂಜಿ ವರ್ಸೊ ಕೆಲಸ ಮಲ್ತೆಡ್ ಇನ್ನೂರೆನ್ಸ್ ವ್ಯವಹಾರದ ಕೋಡಿ ಕೊಲ್ಪುಲೆನ್ ತೆರಿಯೊಂಡೆರ್. ಆಯಿಡ್ಲೆ ಬೊಕ್ಕ ಶುಭಾಷಾಚಂದ್ರ ಬೋಸ್ ಬೊಕ್ಕ ಶರಶ್ಚಂದ್ರ ಬೋಸ್ ಮೊಕುಲು ಸುರುಮಲ್ತಿನ ಇನ್ನೂರೆನ್ಸ್ “ವಾರ್ಡನ್” ಕಂಪನಿ ಸೇರಿಯೆರ್. ಎಡ್ಲೆ ವರ್ಸೊ ಈ ಕಂಪನಿಡ್ ಕೆಲಸ ಮಲ್ತೆಡ್ ‘ಕುಡ್ಲೆ’ದ ಕೊಡಿಕಡೆಲಾ ತನ್ನ ಪುದರ್ನ್ ರೈಸಾಯೆರ್. ಇನ್ನೂರೆನ್ಸ್ ವ್ಯವಹಾರಲಾ ಲಾಯಿಕ್ ಮಲ್ತೆರ್.

ಆ ‘ವಾರ್ಡನ್’ ಕಂಪನಿಡ್ ಮೆನೇಜರ್ ಆದ್ ಬಡ್ಡಿ ಆರ್ ಪಡೆಯೆರ್. ಆರೆನ ಮುಟ್ಟದ ಸಮ್ಮಂದಿ ರಂಗನಾಥ ಶೆಟ್ಲೆ ಅದಗ ಅರೆನ ಕುಡಲ ಶಾಖೆಡ್ ಕೆಲೊಸೊಗಿತ್ತೆರ್. ಈ ನಡುಟು ಕಕ್ಷ ಗುತ್ತುದಕುಲು ಸೇರ್ವ್ ಪೊಸತೊಂಜಿ ಇಲ್ಲೆ ಕಟ್ಟಿಯೆರ್. ಐಕ್ ಪೊಸಲ್ಲೆ (ಹೊಸಮನೆ) ಪಂಡ್‌ದೇ ಪುದರ್ ದೀಯೆರ್. ಈ ಇಲ್ಲೆನ್ ಕಾಳಪ್ಪ ಶೆಟ್ಲೆ ಕಟ್ಟರೆ ಸುರು ಮಲ್ತೆತ್ತೆರ್. ದಾಸಪ್ಪ ಶೆಟ್ಲೆ ಅವ್ವನ್ ಪೂರ್ತಿ ಮಲ್ತೆರ್. ಆ ಕಾಲೊಡು ಅವು ಬಾರಿ ಪೊರ್ಲುದ ಇಲ್ಲೆ. ಮರತ ಜಂತಿಲು ಕಮ್ಮೊಲು, ಕಂಡಿ ಬಾಕಿಲ್ಡ್ ನಾನಾ ರೀತಿದ ಕೆತ್ತನೆಡ್ ರೈಸೊಂದಿತ್ತ. ಕಾಳಪ್ಪ ಶೆಟ್ಲೆ ನೆಡ್ಲೆ ದುಂಬು (1870) ದೊಡ್ಡ ಮನೆ ಪಂಡ್‌ದೊಂಜಿ ಇಲ್ಲೆ ಮುಲ್ಕಿಡ್ ಕಟ್ಟಾದಿತ್ತೆರ್. ಅವುಲಾ ಬಾರಿ ಆ ಕಾಲದ ಪೊರ್ಲುದ ಇಲ್ಲೆ. ಸ್ವಾತಂತ್ರ್ಯ ಸೇನಾನಿ ರಾಮಕೃಷ್ಣ ಪೂಂಜೆರ್ ಪುಟಿನ ಇಲ್ಲೆ ಅವು. ಕಾಳಪ್ಪ ಶೆಟ್ಲೆ ಬಪ್ಪನಾಡ್‌ದ ಮುಕ್ತೇಸರೆ ಆದ್ ದೇವಸ್ಥಾನದ ಉದ್ಧಾರೊಗಾತ್ರ ಪುಣೆದಿನಾರ್. ನಲ್ಪ ವರ್ಸೊಡು ದೇವಸ್ಥಾನದ ಮುಕ್ತೇಸರೆ ಆದ್ ದೇವಸ್ಥಾನೊಗಾತ್ರ ಕೈತಲ್‌ದ ಬೊಕ್ಕ ದೂರದ ಊರುಡ್ಲೆಲಾ ಕಂಡೊಲೆನ್ ಗೆತ್ತಪಾಡ್ಲೆ ಐತ ಗೇಣಿ, ಉಂಬಳಿ ತಿಕ್ಕಲೆಕ್ಕ ಮಲ್ತೆತ್ತೆರ್. ಬ್ಯಾಂಕ್‌ಡ್ ದೇವಸ್ಥಾನದ ಪುದರ್‌ಡ್ ದುಡ್ಡು ದೀದ್ ಐತ ಬಡ್ಡಿಡ್ ಪೂಜೆ ಪುರಸ್ಕಾರೊಲು ನಡಪಲೆಕ್ಕ ತುಯ್ಯೆರ್. ದಿ. ಎ.ಬಿ.ಶೆಟ್ಲೆ ದ.ಕ.ದ ಮಲ್ಲ ಪುದರ್‌ಪೋಯಿನ ವ್ಯಕ್ತಿ. ಆರ್ ಸಾಹುಕಾರ್ ಕಾಳಪ್ಪ ಶೆಟ್ಟಿನ ಮಗ. ಎ.ಬಿ.ಶೆಟ್ಲೆ ಪನ್ನಗ ಮದ್ರಾಸ್ ಸರ್ಕಾರ ಉಪ್ಪುನಗ ಮಂತ್ರಿ ಆದಿತ್ತಿನಾರ್. ವಿಜಯಾ ಬ್ಯಾಂಕ್‌ದ ಸ್ಥಾಪಕ ಅಧ್ಯಕ್ಷೆ.

ಸಾಹುಕಾರ್ ಕಾಳಪ್ಪ ಶೆಟ್ಟಿನ ಅರುವತ್ತೆ ದಾಸು ಶೆಟ್ಲೆ ತನ್ನ ತಮ್ಮಲೆ ದೇವಸ್ಥಾನದ ರಕೋಳಿಗೆ ತೂನಗ ವಾ ನಮೂನೆದ ಸವಲತ್ತಲೆನ್ ದೇವಸ್ಥಾನೊಗು ಮಲ್ತೆರಾ ಅವ್ವನ್ ಪೂರಾ ದುಂಬೊತೊಂದು ತಾನ್‌ಲಾ ಐಕ್ ಬೋಡಾಯಿನಾತ್ ಕೂಡಾಯೆರ್. ಜನಕುಲು ಆರೆನ್ ಬಾರೀ ಭಕ್ತಿಡ್ ತೂವೊಂದಿತ್ತೆರ್. ದೇವಸ್ಥಾನೊಗು ಸುಮಾರು ನಾಲ್ಕೊಂದು ಮುಡಿ ಭೂಮಿದ ಉತ್ತತ್ತಿ ತಿಕ್ಕಲೆಕ್ಕ ಮಲ್ತಿನಾರ್ - ದಾಸು ಶೆಟ್ಲೆ, ನಿತ್ಯ ಉಪಯೋಗೊಗು ಬೋಡಾಯಿನ ಪಾತ್ರೆ ಪಗಡಿನೆ ಆರ್ ಕಣಪಾಯೆರ್. ಇಂಚೆನ

ಪುಣ್ಯಾತ್ಮರ್ ಪುಟಿನ ಇಲ್ಲಡ್ ಅಳಿಯಸಂತಾನದ ಕ್ರಮೊತ ಲೆಕ್ಕ ಅಕಲೆನ ಪುದರ್, ನದರ್‌ಲೆನ್ ದುಂಬು ಕೊಣಪಿನ ದಾತಾರೆ ಆದ್ ಪುಟುದು ಬುಳೆಯನಾರ್ ಸುಂದರರಾಮ ಶೆಟ್, (1984 ಇಸವಿಡ್ ದುಂಬೆ ಬಪ್ಪನಾಡ್ ಜೀರ್ಣೋದ್ಧಾರ ಸಮಿತಿದ ಉಪಾಧ್ಯಕ್ಷೆ ಆದ್, ಜ್ಞಾನ ಮಂದಿರ ಹಾಲ್ ಕಟ್ಟಾವರೆ ವೈಯುಕ್ತಿಕವಾದ್ ಬೊಕ್ಕ ಇತರ ಉದ್ಯಮಿಲೆನ ಧನ ಸಹಾಯ ತಿಕ್ಕುಲೆಕ್ಕ ಮಲ್ತಿನಾರ್ ಸುಂದರ ರಾಮ ಶೆಟ್)

ಸುಂದರ ರಾಮ ಶೆಟಿನ ತಮ್ಮಲೆ ಶ್ರೀನಿವಾಸ ಆಳ್ವೆರ್ 'ಪೂನಾ'ಡ್ ಪುದರ್ ಪೋಯಿನ ಹೋಟೆಲ್ ಸಾಹುಕಾರೆ. ಆರ್ ಸುಂದರ ರಾಮ ಶೆಟ್ರಿನ್ ಪೂನೊಗು ಬರೆ ಪಂಡರ್. ಸುಂದರ ರಾಮ ಶೆಟ್ ಅಡೆಗ್ ಪೊದ "ಕೆಸೆಂಟ್" ಪನ್ನಿನ ಇನ್ನೂರೆನ್ಸ್ ಕಂಪನಿಡ್ ಕೆಲಸೊಗು ಸೇರೈರ್. 1943 ಡ್ 1951 ಮುಟ್ಟ ಆ ಕಂಪನಿಡ್ ಬೊಂಬಾಯಿಡ್ ಮ್ಯಾನೇಜಿಂಗ್ ಡೈರೆಕ್ಟರ್ ಆದ್ ಎಡ್ಡೆ ಪುದರ್ ಕಮಾಯೆರ್. ಈ ನಡುಟ್ಟು ಒಂತೆ ಸಮಯ ಬೇಲೆ ಬುಡ್ಡು ಊರುಗು ಬತ್ತೆರ್. ಊರುಡು ಮುಳ್ಳಿ ಯೂನಿಯನ್ ಕ್ಲಬ್ ಪನ್ನಿನ ಕ್ಲಬ್‌ಡ್ ಕುಲುದು ಹೆಚ್ಚಿನ ಸಮಯ ಓದುನೆಟ್ ಬೊಕ್ಕ ಕಾಂಡೆ, ಬಯ್ಯ ಬ್ಯಾಟ್‌ಮಿಟನ್ ಗೊಬ್ಬನೆಟ್ ಕಳೆವೊಂದಿತ್ತೆರ್. ಮುಳ್ಳಿಡ್ ಶಾಂಭವೀ ತುದೆ ಪರತೊಂದುಂಡು. ಕಡಪುದ ಬಾಕಿಲ್‌ದ ಕೈತಲ್ ಆ ತುದೆನ್ ತೊವೊಂದು ದೊಸ್ತಿನಕಲೆ ಒಟ್ಟುಗು ಕುಲ್ಲುನು - ಶಾಂಭವೀ ಗಾರ್ಡನ್‌ಡ್ ಕುಲ್ಲುನು ಪನ್ನಗ ಅರೆಗ್ ಬಾರಿ ಇಷ್ಟದ ಸಂಗತಿಯಾದಿತ್ತೆಂಡ್.

ಪೊಸ ಕೆಲಸ ನಾಡೊಂದಿತ್ತಿನ ಶೆಟ್ರಿಗ್ ಮದ್ರಾಸ್‌ದ "ಜೈ ಭಾರತ್ ಇನ್ನೂರೆನ್ಸ್" ಕಂಪನಿಡ್ ಒಂಜಿ ವರ್ಸೊ ಕೆಲಸ ಮಲ್ತೊಡಾಂಡ್. ಆಂಡ ಅಯಿಟ್ ಅರೆಗ್ ತೈಪ್ಪಿ ಇತ್ತಿಜೆ. ಪೊಸ ಅವಕಾಶಲೊನ್ ಆರ್ ನಾಡೊಂದೇ ಇತ್ತೆರ್. ಐಕಾತ್ರ ಮಸ್ತ್ ತಿರ್ಗಾಟ ಮಲ್ತೊಂದಿತ್ತೆರ್. ಅದಗ್ ಅರೆನ ಅದ್ಯಷ್ಟ ಒಲಿಯಲೆಕ್ಕ ಕಲ್ತೊಡು ಹೆಡ್ ಆಫೀಸ್ ಉಪ್ಪುನ "ಟ್ರೆಟಿನ್ ಏಂಡ್ - ಎಟ್ಲಾಸ್" ಪನ್ನಿನ ಇನ್ನೂರೆನ್ಸ್ ಕಂಪನಿಡ್ ಅರೆಗ್ ಕೆಲಸ ತಿಕ್‌ಂಡ್. ಪತ್ತ್ ವರ್ಸೊ (1952-1962) ಈ ಕಂಪನಿಡ್ ಕೆಲಸ ಮಲ್ತಿನ ಸುಂದರ ರಾಮ ಶೆಟ್ ತನ್ಕಲಾ, ಕಂಪನಿಗ್ಲಾ ಎಡ್ಡೆ ಪುದರ್ ಕಣತೆರ್. ಅರೆನ ಪುದರ್, ಕೀರ್ತಿ, ಊರೀಡೀ ಪರ್ಬುದು ಪೋಂಡು.

ಮದಿಮೆ ಪನ್ನಿನ ಸಂಸ್ಕಾರ

ಆಣ್ ಪೋಣ್ಣನ ಬದ್‌ಕ್‌ಡ್ 'ಮದಿಮೆ' ಪನ್ನಿನ ಒಂಜಿ ಮಾಮಲ್ಲ ಸಂಸ್ಕಾರ ಪಂಡ್‌ದ್ ಹಿಂದೂ ಧರ್ಮ ಐಕ್ ಮಸ್ತ್ ಮಹತ್ವೊನು ಕೊರ್ತುಂಡು. ಗ್ರಹಸ್ಥ ಜೀವನೊಗು ಬಾರೀ ಗೌರವ ಉಂಡು. ಒಂಜಿ ಮದಿಮೆ ಆವೊಡ್ಡ ಐಕ್‌ಲಾ ಒಂಜಿ ಪೂರ್ವ ಯೋಜನೆ ಉಂಡು ಪಂಡ್‌ದೇ "ಋಣಾನುಬಂಧ ರೂಪೇಣ ಪಶುಪತ್ನಿ ಸುತಾಲಯ" ಪನ್ನಿನ ಪಾತೆರ ಉಂಡು. ಇಂಗ್ಲೀಷ್ ಭಾಷೆಡ್ ಅವ್ವೆನೇ "ಮ್ಯಾರಜಸ್ ಆರ್ ಮೇಡ್ ಇನ್ ಹೆವನ್" ಪನ್ಪೆರ್. ಮದಿಮೆ ಆನಗ ಆಣ್, ಪೋಣ್ಣ ಅನುರೂಪರಾದ್ ಒರಿಯಗೊರಿ ಪೂರಕೆರಾವೊಡುಂದು ಹಿರಿಯಾಕ್ಲೆನ ಪಾತೆರ. ಶಾಸ್ತ್ರ ಎಂಚ ಪಂಡಲಾ ಒಂಜಿ ಪೋಣ್ಣ್ ಯೋಗ್ಯ ಆಣ್ ನಾಡುನ, ಒಂಜಿ ಯೋಗ್ಯ ಆಣ್ ಪೋಣ್ಣ್ ನಾಡುನ ಕೆಲಸ ಮಾತ್ರ ಅಕುಲಾದ್ ಅತ್ತಂಡ, ಅಕಲ್ ಜವಾಬ್ದಾರಿ ಗೆತೊನೊಂದುಪ್ಪುನ ಅವ್ವೆ ಅಮ್ಮೆ ತಮ್ಮೆಲೆ-ಹಿರಿಯಕ್ಲೆ ಮಲ್ತೊಡೆ!

ದುಂಬು ನಮ್ಮ ಅಜ್ಜೆರ್ ಪಿಜ್ಜೆರ್ ಅಕಲ್ ಪಿರಿಯಾಕ್ಲೆನ ಕಾಲೊಡು 'ತೊಟ್ಟಿಲ್' ಮದ್ದೆ ಆವೊಂದುತ್ತುಂಡುಗೆ. ಅದಗ ಹೆಚ್ಚಿನ ಮದಿಮೆಲು ಸಮ್ಮಂದ, ದೋಸ್ತಿಖಾತೆದ ಉಲಯಿ ನಡತೊಂದುಲಾ ಇತ್ತಂಡ್. ಮುಲ್ಕಿ ಸುಂದರ ರಾಮ ಶೆಟ್ಟಿನ ಕಾಲೊಡು ತೊಟ್ಟಿಲ್ ಮದಿಮೆದ ಸಂದರಪ್ಪುಲು ಕಡಿಮೆ ಆದ್‌ತ್ತಂಡಲಾ ಆರೆನ ಹಿರಿಯೆರ್‌ನಕ್ಲೆ ಆರೆಗ್ ತೊಟ್ಟಿಲ್ ಮದಿಮೆ ಮಲ್ಪುನ ವಿಚಾರಲಾ ಒರ ಮಲ್ತೊತ್ತಿರೆಗೆ. ಆಂಡ ಅವು ದಾಯೆಗಾ ತತ್ತ ಪೋಂಡು. ಆಧುನಿಕ ಜೀವನ ಶೈಲಿದ ಗಾಳಿ ಬೀಜ್‌ದ್ ನಮ್ಮ ಏತೋ ಕಟ್ಟುಲು-ಆಚರಣೆಲು ಸಡಿಲಾತ ವೈಚಾರಿಕ ದೃಷ್ಟಿಡ್ ಬದ್‌ಕ್‌ನ್ ತೂದು ಅಲ್ಲೇಸುನ ದಿಟ್ಟಿ ನಂಕ್ ಬೈದ್‌ಂಡ್. ಆಂಚಂದ್ ನಮ್ಮ ಹಿರಿಯೆರ್ ಮಲ್ತೊಂದಿತ್ತಿನ ಏತೋ ರಿವಾಜ್-ಕಟ್ಟ್ ನಿಟ್ಲೆಗೆ ಸರಿಯಾತಿನ ಅರ್ತ ಇತ್ತಿನ ನಂಕ್ ತೆರಿದಿಜಿ. ದುಂಬುದ ಕಾಲೊಡು ಮದಿಮೆ ಆನಗ ರಡ್ಡ್ ಇಸಯೊನು ಸರೀ ತೂವ್ಪೆರ್. ಒಂಜಿ ಆಣ್ ಪೋಣ್ಣನ ಇಲ್ಲ್ ಬದ್‌ಕ್, ಆಸ್ತಿ, ನನೊಂಜಿ ಅಕಲ್ ಮನತನೊ.

ಸುಂದರ ರಾಮ ಶೆಟ್ಟಿನ ಮದಿಮೆ ಇಲ್ಲಡೇ ಪನ್ನಗ ಅರೆನ ಅಮ್ಮೆರೆನ ಮರ್ಮಲ್‌ನೊಟ್ಟುಗೇ ನಡತ್‌ಂಡ್. ಸುಂದರ ರಾಮ ಶೆಟ್ಟಿ ಅರೆನ ಅಮ್ಮೆರೆಲ್ಲಾಡ್ ವಂತೆ ಸಮಯ ಸಾಲೆಗ್ ಪೋವೊಂದುಪ್ಪುನಗ ಅರೆನ ಬಡೆದಿ ಆಪಿನ ಪೋಣ್ಣ

ಮಗಲ್ 'ಕುಸುಮಾವತಿ' ಲಾ ಅರೆನ ಒಟ್ಟುಗು ಸಾಲೆಗ್ ಪೋತಿನಾರ್. ಅಂಚಾದ್ ಪರಸ್ಪರ ಪರಿಚಯ, ಪ್ರೀತಿ, ಸಲುಗೆ ಮಾತ ಸುರುವೇ ಇತ್ತಾಂಡ್. 'ಕುಸುಮ' ಪನ್ನಗ ಅರೆನ ಕುಟುಂಬದ ಮಾತರೆಗ್ಲಾ ಬಾರೀ ಪಿರ್ತಿದ, ಅರ್ತಿದ ಪೋಣ್ಣ ಮಗಲ್. ಪುದರ್‌ಗ್ ತಕ್ಕಂತಿನ ಅರೆನ ನಡವಳಿಕೆ, ಸುಂದರ ರಾಮ ಶೆಟ್ಟಿನ ದುಂಬುದ ಬದ್‌ಕ್‌ಗ್ ಪೂರ್ತಿ ಸ್ಪೂರ್ತಿ ದಿಂಜಿನ ಕೀರ್ತಿ ಕುಸುಮಾವತಿ ಶೆಟ್ಟಿಗ್ ಸೇಲ್ದಾಂಡ್.

ಸುಂದರ ರಾಮ ಶೆಟ್ಟಿನ ಇರ್ವತ್ತರಡ್ಡನೆ ವರ್ಸೊ ಪ್ರಾಯೊಡು ಪನ್ನಗ 1937 ನೇ ಇಸವಿಡ್ ಈ ಮದ್ದೆ ನಡತ್‌ಂಡ್. ಕುಸುಮಾವತಿ ಬೊಕ್ಕ ಆರ್ ಒಂಜೇ ಇಲ್ಲಾಡ್ ಒಟ್ಟುಗೇ ಮಲ್ಲಾಯಿನಕುಲು. ಎಲ್ಲಿಡೇ ಅಕಲೆಡ ಒಂಜಿ ಆಕರ್ಷನೆ, ಪ್ರೀತಿದ ಬಂಧ ಇತ್ತಾಂಡ್. ಒರಿಯಗಾತ್ರ ಬೊಕ್ಕೊರಿ ಪುಟಲೆಕ್ಕ ಅಕಲೆನ ಒಡನಾಟ ಇತ್ತಾಂಡ್. ಅಂಚಾದೆ ಇಲ್ಲಾಡ್ ಮೊಕಲೆಗ್ ತೊಟ್ಟಿಲ ಮದಿಮೆದ ಪ್ರಸ್ತಾಪಲಾ ಇತ್ತಾಂಡ್‌ಗೆ. ಅವು ಒರಿದ್ ಪೋಂಡಲಾ ಅಕಲು ಬೊಕ್ಕ ಒಂಜಾಯಿರ್. ಮನಸಾರ ಒರಿಯನೊರಿ ಒಪ್ಪೊಂಡರ್.

ತನ್ನ ಸೊಂತ ಕಾರ್ಡ್ ಸರ್ತ ಉಂತುದು ಬದ್‌ಕ್‌ಡ್ ಮಾಮಲ್ಲ ಸಾಧನೆ ಮಲ್ಪೊಡು ಪನ್ನಿನ ಛಲವಾದಿ ಸುಂದರ ರಾಮ ಶೆಟ್ಟ್, ಮದಿಮೆ ಆಯಿನೆಡ್ಡ್ ಬೊಕ್ಕ ಆರೆನ ಮಾತ ಕನಕೊಲು ಸಾಜ ಆವೊಂದು ಬತ್ತ. ಆರ್ ಮಲ್ಪೊಂದಿತ್ತಿನ ಇನ್ನೊರ್ನ್ ಬಿಸಿನೆಸ್ ಅರೆನ ಕೈಪತಂಡ್, ದಿನೊಡ್ಡು ದಿನ ಐಟ್ ಅಭಿವೃದ್ಧಿ ಆಂಡ್. ಎಡ್ಡೆ ಎಡ್ಡೆ ಕಂಪೆನಿಡ್ ಮಲ್ಲ ಮಲ್ಲ ಪೋಸ್ಪ್ ಡಿತ್ತ್‌ದ್ ಮಸ್ತ್ ಪುದರ್, ಕೈ ನಿಲೈ ದುಡ್ಡು ಸುಂದರ ರಾಮ ಶೆಟ್ಟಿಗೆ ತಿಕ್ಕಂಡ್. ಮದಿಮೆ ಆಯಿ ಸುರುಟು ಆರ್ ಬೊಡದಿನ ಮುಲ್ಕಿಡೇ ಬುಡ್ಡ್, ಕುಡ್ಲಡಿತ್ತರ್. ರಜತಾನಿ ಮುಲ್ಕಿಗ್ ಬರೊಂದಿತ್ತರ್.

ಕುಸುಮಾವತಿ ಇಲ್ಲಾಡ್ ಮಾತರೆಗ್ಲಾ ಹೊಂದೊಂದು ಪ್ರೀತಿಡಿತ್ತರ್. ಆರ್ ಅಪ್ಪೆಗ್ ಎಂಚ ಪಿರ್ತಿದ ಮಗಲಾದಿತ್ತೆರಾ ಅಂಚೆನೆ ಮಾಮಿಗ್ಲಾ ಮಗಲೇ ಆಯಿರ್. ಮಾಮಿನ್ ಅಪ್ಪಲೆಕ್ಕನೇ ತೂವೊಂದಿತ್ತರ್. ಪುಟಿನ ಬೊಕ್ಕ ಪೋಯಿನ ಈ ರಡ್ಡ್ ಇಲ್ಲಾಗ್ಲಾ ಬೊಲ್ವಾಡ್ ಕೀರ್ತಿ ಕಣತರ್. ತನ್ನ ಕಂಡನೆ ರಜೆಟ್ ಇಲ್ಲಡೆ ಬನ್ನಗ ಅರೆನ "ಬೋಡು ಬೊಡ್ಡೆನ್ ಅರ್ಥ ಮಲ್ಪೊಂದು ಪೋರ್ಲೂಡು ನಡತೊಂದಿತ್ತರ್. ಕುಸುಮಾವತಿ ಅಕ್ಕ ಎರೆಗ್ಲಾ ಜೋರುಡು ಪಾತೆರ್ದಿನ, ಇಜಿಂಡ ಎರೆನಲಾ ಮನಸ್ಸೆಗ್ ಬೇಜಾರ್ ಆಪಿ ಲೆಕ್ಕ ಪಾತೆರ್ದಿನ ಸಂದರ್ಭನೇ ಇಜ್ಜಿ ಪಂಡ್‌ದ್ ಅರೆನ್ ಕೈತಲ್ಡ ತೂದು ತೆರಿದಿನಕಲೆನ ಹೇಳಿಕೆ. ಅರೆನ ಮಾಮಿಗ್ ಸುಂದರ ರಾಮ ಶೆಟ್ಟ್ ಒರಿಯೇ ಆಣ್ ಮಗೆ. ಪೋಣ್ಣ ಸಂತಾನ ಇಜ್ಜಿ, ಆ ಪೋಣ್ಣ ಮಗಲ್ ದಾಂತಿನ ಜಾಗನ್ ಮೇರ್ ಮಾಮಿಗ್ ದಿಂಜಾದ್ ಕೊರ್ತೆರ್ ಪನ್ನಗ ಅಕುಲು ಮಾಮಿ-ಮರ್ಮಲ್ ಎಂಚ ಇತ್ತರ್ ಪಂದ್ ನಮ ತೆರಿಯೊಣೊಡು.

ಇಲ್ಲಾಡ್ ಬತ್ತಿನ ಅತಿಥಿಲೆನ್, ಸಮ್ಮಂದದಕಲೆನ್, ಹಿರಿಯೆರೆನ್ ಆರ್ ಆದರಿತ್ ಕಡಪುಡೊಂದಿತ್ತರ್‌ಗೆ. ಕಕ್ಷ ಗುತ್ತುಡು ಉಪ್ಪುನಗ ಆ ಇಲ್ಲಾಗೇ ಒಂಜಿ 'ಶೋಭೆ' ಆದ್

ಇತ್ತರ. ಸಮಯಾಸಮಯ ದಾಂತೆ ಬತ್ತಿನ ಬಿನ್ನೆರೆನ್ನಾ ಆರ್ ಕೋಪೊಡು ತೂತಿನಂದೆ ಇಜ್ಜಿ. ಮಾತೆರೆಗ್ಲಾ ಬಾಯಿ - ಕೈಟ್ ಒಂಜೇ ರೀತಿಡ್ ಸತ್ಕಾರ. ಮನುಷ್ಯ ಸಂಬೊಂದೊನು ಅರ್ತ ಮಲ್ತೊಂದು, ಐಕ್ ಮಹತ್ವೊನು ಕೊರ್ದು ತನ ಕಂಡನಗ್ ತಕ್ಕ ಬುಡೆದಿಯಾದ್ ಅರೆನ ಉನ್ನತಿಗ್ ಮೇರ್ಲಾ ಕಾರಣ ಆಯೆರ್ ಪಂಡ ಸುಳ್ಳಾವಂದ್.

ಸುಂದರ ರಾಮ ಶೆಟ್ರು ಕೆಲಸಗಾತ್ರ ಬೊಂಬಾಯಿ, ಪುಣೆ, ಕಲ್ಕತ್ತಾದಂಚಿನ ಜಾಗೆಗ್ ಪೋನಗ ಆರೆನೊಟ್ಟುಗು ಕುಸುಮಾವತಿಲಾ ಪೋಯೆರ್. ಮಸ್ತ್ ತಿರ್ಗಾಟ ಮಲ್ತಾದ್ ಅನುಭವ ಪಡೆಯೆರ್. ಸುಂದರ ರಾಮ ಶೆಟ್ರು ಬೆಂಗಳೂರುಡು ವಿಜಯಾ ಬ್ಯಾಂಕ್‌ದ ಚೀರ್‌ಮ್ಯಾನ್ ಆದುಪ್ಪನಗ, ಅರೆನ ಇಲ್ಲಡೆಗ್ ಬರ್ಪಿನ ಜನಲಾ ಬಾರಿ ಇತ್ತಂಡ್. ಎಚ್ಚಿನಕುಲು ಸಾಯ, ಕೆಲಸ ಕೇಣೊಂದು ಊರುಡ್ಡು ಅಯಿಡ್ಡೊಲಾ ಮುಲ್ಕಿಡ್ ಪೋಪಿನಕುಲು ಅಕಲೆಗ್ ಮಾತ ಒಂಜತ್ತಡ್ ಕುಡೊಂಜಿ ರೀತಿಡ್ ಸಹಾಯ ಸತ್ಕಾರ ಮಲ್ಪಿನ ಕೀರ್ತಿ ಕುಸುಮಾವತಿ ಅಕ್ಕಿಗ್.

ಮುಲ್ಕಿದ ಪೊಸ ಇಲ್ಲಡ್ (ದಾಸು ಶೆಟ್ರು ಕಟ್ಟಾದಿತ್ತಿನ) ಉಪ್ಪನಗ ಸುಂದರ ರಾಮ ಶೆಟ್ಟಿನ ಸುರುತ ಮಗಲ್ 'ಉಷಾ' ಪುಟುದಿತ್ತರ್. ಆರ್ ಮುಲ್ಕಿದ ಕಾನ್ವೆಂಟ್ ಶಾಲೆಗ್ ಪೋವೊಂದಿತ್ತರೆಗೆ. ರಡ್ಡನೆ ಮಗೆ ರಾಧಕೃಷ್ಣ ಶೆಟ್ರು ಬೆಂಗಳೂರುಡು ಶಾಲೆಗ್ ಪೋತಿನಾರ್. ಮೂಜನೆ ಮಗಲ್ ವೃಂದಾ, ನಾಲನೇ ಮಗೆ ಉದಯ ಕುಮಾರ್ ಶೆಟ್ಟಿ ಮುಲ್ಕಿ ಬೋರ್ಡು ಹೈಸ್ಕೂಲುಡು ಕಲ್ತೆರ್. ಅದಗ ಎಲ್ಲಿತ್ತಿನ ಕುಡೊಂಜಿ ಮಗಳ್ ಉರ್ಮಿಳಾ ಬೊಕ್ಕ ಎಲ್ಯ ಮಗೆ ಅಶೋಕ್ ಕುಮಾರ್ ಶೆಟ್ರು ಬೆಂಗಳೂರುಡು ಶಾಲೆ ಕಾಲೇಜ್ ಕಲ್ಪಿನಕ್ಕು. ಒಟ್ಟು ಏಳ್ ಜೊಕ್ಕಡ್ ರಡ್ಡ್ ಜನ ಸುರುಟು ಪರದೇಸೊಡು ಎಡ್ಡೆ ಹುದ್ದೆಡ್ಲೆತ್ತೆರ್. ಮಗಳ್ ಉರ್ಮಿಳಾ ಮುಲ್ಕಿದ ಡಾ. ಕೆ. ತಾರಾನಾಥ ಶೆಟ್ಟಿನ್ ಮದ್ದೆ ಆದ್ ಅಮೆರಿಕಡ್ ಇತ್ತೆರ್.

ಕುಡ್ಲದ ರವೀಂದ್ರನಾಥ ಪೂಂಜ ಗಣ್ಯ ವ್ಯಕ್ತಿ. ಸುಂದರ ರಾಮ ಶೆಟ್ಟಿನ ಮಲ್ಲ ಮಗಲ್ ಉಷಾ ಅರೆನ ಬುಡೆದಿ. ರವೀಂದ್ರ ನಾಥ ಪೂಂಜೆರಾ ವಿಜಯಾ ಬ್ಯಾಂಕ್‌ದ ಡೈರೆಕ್ಟರ್ ಆದಿತ್ತೆರ್. ಇಸ್ಟೇಟ್‌ಲಾ ಇತ್ತಂಡ್. ವಂತೆ ವರ್ಸೊದುಂಬು ಆರ್ ತೀರ್ ಪೋಯೆರ್. ಸುಂದರ ರಾಮ ಶೆಟ್ಟಿನ ಮಲ್ಲ ಮಗೆ ರಾಧಕೃಷ್ಣ ಪನ್ನಿನಾರ್ ಡಾಕ್ಟರಾದ್ ಮಸ್ತ್ ವರ್ಸೊ ಅಮೆರಿಕಾಡ್ಲೆತ್ತಾದ್ ಇತ್ತೆ ಬೆಂಗಳೂರುಗು ಬತ್ತಾದ್ ಪ್ರಾಯೊದ ತನ ಅಮ್ಮನೊಟ್ಟುಗು ಉಲ್ಲೆರ್. ಕುಡೊರಿ ಮಗೆ ಹರಿಪ್ರಸಾದ್ ಇಂಜಿನಿಯರಿಂಗ್ ಮಲ್ತಾದ್ ಬೆಂಗಳೂರುಡು ಉದ್ಯಮಿಯಾದುಲ್ಲೆರ್. ಒರ್ತಿ ಮಗಲ್ ವೃಂದಾ ರವೀಂದ್ರನಾಥ ಪೂಂಜೆರ ಮೆಗೈ ಡಾ. ಪ್ರೇಮ ಪೂಂಜೆರ್‌ನ ಬುಡೆದಿ. ಅರೆಗ್ ಕೊಡಗುಡು ಇಸ್ಟೇಟ್‌ಲಾ ಉಂಡು. ಎಲ್ಯ ಮಗೆ ಅಶೋಕ್ ಕುಮಾರ್ ಶೆಟ್ರು ವಿಜಯಾ ಬ್ಯಾಂಕ್‌ದ ಡೈರೆಕ್ಟರ್ ಆದತ್ತೆರ್. ಬೊಕ್ಕ ವಿಜಯಾ ಲೀಸಿಂಗ್ ಕಂ. ಸುರುಮಲ್ತೆರ್. ಇತ್ತೆ ಬೆಂಗಳೂರುಡೇ ಉಲ್ಲೆರ್.

ಇಂಚ ಸುಂದರ ರಾಮ ಶೆಟ್ಟಿನ ಸಂಸಾರ ಎಡ್ಡೆ ರೀತಿಡ್ ಸಾಗ್‌ದ್‌ಂಡ್. ಜೋಕುಲು ಮಾತ ಸಮಾಜೊಡು ಎಡ್ಡೆ ಪುದರ್ ಸ್ಥಾನ ಮಾನ ಗೆತೊಂದುಲ್ಲೆರ್. ಕುಸುಮಾವತಿ ಅಕ್ಕಿ ಅರೆನ ಕೈಪತಿ ಬೊಕ್ಕ ಅರೆನ ಭಾಗ್ಯದ ಬಾಕಿಲ್ ಜತ್ತೊಂಡು. ಪ್ರತಿಯೊಂಜಿ ಅಂಜೇವೆನ ಗೆಲೈದ, ಮೇಲೈದ ಪಿರವು ಒಂಜಿ ಪೊಂಜಿವೆನ ತ್ಯಾಗ ಉಂಡುಗೆ, ಮೂಲುಲಾ ಅವು ಇತ್ತಿನೆನ್ ನಮ ತೆರಿಯೊಡು. ಕುಸುಮಾವತಿ ಅಕ್ಕಿ ತನ ಕಂಡನನ ಪಿರವುದ ಒಂಜಿ ಶಕ್ತಿ ಆದ್, ತನ ಜೊಕುಲೆಗ್ ಮೋಕೆದ ಅಪ್ಪೆ ಆದ್ ಮಾತೆರೆನ್ನಾ ಪೊರ್ಲುಡು ತೊವೊಂಡರ್. ಇತ್ತೆಲಾ ಆರ್ ಪ್ರಾಯ ಕರಿಂಡಲಾ ಮನಸ್ಸದ ಉತ್ಸಾಹ ಕಡಿಮೆ ಅವಂದಿಲೆಕ್ಕ ಉಲ್ಲೆರ್. ಬೆಂಗಳೂರುಡು ಶೇಷ ಜೀವನ ನಡಪಾವೊಂದುಲ್ಲೆರ್.

ಕೃಷಿಕರೇನ ಬ್ಯಾಂಕ್

ಭಾರತೊಡು ಸುಮಾರ್ ಆಜರೆ ಲಕ್ಷ ಹಳ್ಳಿಲು ಉಲ್ಲ. ಜನೊಕುಲೆನ ಮಲ್ಲ ಕಸುಬು ಪನ್ನಗ ಕೃಷಿ. “ಕೃಷಿತೋ ನಾಸ್ತಿ ದುರ್ಭಿಕ್ಷಂ” ಪಂಡದ್ ಪಾತೆರೊನೇ ಉಂಡು. ಕೃಷಿ ಇತ್ತಿನೈಟೆ ದುರ್ಭಿಕ್ಷ ಇಜ್ಜೆಗೆ. ಆಂಡ ಕೃಷಿ ಮಲ್ಪುನಾಯಗ್ ಉದಾಸೀನ ಉಪ್ಪರೆ ಬಲ್ಲಿ. ಇನಿ ಮಲ್ಪುನ ಕೆಲಸೊನು ಎಲ್ಲೆಗಂದ್ ದೀವರೆ ಬಲ್ಲಿ. ಅಂಚಾಂಡ “ಉಪೇಕ್ಷೆಯಿಂ ಕೃಷಿ ಕೆಡುಗು” ಇನ್ನಿನ ಪಾತೆರೆದ ಲೆಕ್ಕಾವು. ಇಂಚಿನ ಕೃಷಿಕರೆ ಜೀವನಾದಾರನೇ ನೀರ್. ನೀರ್ ದಾಂತೆ ಏರೆಗ್ಲಾ ಬದ್ಕೆರೆ ಸಾಧ್ಯ ಇಜ್ಜೆ. ಕೃಷಿ ಅಂತೂ ಸಾಧ್ಯನೇ ಇಜ್ಜೆ. ನಮ್ಮ ದೇಶೊಡು ಬರಿವಿನ ಬರ್ಸದ ಮಿತ್ತ್ ಕೃಷಿತ ಎಡ್ಡೆತನ ಅವಲಂಬನ. ಅತಿವೃಷ್ಟಿ, ಅನಾವೃಷ್ಟಿಡ್ ಬುಳೆಸಲೆತ ಲೆಕ್ಕಾಚಾರ ತಪ್ಪುನ ಉಂಡು. ರೈತ ದೇಸೊಗು ನುಪ್ಪು ಕೊರ್ಪಿನಾಯೆ ಆಂದ್. ಆಂಡ ದುರಂತ ಪಂಡ ಆಯನೇ ಏತೋ ಸರ್ತಿ ಬಂಜಿ ಗಿಜ್ಜಾಂದೆ ಸೈಪಿನ, ಇತ್ತಿತ್ತೆ ಮಲ್ತಿನ ಸಾಲ ಸಂದಾವರೆ ದಾಂತೆ ರೈತರ್ ಜುವ ಗೆತ್ತೊನ್ನಾಲಾ ಎಚ್ಚಾವೊಂದುಂಡು. ರೈತರೆನ ಏಳಿಗೆ ದೇಸದ ಏಳಿಗೆ ಪನ್ನಿನೆನ್ ಬಾಯಿಡ್ ಮಾತೆರಲ್ಲಾ ಪನ್ನೆರ್. ಐಕಾತ್ರ ಕಷ್ಟ ಬುಡುಪಿನಕ್ಕು ಪುಣೆಪಿನಕುಲು ಕಡಿಮೆ.

ಊರುದ ರೈತರೆ ಕೆಲಸೊಗು ಸಾಕಾಯ ಅವೊಡು, ಅಕಲೆ ಅನಪತ್ಯ, ಅಗತ್ಯ, ಅರಿಷ್ಟೊಲೆಗ್ ತಾಂಗ್ ಆವೊಡು ಪನ್ನಿನ ಉದ್ದೇಶೊಡು ಪುಟಿನ ‘ಬ್ಯಾಂಕ್’ ವಿಜಯಾ ಬ್ಯಾಂಕ್. ಕೃಷಿಕರೇ ಸೇರ್ಡ್ ಕೃಷಿಕರೆಗಾತ್ರನೇ ಸುರುಮಲ್ತಿನ ಬ್ಯಾಂಕ್ ಉಂಡು. 1931 ನೇ ಇಸವಿಡ್ ಅಕ್ಟೋಬರ್ ಇರ್ವತ್ತೆ ಮೂಜನೆ ತಾರೀಕ್‌ದಾನಿ (ವಿಜಯ ದಶಮಿದ ದಿನ) ಕುಡ್ಲಡ್ ಈ ಬ್ಯಾಂಕ್ ತನ್ನ ವ್ಯವಹಾರೊನು ಸುರು ಮಲ್ತಂಡ್. ವಿಜಯಾ ಬ್ಯಾಂಕ್ ಇನಿ ವಿಶ್ವ ಮಟ್ಟೊಗ್ಲು ಮುಟ್ಟೊಡ್ಲೆ ಅವು ಬತ್ತಿನ ಬಜ ಅಲಂಬೇಯಿನ ಕಷ್ಟ ಸಾಮಾನ್ಯದ ಅತ್ತ್. ಏತೊ ಸರ್ತಿ ಮಿತ್ತ್ ಏರೊಂದು ಬೊಕ್ಕ ಕೆಲವು ಸರ್ತಿ ತಿರ್ತ್ ಬೂರೊಂದು ಇಂಚಾಂಡಲಾ ತಳೊನು ಗಟ್ಟಿ ಊರೊಂದು, ತನ್ನ ಕೀರ್ತಿನ್ ಪರ್ಬಾವೊಂದು ಅವು ಬುಲೆಯಿನ ಪೊರ್ಲೆ ಪೂರ್ಲು.

ಅತ್ತಾವರ ಬಾಲಕೃಷ್ಣ ಶೆಟ್ಟ್ ಪನ್ನಗ ಕುಡ್ಲದ ಮಾಮಲ್ಲ ಪುದರ್. ಆರ್ ಮುಲ್ಕಿ ಸಾಹುಕಾರ ಕಾಳಪ್ಪ ಶೆಟ್ಟಿನ ಮಗೆ ಆದ್ 1877ಟ್ (ಶ್ರೀ ಸಾಹುಕಾರ ಕಾಳಪ್ಪ ಶೆಟ್ಟ್

ಸುಂದರ ರಾಮ ಶೆಟ್ಟಿನ ಪಿಚ್ಚೆ) ಪುಟಿಯೆರ್. ಇಂಟರ್ ಮೀಡಿಯೆಟ್ ಮುಟ್ಟ ಕಲ್ದಿನ ಎ. ಬಿ. ಶೆಟ್ರು ತನ್ನ ಆರೋಗ್ಯದ ಸಮಸ್ಯೆಡ್ಲಾತ್ರ ಬರವುನು ಅರ್ದೋಡೇ ಉಂತಾಯೆರ್. ಆಂಡ ಗ್ರಂತೋಲೆನ್ ಓದುನ ಪರಿಪಾಠ, ವಿಜ್ಞಾನದ ಮಿತ್ತ್ ಆಸಕ್ತಿ, ಮೂಡನಂಬಿಕೆಲೆನ ಎದ್ರ್ ಲಡಾಯಿ, ಸಮಾಜದ ಅಭಿವೃದ್ಧಿಗಾದ್ ಪುಣೆವುನ ಕಸು ಉಂದು ಮಾತ ಅರೆಡ ಇತ್ತಂಡ್. ಅರೆನ ಇಲ್ಲಡ್ ಒಂಜಿ ಗ್ರಂಥಾಲಯನೇ ಇತ್ತಂಡ್. ತನ್ನ ನಿರಂತರ ಸಾರ್ವಜನಿಕ ಕೆಲಸೊಡು ಪುರುಸೊತ್ತು ತಿಕ್ಕಿ ಕೂಡ್ಲೆ ಪುಸ್ತಕ ಬಡ್ಲಾವುನ ಪರಿಪಾಠ ಅರೆನ ಆದ್ತಂಡ್. ಕುಡ್ಲಡ್ ರಾಮಕೃಷ್ಣ ವಿದ್ಯಾಭವನ ಕಟ್ಟಾಯಿನೆಟ್ ಬಾಲಕೃಷ್ಣ ಶೆಟ್ರು ಬೊಕ್ಕ ಅರೆನ ಪಲಯೆ ಸೀತಾರಾಮ ಶೆಟ್ರು ಪ್ರಮುಖೆರ್. ಬಾಲಕೃಷ್ಣ ಶೆಟ್ರು 'ನವಯುಗ' ಪನ್ನಿನ ವಾರ ಪತ್ರಿಕೆನ್ನ ನಡಾಪಾದೆರ್. ಉಂದೇ ಪತ್ರಿಕೆಡ್ ಖ್ಯಾತ ವಿದ್ವಾಂಸರಾಯಿನ ಕಡಂಗೋಡ್ಲ ಶಂಕರ ಭಟ್ರು ಸಹ ಸಂಪಾದಕೆರಾದ್. ಖ್ಯಾತ ಸಾಮಾಜಿಕ ಕಾರ್ಯಕರ್ತೆ ಆಯಿನ ಕೆ.ಕೆ. ಶೆಟ್ರು ಉಪ ಸಂಪಾದಕೆರಾದ್ಲಾ ಇತ್ತೆರ್. ಇಂಚಿನ ಎ.ಬಿ. ಶೆಟ್ರು ಮದ್ರಾಸ್ ಪ್ರಾಂತ್ಯೊದ ಮಂತ್ರಿ ಮಂಡಲೊಡು ಮಂತ್ರಿ ಆದ್ ಮೈಸೂರು ರಾಜ್ಯ ಆನಗ ಐಟ್ಲಾ ಮಂತ್ರಿ ಆದ್ ಜನಸೇವೆ ಮಲ್ದಿನಾರ್. ಅರೆನ ದೂರದರ್ಶಿತ್ವ ಮುನ್ನೋಟದ ಸಾಕ್ಷಿಯಾದೆ ವಿಜಯಾ ಬ್ಯಾಂಕ್ ಜನನೊಗು ಬತ್ತಂಡ್. ಅವ್ವೆನ್ ಸುರು ಮಲ್ದಿನಿ ರಡ್ಡನೆ ತಾರಿಕ್ ಫೆಬ್ರವರಿ 1931 ಟ್ಪ್. (ವ್ಯವಹಾರ ಸುರುಮಲ್ದಿನಿ 23.10.1931 ಟ್ಪ್). 1931ಡ್ಲಾ 1937 ಮುಟ್ಟ ಬ್ಯಾಂಕ್‌ದ ಅದ್ವಕ್ಷೆರಾದ್ ಎ.ಬಿ.ಶೆಟ್ರು ಇತ್ತೆರ್. 1937ಟ್ಲಾ ಆರ್ ಮದ್ರಾಸ್ ಎಸೆಂಬ್ಲಿಗ್ ಆಯ್ತೆ ಆದ್ ಅವುಲು ಪಾರ್ಲಿಮೆಂಟರಿ ಕಾರ್ಯದರ್ಶಿಯಾದ್ ಕೆಲಸ ಮಲ್ಪೊಡಾಂಡ್. ಅಂಚಾದ್ ಬ್ಯಾಂಕ್‌ದ ಅದ್ವಕ್ಷೆ ಸ್ಥಾನೊನು ಬುಡಿಯೆರ್. (ಕುಡ್ಲದ ವಿಜಯಾ ಬ್ಯಾಂಕ್‌ದ ಪೊಸ ಕಟ್ಟೊಣೊಗು ಶ್ರೀ ಕೆ. ಎಸ್. ಅಡಿಗರ್ ಶಂಕುಸ್ಥಾಪನೆ ಮಲ್ತೆರ್. 1955 ನೆಟ್ಲೆ ಐತ ಉದ್ಘಾಟನೆ ಮಲ್ತಿನಾರ್ ಅದಗ ಆರೋಗ್ಯ ಮಂತ್ರಿಲಾದಿತ್ತಿನ ಎ.ಬಿ. ಶೆಟ್ರು).

ಬ್ಯಾಂಕ್‌ದ ಸ್ಥಾಪಕ ಡೈರೆಕ್ಟರ್‌ನಕಲೆನ ಪುದರ್ ಇಂಚೆ ಉಂಡು. ಶ್ರೀ ಎ. ಬಾಲಕೃಷ್ಣ ಶೆಟ್ಟಿ, ಕೆ. ಜಗನ್ನಾಥ ಬಲ್ಲಾಳ್, ಡಾ. ಎನ್ ಮಹಾಬಲ ಅಡ್ಯಂತಾಯ, ಬೆಂಗಳೂರಿ ಕೃಷ್ಣಯ್ಯ ಹೆಗ್ಡೆ, ಟಿ. ನಾರಾಯಣ ಭಂಡಾರಿ, ಸಾಹುಕಾರ ಅಂತಯ ಶೆಟ್ಟಿ, ಕೆ. ವೆಂಕಪ್ಪ ಶೆಟ್ಟಿ ವೈ. ಸೂರ್ಯಣ್ಣ ಶೆಟ್ಟಿ ಬಿ. ಮಂಜಯ್ಯ ಹೆಗ್ಡೆ, ಬಿ. ಹಿರಿಯಣ್ಣ ಹೆಗ್ಡೆ, ಜಾರ್ಕಳ ನಾಗಣ್ಣ ಹೆಗ್ಡೆ, ಬಂಪ್ರಾಣ ವೆಂಕಪ್ಪ ಪೂಂಜ, ರಾಮಕೃಷ್ಣ ಪೂಂಜ, ಎ.ಎಸ್. ಮಹಾಬಲ ರೈ.)

ಸುಂದರ ರಾಮ ಶೆಟ್ಟಿನ ಸಾಹಸ ಬೊಕ್ಕ ವಿಜಯದ ಕತೆ ಪನೊಡ್ಲ ವಿಜಯಾ ಬ್ಯಾಂಕ್‌ದ ಕತೆನ್ಲಾ ಪನೊಡಾಪುಂಡು. ಅವು ಒಂಜೆಕ್ಕೊಂಜಿ ಬುಡ್ಡು ಇಜ್ಜಿ. 1930-31 ನೆ ವರ್ಸೊಡೊ ದ.ಕ. ರೈಲ್ವೆ ಬಾರೀ ಕಷ್ಟ ಪಡೆಯೆರ್. ಅಕಲೆನ ಬುಲೆಕ್ ಸರಿತ ಬಿಲೆ ಇತ್ತೆಜಿ. ದುಡ್ಡು ಕಷ್ಟೊಡುಪುನಗ ಅಕಲೆಗ್ ಸಾಲ ಕೊರ್ಪಿನ ಸೌಕರ್ಯ

ಇತ್ತೆಜಿ. ಈ ವ್ಯವಸ್ಥೆನ್, ಅವಸ್ಥೆನ್ ತೂದು ಎ.ಬಿ. ಶೆಟ್ ಬ್ಯಾಂಕ್ ಸ್ಥಾಪನೆ ಮಲ್ಪೆರೆ ದುಂಬತ್ತೆರ್. ಕೃಷಿ ಕಸುಬುದ ಜನೊಕುಲೇ ಐತ ಡೈರೆಕ್ಟರ್‌ನಕುಲಾಯೆರ್. ಸುರು ಬಿಡುಗಡೆ ಮಲ್ತಿನ ಐತ ಬಂಡವಾಳ ಐನ್ ಲಕ್ಷ ರೂಪಾಯಿ. ಸಂದಾಯ ಆಯಿನ ಬಂಡವಾಳ 8,670 ರೂಪಾಯಿ. ಐತ ರಡ್ಡನೆ ಬ್ರಾಂಚ್ ಉಡುಪಿಡ್ 1936 ಟ್ವೆ ಉದಿಪನಾಂಡ್. ಸುರು ಸುರುಟು ಐತ ಬೆಳವಣಿಗೆ ಬಾರೀ ಮಂದ ಗತಿತ್ ಸಾಗೊಂದಿತ್ತಂಡ್. 1937 ಡ್ 1953 ಮುಟ್ಟ ಅದ್ವಕ್ಷೆರಾದ್ ಬಿ. ಮಂಜಯ್ಯ ಹೆಗ್ಡೆರ್ ಜವಾಬ್ದಾರಿ ವಯಿಸೊಂಡೆರ್. ಈ ಪದಿನಾಲ್ ವರ್ಸೊಡು ಐತ ಠೇವಣಿ ನಲ್ಪತ್ತೇಳರೆ ಲಕ್ಷೊಗು ಪೋಂಡು. ಒಟ್ಟುಗು ಪದಿಮೂಜಿ ಶಾಖೆಲು ಕೆಲಸ ಮಲ್ಪರೆ ಸುರುಮಲ್ತ. ಮಂಜಯ್ಯ ಹೆಗ್ಡೆರ್‌ಡ್ ಬೊಕ್ಕ ಕೆ. ಸುಂದರ ರಾಮ ಶೆಟ್ಟಿ ಪನ್ನಿನಾರ್ (ಕುಡಲದಾರ್) ಈ ಬ್ಯಾಂಕ್‌ದ ಅದ್ವಕ್ಷೆರಾಯೆರ್. ಆರ್. ಎಲ್ ವರ್ಸೊಡು ಪದಿಮೂಜಿ ಇತ್ತಿನ ಎಗ್ಗೆಲೆನ್ ಇರ್ವತ್ತೊಂಜೆಕ್ ಕೊಣೆಯೆರ್. ಆಯಿಡ್ ಬೊಕ್ಕ ಡಾ. ಬಾಳಪ್ಪ ಶೆಟ್ ರಡ್ಡ್ ವರ್ಷ ಅದ್ವಕ್ಷೆರಾಯೆರ್. 1962ಟ್ ಅರೆನ ಕೈಡ್ ಅದ್ವಕ್ಷೆ ಆದ್ ಅಧಿಕಾರ ಪಡೆಯಿನಾರ್ ಎಮ್ ಸುಂದರ ರಾಮ ಶೆಟ್.

ಎಮ್ ಸುಂದರ ರಾಮ ಶೆಟ್ ಅದ್ವಕ್ಷೆರಾನಗ ಬ್ಯಾಂಕ್‌ದ ಠೇವಣಿ 180 ಲಕ್ಷ ಸಾಲ 114 ಲಕ್ಷ ಲಾಭ ಒಟ್ಟುಗು ರಡ್ಡ್ ಲಕ್ಷ (1962) ಕೆಲಸೊಗು ಇತ್ತಿನ ಸಿಬ್ಬಂದಿಲು 176 ಜನ.

ಬ್ಯಾಂಕ್ ಅಧ್ಯಕ್ಷರಾದ

ಸುಂದರ ರಾಮ ಶೆಟ್ಟಿ ವಿಜಯಾ ಬ್ಯಾಂಕ್‌ದ ಗೌರವ ಅಧ್ಯಕ್ಷರಾದ ಬತ್ತಿನ ಪೊರ್ತು (1962) ಆತ್ ಕುಸಿತ ಆದತ್ತಿಜಿ. ನಾಲ್ ಕಡೆಡ್ಲಾ ಆರೆಗ್ ಒತ್ತಡ ಇತ್ತಂಡ್. ಬ್ಯಾಂಕ್‌ದ ಒಂಜಿ ಮಲ್ಲ ಸಾಲ ಮುರ್ಕುದು ಮುದಲ್‌ಗೇ ಪೆಟ್ಟಾಪಿನ ಲೆಕ್ಕ ಇತ್ತಂಡ್‌ಂದ್ ಅವ್ವೆನ್ ಕೈತಲ್‌ಡ್ ತೂತಿನ ಕೆಲವೆರೆನ ಅಭಿಪ್ರಾಯ. ಆಪೊರ್ತುಡು ಉಂದೆನೊಂಜಿ ಸವಾಲಾದ್ ಸ್ವೀಕಾರ ಮಲ್ತಿನಾರ್ ಶೆಟ್ಟಿ. ತಾನ್ ಇನ್ನೂರೆನ್ ಕಂಪನಿಡ್ ಕೆಲಸ ಮಲ್ತಿನೆಟ್ಟಾತ್ರಾ ಅರೆಗ್ ಜನಸಂಪರ್ಕ ಎಡ್ಡೆ ಇತ್ತಂಡ್. ವ್ಯವಹಾರ ಜ್ಞಾನ ಇತ್ತಂಡ್. ಅಂಚಾದೆ ಆರ್ ಕೆಲವು ತುರ್ತು, ಸಕಾಲಿಕ ನಿರ್ಧಾರೊಲೆನ್ ಮಲ್ತ್‌ದ್ ಬ್ಯಾಂಕ್‌ದ ಪರಿಸ್ಥಿತಿನ್ ಹದೊಕು ಕಣತೆರ್. ಆತೆ ಅತ್ತಾ, ಈ ಬ್ಯಾಂಕ್‌ನ್ ಬುಳಿವಾವುನ ಮಾತ ಉಪಾಯೊಲೆನ್ ಎಣ್ಣೊಂಡರ್. ರಾತ್ರೆ ಪಗೆಲ್, ಉಂತುನಗ, ಕುಲ್ಲನಗ, ಎಚ್ಚೆರೊಡು, ನಿದ್ದೆಡ್ ಬ್ಯಾಂಕ್‌ದ ಅಭಿವೃದ್ಧಿದ ಕನೊಟೀ ಇತ್ತೆರ್. ತಿನಕಲೆಡ, ಕೆಲಸದ ಸಿಬ್ಬಂದಿಲೆಡ ಬ್ಯಾಂಕ್‌ದ ಸುದ್ದಿ ಅತ್ತಾವಂದೆ ಬೇತೆ ಎಂಚಿನಲಾ ಪಾತೆರೆಯೆರ್.

ಒಂಜಿ ಕಾಲಗಟ್ಟೊಡು ಕಿನ್ಯ ಕಿನ್ಯ ಏತೊ ಬ್ಯಾಂಕುಲು ಮುರ್ಕುದು ಪೋಯಿನೆಕ್ಚೆ ಚರಿತ್ರೆ ಸಾಕ್ಷಿ ಆಂಡ್, ಇಂಚಿನ ಗಟನೆಲೆನ್ ಕೆಲವು ಸಮಯೊಡು ದಿನಲಾ ತೂವೊಂದು ಈ ಬ್ಯಾಂಕ್ ನೀಂದೊಂದು ಕರೆಪತ್ತರೆ ತರೆದೆರ್ತ್ ದುಂಬೊತೊಂದು ಬತ್ತಂಡ್. 1963 ಡ್ಲ 1967 ಮುಟ್ಟ ಕಿನ್ಯ ಕಿನ್ಯ - ಬೇತೆ ಒಂಬ ಬ್ಯಾಂಕ್‌ಲೆನ್ ತನ ಮುಟ್ಟೆಲೆಡ್ ಕಟ್ಟೊಂದು ಉಬ್ಬೆರ್ಡ್ ಉಂತುಂಡ್. ಐತ ವಿವರ ಪುಟ 19ಟ್ ಉಂಡು.

1967ಟ್ ವಿಜಯಾ ಬ್ಯಾಂಕ್‌ದ ಒಟ್ಟು ಎಗ್ಗೆಲು 87 ಕ್ಕೆ ಎರ್ಯ. ಕೆಲಸ ಮಲ್ಪುನ ಸಿಬ್ಬಂದಿಲೆನ ಸಂಖ್ಯೆ 919 ಗು ಎರ್ಂಡ್. ಬ್ಯಾಂಕ್ ಬಲಿಷ್ಠವಾದ್ ದುಂಬು ಪೋಪಿನ ಮಾತ ಲಕ್ಷಣಲಾ ತೋಜಿದ್ ಬರೆ ಸುರುವಾಂಡ್. ಸುಂದರ ರಾಮ ಶೆಟ್ಟಿನ ನನೊಂಜಿ ನಿರ್ಧಾರ ಎಂಚಿನ ಪಂಡ, ಬ್ಯಾಂಕ್‌ದ ಆಡಳಿತ ಕಾರ್ಯಾಲಯೊನು ಬೆಂಗಳೂರುಗು ಕನೊವೊಡು ಪಂದ್. ನೆಕ್ ಸುರುಟು ಕೆಲವೆರೆನ ವಿರೋಧ ಇತ್ತಂಡ್. ಬೆಂಗಳೂರು ನಗರೊಡು ಆಡಳಿತ ಕಛೇರಿ ಮಲ್ಪರೆ ಆ ಕಾಲೊಡು ಮಸ್ತ್ ಬಾಡಿಗ ಕೊರೊಡಾಂಡ್. ಆ ಬಾಡಿಗನೆ ವರ್ಸೊಗು ಲಕ್ಷೊಡ್ಡ್ ಮಿಶ್ತ್ ಪೊಂಡ ಬ್ಯಾಂಕ್‌ದ ಲಾಭ ಪೂರ ಅಡೆಗೇ ಪೋವು ಪಂಡ್‌ದ್ ಕೆಲವೆರ್ನ ಅಭಿಪ್ರಾಯ ಇತ್ತಂಡ್. ಆಂಡ

	ಸೇರಿಸ ತಾರೀಖ್	ಲೇವಣಿ(ಲಕ್ಷ)	ಮುಂಗಡ	ಶಾಖೆ
1. ದೇವಾಂಗ ಬ್ಯಾಂಕ್ ಲಿಮಿಟೆಡ್ - ಬೆಂಗಳೂರು ಕರ್ನಾಟಕ	21.10.63	13.80	6.68	2
2. ದಕ್ಷಿಣ ಬ್ಯಾಂಕ್ ಲಿ., ಎರ್ನಾಕುಲಂ - ಕೇರಳ	12.09.64	29.95	8.71	4
3. ಜಾಲಪುರಂ ಬ್ಯಾಂಕ್ ಲಿ. - ಕಲ್ಲಿಕೋಟೆ, ಕೇರಳ	13.10.64	26.11	16.20	8
4. ತಳಿಪರಂಬ ಬ್ಯಾಂಕ್ ಲಿ. - ಕೇರಳ	24.12.64	1.88	1.63	1
5. ತಲಶ್ಶೇರಿ ಬ್ಯಾಂಕ್ ಲಿ. - ಕೇರಳ	26.12.64	10.63	8.69	3
6. ವೈಶ್ಯ ಮರ್ಕಂಟೈಲ್ ಬ್ಯಾಂಕ್ ಲಿ. ರಾಮನಗರ, ಕರ್ನಾಟಕ	28.12.64	12.76	7.60	3
7. ಕೂನೂರು ಸುಬ್ರಹ್ಮಣ್ಯ ವಿಲಾಸಃಉಪಕಾರ ಬ್ಯಾಂಕ್, ತಮಿಲ್ಲಾಡು	10.07.65	3.29	6.53	2
8. ಹುಬ್ಬಲಿ ಸಿಟಿ ಬ್ಯಾಂಕ್ ಲಿ. - ಹುಬ್ಬಳ್ಳಿ, ಕರ್ನಾಟಕ	27.08.66	29.03	19.68	2
9. ಜಯಲಕ್ಷ್ಮಿ ಬ್ಯಾಂಕ್ ಲಿ. - ಮಂಗಳೂರು, ಕರ್ನಾಟಕ	27.05.67	169.14	71.22	17

ಸುಂದರ ರಾಮ ಶೆಟ್ಟಿನ ಚಿಂತನೆ ಬೇತೆನೆ ಇತ್ತಂಡ್. ಆರ್ ದೂರದ ದೃಷ್ಟಿಡ್ (Vision) ಉಂದೆನ್ ತೂಯ್ಕಾರ್, ಬೆಂಗಳೂರು ಕರ್ನಾಟಕದ ರಾಜಧಾನಿ, ಬಾರಿ ವಹಿವಾಟ್ ಇತ್ತಿನ ಜಾಗೆ, ಅವುಲು ಪ್ರಯತ್ನ ಮಲ್ತಂಡ ಖಂಡಿತ ಬ್ಯಾಂಕ್‌ದ ಭವಿಷ್ಯ ಉಂಡು ಪಂಡ್‌ದ್ ಆರ್ ತೆರಿಯೊಂಡರ್. ಆರ್ ಮಲ್ತಿನ ಒವ್ವೇ ನಿರ್ಧಾರಲಾ ಕೂಡ್ಲೆ ಜಾರಿಗೆ ಬರೊಡು. ಅರೆನ ಅಂಚಿನ ನಿರ್ಧಾರಾಲೆ ಬ್ಯಾಂಕ್‌ನ್ ಮಿತ್ತ್ ಕೋವರೆ ಸಹಕಾರಿ ಆದಿತ್ತ. 1969ಡ್ ವಿಜಯಾ ಬ್ಯಾಂಕ್‌ದ ಆಡಳಿತ ಕಛೇರಿ ರೇಸ್‌ಕೋರ್ಸ್‌ ರೋಡುದ ಭಾರತೀಯ ವಿದ್ಯಾಭವನೊಡು ಸುರುವಾಂಡ್. ಅಲ್ತಡ್ಲೆ ಐತ ಭಾಗ್ಯೋದಯ ಆಂಡ್‌ಇಂದ್ ಪನೊಲಿ. ವಹಿವಾಟ್ ಏರೊಂದು ಪೋಂಡು. ಪೊಸ ಶಾಖೆಲು ಉದಿಪನೊಗು ಬತ್ತ.

1969 ಈ ದೇಸೊದ ಬ್ಯಾಂಕಿಂಗ್ ಇತಿಹಾಸೊಡು ಮದಪೆರಾವಂದಿ ವರ್ಸೊ. ದೇಸೊದ 14 ಮಲ್ಲ ಬ್ಯಾಂಕುಲು ರಾಷ್ಟ್ರೀಕರಣ ಆಯ. 1962ಡ್ಲೆ - 1969 ಮುಟ್ಟಿ ವಿಜಯಾ ಬ್ಯಾಂಕ್‌ದ ಗೌರವಾಧ್ಯಕ್ಷೆ ಆದಿತ್ತಿನ ಸುಂದರ ರಾಮ ಶೆಟ್ಟಿ 1969 ಡ್ಲೆ ಬೊಕ್ಕ ಐತ ಪೂರ್ಣಾವಧಿ ಅಧ್ಯಕ್ಷೆ ಆಯೆರ್. ಅದಗನೆ ಬ್ಯಾಂಕ್‌ಗ್ಲೆ ಆರೆಗ್ಲಾ ಶುಕ್ರದಸೆ ಸುರುವಾಂಡ್. ಸುಂದರ ರಾಮ ಶೆಟ್ಟಿನ ಧಕ್ಷತೆ,ಬುದ್ಧಿವಂತಿಕೆ, ಸೂಕ್ತ ಬೊಕ್ಕ ಕೂಡ್ಲೆ ನಿರ್ಧಾರಗತೊನ್ನ ಸಂಗತಿಲೆಡ್ಲೆ ಎಡ್ಲೆ ಪರಿಣಾಮ ತೋಜಿದ್ ಬತ್ತಂಡ್. ಆರ್ "ವಿಜಯಾ ಬ್ಯಾಂಕ್‌ದ ವಿಜಯ ಶಿಲ್ಪಿ" ಪಂಡ್‌ದ್ ಪುದರ್ ಪಡೆಯೆರ್. 1969ಡ್ಲೆ 1976 ಮುಟ್ಟಿ ಬ್ಯಾಂಕ್ ರೇಸ್‌ದ ಕುದರೆದ ಲೆಕ್ಕ ಬಲಿಪರೆ ಸುರುವಾಂಡ್. 1968 ಡು ಬ್ಯಾಂಕ್‌ದ ಡಿಪೊಸಿಟ್ 13.12 ಕೋಟಿ ಇತ್ತಂಡ್. 1976ಟ್ಲೆ ಅವು 221.02 ಕೋಟಿಗ್ ಏರ್‌ಂಡ್. ಸಂದಾಯ ಬಂಡವಾಳ (Paid-up Capital) 13.83 ಲಕ್ಷೊಡ್ಲೆ 117.90 ಲಕ್ಷೊಗು ಮಿತ್ತ್ ಪೋಂಡು. ಶೇರ್‌ಗ್ ಡಿನಿಡೆಂಡ್ ಆಜೆಡ್ಲೆ ಪದ್‌ರಾಡ್ ಪರ್ಸೆಂಟ್ ಆಂಡ್. ಪ್ರಗತಿದ ಮಾಪನ 42%. ಈ ಸಮಯೊಡು 377 ಪೊಸ ಶಾಖೆಲೆನ ಉದಿಪನ ಆಂಡ್. 7457 ಜನ ಕೆಲಸೊಗು ಸೇರೊಂಡರ್.

ಒಂಜಿ ಕಾಲೊಡು ಕುಡ್ಲೆ ಬೊಕ್ಕ ಐತ ಕೈತಲ್‌ದ ಊರುಡೇ ಇತ್ತಿನ ವಿಜಯಾ ಬ್ಯಾಂಕ್ ಇತ್ತೆ ದೇಶದ ಮೂಲೆ ಮೂಲೆಲೆನ್ ಮುಟ್ಟರೆ ಸುರುವಾಂಡ್. ಉತ್ತರ ಭಾರತ, ಈಶಾನ್ಯ ಭಾರತ ಪಂಡ್‌ದ್ ಮಾತ ಪ್ರಾಂತ್ಯೊಲೆಡ್ಲಾ ಶಾಖೆಲು ಕೆಲಸ ಸುರುಮಲ್ತ. ಉತ್ತರ, ದಕ್ಷಿಣ, ಪೂರ್ವ, ಪಶ್ಚಿಮೊಡು ಪರ್ಬಿ ಲೆಕ್ಕನೆ ಬೇತೆ ಬೇತೆ ಊರುದ, ಬೇತೆ ಬೇತೆ ಧರ್ಮೊದ ಜನಕುಲು ಕೆಲಸೊಗು ಸೇರೈರ್. ಬೊಂಬಾಯಿ, ಡೆಲ್ಲಿ, ಕಲ್ಕತ್ತ, ಮದ್ರಾಸ್ ಪಂಡ್‌ದ್ ಮಹಾನಗರೊಲೆಡ್ ಮಸ್ತ್ ಎಗ್ಗೆಲೆನ ಉದಿಪನ ಆಂಡ್.

ವಿಜಯಾ ಬ್ಯಾಂಕ್‌ದ ಮಿತ್ತ್ ಜನೊಕುಲೆಗ್ ಭರವಸೆ ಪುಟುಂಡು. ವ್ಯಾಪಾರಿಲು, ಉದ್ಯೋಗಸ್ತರ್, ದೇಶದ ಮಲ್ಲ ಮಲ್ಲ ಉದ್ಯಮಿಲು ಬ್ಯಾಂಕ್‌ಡ್ ವ್ಯವಹಾರ ಮಲ್ತರ್.

ಬ್ಯಾಂಕ್ ಒಂಜೇ ಲೆಕ್ಕದ ಜವಣೆರ್ ಕೆಲಸೊಗಿತ್ತೆರ್. ಕೆಲಸದ ಉಮೇದ ಇತ್ತೆಂಡ್. ಸುಂದರ ರಾಮ ಶೆಟ್ಟಿ ಕೆಲಸ ಕೊರ್ಗ, 'ಲಾಯಿಕ್ ಕೆಲಸ ಮಲ್ತದ್ ಬ್ಯಾಂಕ್ ಮಿತ್ತ್ ಕಣವೊಡು ಪಂದ್ ಪ್ರತಿ ಒರಗ್ಲ ಪನೊಂದಿತ್ತೆರ್.

ವ್ಯವಹಾರ ಮಲ್ಪುನ ಗಿರಾಕಿಲು ಎಚ್ಚ ಆಯನೆಕ್ ತಕ್ಕ ವ್ಯವಸ್ಥೆ ಬದಲಾವಣೆ ಕಣಪಿನ ಜವಾಬ್ದಾರಿಲಾ ಅದ್ವಕ್ಷರೆಗ್ ಇತ್ತೆಂಡ್. ಬ್ಯಾಂಕ್ ಪೊಸತ್ ಸೇರಿನಕಲೆಗ್, ದುಂಬೇ ಇತ್ತಿನಕಲೆಗ್ ಅಗಾಗ್ಯೆ ತರಬೇತಿ ಕೊರ್ಪಿನ, ಪೊಸ ಪೊಸ ಬ್ಯಾಂಕಿಂಗ್ ದ ವಿಷಯ ತೆರಿಪಾವುನ ಅಗತ್ಯ ಇತ್ತೆಂಡ್. ಐಕಾತ್ರ ಸಿಬ್ಬಂದಿ ತರಬೇತಿ ಕೇಂದ್ರ ಬೆಂಗಳೂರು ಉದಿಪನೆ ಆಂಡ್ (1970). ಪಿದಯಿ ದೇಸೊದೊಟ್ಟುಗು ವ್ಯಾಪಾರ ಮಲ್ಪುನ ಉದ್ಯಮಿಲೆಗಾತ್ರ ಅಂತಾರಾಷ್ಟ್ರೀಯ ಪಣವು ಕಾಸ್ ದ ವಿನಿಮಯ ವಿಭಾಗ ಮೂಡ್ ಬತ್ತೆಂಡ್ (1971), ಕೃಷಿ ಘಟಕ (1972), ಆರ್ಥಿಕ ಬೊಕ್ಕ ಸಂಖ್ಯಾ ವಿಭಾಗ (1974), ಮೆಕನಾಯಿಸ್ ಡಾಟಾ ಪ್ರೊಸೆಸಿಂಗ್ ವಿಭಾಗ (1974), ಕ್ರೆಡಿಟ್ ಬೊಕ್ಕ ಫಂಡ್ ಕಂಟ್ರೋಲ್ ವಿಭಾಗ (1978) ಇಂಚ ಬ್ಯಾಂಕ್ ಬೇತೆ ಬೇತೆ ವಿಭಾಗದ ಮೂಲಕ ಕೆಲಸ ಮಲ್ಪರೆ ಬೊಕ್ಕ ಎಡ್ಡೆ ಮಟ್ಟದ ಗ್ರಾಹಕ ಸೇವೆ ಕೊರಿಯರೆ ಸುರುವಾಂಡ್.

ಇತ್ತೆ ವಿಜಯಾ ಬ್ಯಾಂಕ್ ಕ್ರೆಡಿಟ್ ಕಾರ್ಡ್, ಎಟಿಎಮ್ (ಕೋರ್ ಬ್ಯಾಂಕಿಂಗ್, ಇ-ಬ್ಯಾಂಕಿಂಗ್ ಇಂಚಿನ ಅತ್ಯಾಧುನಿಕ ಸೇವೆಲು ತಿಕೊಂದುಲ್ಲ)

1976ಟ್ ಬ್ಯಾಂಕ್ ಇಂಡಿಯನ್ ಇನ್ಸಿಟ್ಯೂಟ್ ಆಫ್ ಮ್ಯಾನೇಜ್‌ಮೆಂಟ್, ಅಹಮದ್‌ಬಾದ್ ನೆತ್ತ ನಿರ್ದೇಶನೊಡು ಬ್ಯಾಂಕ್ ದ ವಿಭಾಗೊಲೆನ, ವಿಂಗಡನೆ ಬೊಕ್ಕ, ಆಡಳಿತ ವಿಕೇಂದ್ರೀಕರಣದ ವಿಷಯೊಲೆಡ್ ಹೆಚ್ಚಿನ ತಿಳಿವಳಿಕೆ ಗೆತೊನೊಂದು 18 ಪ್ರಾದೇಶಿಕ ಆಫೀಸ್‌ಲೆನ್ ಉದಿಪನೊಗು ಕಂತ್ಂಡ್.

ಸುಂದರ ರಾಮ ಶೆಟ್ಟಿ ಪೂರ್ಣಾವಧಿ ಅದ್ವಕ್ಷೆ ಆದ್ ವಿಜಯಾ ಬ್ಯಾಂಕ್ ನಡಪಾಯಿ ಬೊಕ್ಕ ಅರೆನ ಕಾಲೊಡು ಬ್ಯಾಂಕ್ ದ ಹಂತ ಹಂತದ ಬುಳೆಚೆಲ್ ದ ಒಂಜಿ ಪಕ್ಕಿಡಿಟ್ಟಿದ ವಿವರಣೆ ನೆಟ್ ಉಂಡು

ಮುಲ್ಕಿ ಸುಂದರ ರಾಮ ಶೆಟ್ಟಿ ವಿಜಯಾ ಬ್ಯಾಂಕ್ ದ ವಿಜಯ ಚರಿತ್ರೆನ್ ಎಂಚ ಬರೆಯೆರ್ ಪನ್ನಿನ ವಿವರಣೆ ಯಾನ್ ಈ ಪಿರವು ಕೊರಿನ ಪಟ್ಟಿಡ್ ತೋಜದ್ ಬರ್ಪುಂಡು. 1969 ನೇ ಇಸವಿಡ್ 1979 ಮುಟ್ಟ ಪತ್ತೊಂಜಿ ವರ್ಸೊದ ಬ್ಯಾಂಕ್ ದ ಬ್ಯಾಲೆನ್ಸ್ ಶೀಟ್ ದ ಸೂಕ್ಷ್ಮ ಪರಿಚಯ ನೆಟ್ ಉಂಡು. ಒಟ್ಟುಗು ತೂನಗ ಲಾಭಾಂಶ ವಂತೆ ಕಡಿಮೆ ತೋಜು. ಆಂಡ ಪ್ರಗತಿನ್ ಬಜೀ ಲಾಭದ ದಿಟ್ಟಿಡೇ ತೂವರೆ ಆಪುಜಿ. ವರ್ಸೊಡ್ಲ ವರ್ಸೊ ಬ್ಯಾಂಕ್ ದ ಅಭಿವೃದ್ಧಿ - ಪನ್ನಗ ಉದಿಪನ ಆಯಿನ ಪೊಸ ಪೊಸ ಶಾಖೆಲು ಬೊಕ್ಕ ಕೆಲಸೊಗು ಸೇರಿನ ಸಿಬ್ಬಂದಿಲು - ನೆತ್ತ ಮಾತ ಖರ್ಚಿ ಸುರುಸುರುಟು ಎಚ್ಚ ಉಪ್ಪುನಾನೆ! ಒಂಜಿ ವರ್ಸೊಡು ನೂತ್ವೆನ್ ಎಗ್ಗೆಲೆನ್ ಉದಿಪನ ಮಲ್ಪಿನ (1975) ಕೀರ್ತಿ ಸುಂದರ ರಾಮ ಶೆಟ್ಟಿನ. ಆ ರೆಕಾರ್ಡ್ ಬ್ಯಾಂಕಿಂಗ್

1963ರ್ದ 1968 ಮುಟ್ಟದ ಬ್ಯಾಂಕ್ದ ಬುಲೆಟ್ದ ಒಂಜಿ ಸಮೀಕ್ಷೆ ಇಂಚಿ ಉಂಡು (ಲಕ್ಷ ರೂಪಾಯಿಡ್)							
	1963	1964	1965	1966	1967	1968	
ಮೂಲ ಬಂಡವಾಳ (Capital)	9.15	10.76	11.00	11.06	13.79	13.83	
ಗೆತ್ದಿಲಿನ ಬಂಡವಾಳ (Reserved)	3.43	3.75	3.95	5.00	6.00	7.00	
ಠೇವಣಿ (Deposit)	233.27	396.73	566.17	842.93	1206.10	1320.67	
ಬೇರೆ ಬೇರೆಗೆ ತೊಡಗಿಸಾಯಿನ ಮಡ್ಡು (Investment)	50.96	87.42	103.15	179.30	293.39	382.13	
ಸಾಲ (Advanced Bill Discount)	154.06	245.84	372.73	549.52	804.48	832.03	
ಒಟ್ಟು ಲಾಭ (Gross Earnings)	16.40	23.83	42.39	61.96	95.55	113.78	
ನಿವ್ವಳ ಲಾಭ (Net Profit) (After Providing I.T)	0.84	0.85	1.69	1.74	1.78	1.88	
	I.T ಗೆತ್	I.T ಗೆತ್	I.T ಗೆತ್	I.T ಗೆತ್	I.T ಗೆತ್	I.T ಗೆತ್	
	ದೀಲಿನ	ದೀಲಿನ	ದೀಲಿನ	ದೀಲಿನ	ದೀಲಿನ	ದೀಲಿನ	
	95,000	85,400	1,65,000	1,55,000	2,59,700		
	ಒಟ್ಟು	ಒಟ್ಟು	ಒಟ್ಟು	ಒಟ್ಟು	ಒಟ್ಟು	ಒಟ್ಟು	
ಡಿವಿಡೆಂಡ್	5%	5%	6%	6%	6%	6%	
ಸಿಬ್ಬಂದಿ ವರ್ಗ	222	421	508	689	919	982	
ಶಾಖೆಲು	26	52	55	63	87	89	

ಇಂಡಸ್ಟ್ರೀಸ್‌ಡೇ ಮಾಮಲ್ಲ ಬೊಕ್ಕ ಇದಮುಟ್ಟಿ ಏರೆಡ್ಲಾಲಾ ಪೊಲಿಪರೆ ಆವಂದಿನಂಚಿನ. ಪೊಸ ಶಾಖೆಡ್ ಸುರುತ ವರ್ಸೊಡು ಲಾಭ ಗೆಪ್ಪೆರೆ ಸಾಧ್ಯ ಇಜ್ಜಿ. ಅಂಚಾಂಡಲಾ ಉಂದೆನ್ ಮಾತ ಒಂಜಿ ವ್ಯವಸ್ಥೆಡ್ ದುಂಬು ಕೊನಪಿನ ವ್ಯಾಪಕ ದಿಟ್ಟಿ ಆರೆಡ ಇತ್ತ್ಂಡ್. ಬ್ಯಾಂಕ್‌ದ ಅಭಿವೃದ್ಧಿ ಅರೆಗ್ ಸುರು, ಬೊಕ್ಕದ ಕೆಲಸ ಬೊಕ್ಕ. ಊರುದ ಜವಣೆರೆನ್ ಪರವೂರುದ ಶಾಖೆದ ಕೆಲಸೊಗು ಐಟ್ಲಾ ಕೆಲವು ಬಡಕಾಯಿದ ದೂರದೂರದ ಊರುಗು ಕಡಪುಡ್ಲ ಕೊರೊಂದುಪ್ಪುನಗಲಾ ಪಾತೆರ ಒಂಜೆ. ಬ್ಯಾಂಕ್ ದುಂಬತ್ತ ಬೊಕ್ಕದ ಬೊಕ್ಕ.

ವಿಜಯಾ ಬ್ಯಾಂಕ್ ಸೇರ್ದಿನ ಏತೋ ಜವಣೆರ್ ಬ್ರಾಂಚ್ ಮ್ಯಾನೇಜರ್ ಆದ್ ನೇಮಕ ಆಯಿಬೊಕ್ಕ ಪೊಸ ಬ್ಯಾಂಕ್ ಎಗ್ಗೆ ಸುರು ಆಪಿನಡೆ ದುಂಬೇ ಪೋವೊಡಾದಿತ್ತ್ಂಡ್. ಕೆಲವೆರ್ ಬ್ರಾಂಚ್ ಆಪಿನ ಪೂರ್ತುಗು ತನ್ಕುಲೆ ಮದಿಮ್ಮೆ ಆಪಿನ ತಾರೀಕಿತ್ತಿನೆನ್ ಪಿರ ಪಾಡ್ಡಿನಲಾ ಉಂಡು. ಅಂಚಿನ ಒಂಜಿ ನಿಷ್ಠೆ, ತ್ಯಾಗ, ತಾದಾತ್ತ್ಯ ಇತ್ತಿನೆಡ್ಲಾವರೆನೆ ಬ್ಯಾಂಕ್ ದುಂಬು ಬರೆ ಕಾರಣ ಆಂಡ್. ಉಂದೆಕ್ ಪೂರ ಸೂತ್ರದಾರ ಸುಂದರ ರಾಮ ಶೆಟ್, ಇನಿಕ್ ಆರ್ ನಮ್ಮ ಒಟ್ಟುಗು ಇಜ್ಜೆಡ್ಲಾಲಾ ಆರ್ ತೂಯಿನ ಮಲ್ಲ ಕನವೊಂಜಿ ನಿಜಾದ್ ಪೋಂಡು. ಮಲ್ಲ ಜನೊಕುಲೆನ ದಿಟ್ಟಿ ಮಲ್ಲ, ಮಲ್ಲ ಯೋಜನೆ, ಯೋಜನೆ ಬೊಕ್ಕ ಐತ ಸಾಕ್ಷಾತ್ಕಾರೊಡು ಮಲ್ಲತನ ಉಪ್ಪುಂಡು ಪನ್ನಿನೆಕ್ ಆರೊಂಜಿ ಮಾದರಿ ಆದ್ ತೋಜಾಯೆರ್.

1968 ನೆ ಇಸವಿಡ್ ಬ್ರಾಂಚ್‌ಲು ಒಟ್ಟುಗು 89 ಇತ್ತ ಅವ್ವೇ 1979 ಆನಗ 571 ಆಯ. ಪತ್ತೊಂಜಿ ವರ್ಸೊಡು ಒಟ್ಟು ಉದಿಪನಾಯಿನ ಎಗ್ಗೆಲು 482. 1963 ಡು ಇತ್ತಿನ ಸಿಬ್ಬಂದಿಲೆನ ಸಂಖ್ಯೆ 982, ಅವ್ವೇ 1979 ಆನಗ 9080. ಎಚ್ಚ ಸೇರಿನ ಸಿಬ್ಬಂದಿಲು 8098. ಸುಂದರ ರಾಮ ಶೆಟ್ರಿನ ಅಧ್ಯಕ್ಷಾವದಿಡ್ ಒಟ್ಟು ಸುಮಾರ್ ಒಂಬ ಸಾವಿರ ಜನ ಕೆಲಸೊಗು ಸೇರೈರ್. ಈ ಒಂಬ ಸಾವಿರ ಜನೊತ ಪಿರವುಡು ಒಂಜೊಂಜಿ ಕುಟುಮ ಇತ್ತ್ಂಡ್. ಆಕಲೆನ ದಿನದೆಪ್ಪುನ ಪಡಿ ಅತ್ತಾವಂದೆ ಜೋಕುಲು ಬಾಲೆಲ್ ಕಲ್ಡ್ ದುಂಬು ಬರೆ ಈ ಕೆಲಸ ತಳ ಗಟ್ಟಿ ಮಲ್ತ್ಂಡ್. ಇಂಚ ಆನಿ ಆರ್ ಪೊತ್ತಾಯಿನ ತುಡರ್ ಲಕ್ಷಾಂತರ ಇಲ್ಲಡೆ ಬೊಲ್ಪು ಕೊರ್ಪಿ ಲೆಕ್ಕಾಂಡ್. ಕನ್ನಡದ ರನ್ನ ಕವಿನ ಪಾತೆರದ ಲೆಕ್ಕಾಂಡ "ಸೊಡರೊಂದು ಬೆಳಗಿ ಪಲವುವಂ ಬೆಳಗುವಮೊಲ್" ಇನಿಕ್ ವಿಜಯಾ ಬ್ಯಾಂಕ್ ದೇಸೊದ ಮಲ್ಲ ಮಲ್ಲ ಬ್ಯಾಂಕ್‌ಲೆನ ಒಟ್ಟುಗು ತನ ಪುದರ್‌ನ್ ಒರ್ತೊಂದುಂಡು. ಐತ ಎಗ್ಗೆಲು ಒಂಜಿಸಾರದ ಇನ್‌ಫೋರ್ಮೆನ್ ದಾಟ್‌ದ. ಆಧುನಿಕ ಬ್ಯಾಂಕಿಂಗ್ ಪದ್ಧತಿದ ಮಾತಾ ವ್ಯವಸ್ಥೆಲು ಐಟುಂಡು.

ವರ್ಷ Year	ಒಟ್ಟು ಗಾಯನ ಬಂಡವಾಳ Capital	ಗೌರವಿಸಿದ ಬಂಡವಾಳ Re- serve	ತೇವಣಿ Deposit (ಲಕ್ಷ ರೂಪಾಯಿ ಲಕ್ಷಗಳು)	ಸಾಲ Loans & Advance	ಇನ್ವೆಸ್ಟ್‌ಮೆಂಟ್ Invest- ment	ಸಂಬಳ ಬೋನಸ್ & Bonus Wages	ತೇವಣಿ ಕೊಡಿಸಿದ ಬಡ್ಡಿ Int. on Deposit	ಒಟ್ಟು ಆದಾಯ Total Income	ಒಟ್ಟು ಲಾಭ Total Profit	ಶಾಖೆ ಲೆನ ಸಂಖ್ಯೆ Branches	ಒಟ್ಟು ಲೆನ ಸಂಖ್ಯೆ Emp- loyees
1969	20.18	8.00	1871.21	1301.26	416.67	47.24	70.17	142.52	4.60	114	1160
1970	43.81	16.00	2751.72	1751.23	783.25	72.17	90.09	201.97	8.49	120	1462
1971	43.85	26.00	4361.05	2583.61	1173.82	97.38	147.93	308.81	14.90	141	1896
1972	59.63	36.00	5906.86	3610.03	1183.22	135.00	226.58	451.42	17.19	184	2506
1973	65.40	45.25	8113.08	5243.59	2113.48	213.00	317.52	650.65	21.54	247	3244
1974	70.70	75.85	10974.00	6282.32	3023.44	317.18	461.42	962.22	43.00	295	4298
1975	89.16	117.85	16745.00	10152.88	4510.00	468.72	734.10	1536.94	62.13	400	6173
1976	117.90	157.85	22101.56	13396.63	6572.06	616.07	1121.68	2155.09	66.06	466	7457
1977	117.90	167.85	26060.23	14771.65	7393.18	792.48	1291.05	2525.03	24.28	517	8522
1978	117.91	166.35	33093.37	17516.40	9950.91	929.09	1440.95	2448.74	8.10	560	8968
1979	117.91	186.35	39615.56	21660.98	12452.30	1119.30	1886.78	3541.44	32.80	571	9080

(ಎಮ್. ಸುಂದರ ರಾಮ ಶೆಟ್ಟಿ ವಿಜಯಾ ಬ್ಯಾಂಕ್‌ನ ಪ್ರತಿಷ್ಠಾಪಕ ಅಧ್ಯಕ್ಷ (Chairman & Managing Director) ಆಯುಷ್ಯೋಕ್ತ ಆರನ
ಕಾಲಾವಧಿ ಪ್ರತಿವರ್ಷದ ಬ್ಯಾಂಕಿಂಗ್ ಬುಕೆಟ್‌ನಲ್ಲಿ ಒಂದೆ ಎಲ್ಲ ನೋಟ.)

ದೂರದಿಟ್ಟಿ ಬೊಕ್ಕ ಸಾಮಾಜಿಕ ಕಳಕಳಿ

ಬದ್‌ಕಡೊಂಜಿ ದೂರೊದಿಟ್ಟಿ ಇತ್ತಿನಕುಲು ಮಾತ್ರ ಮಿತ್ತ್ ಏರುನೆನ್ ನಮ ತೂವೊಲಿ. ಅಂಚಿನ ದೂರದಿಟ್ಟಿ ಗಾತ್ರ ನಿರಂತರ ಪೊಂಬಾರ್‌ಟ ಉಂದು ಸುಂದರ ರಾಮ ಶೆಟ್ಟಿನ ಬದ್‌ಕದ ಪ್ರಮುಖ ಅಂಶೊಲು. ಐತ ಒಟ್ಟುಗು ಅರೆಗಿತ್ತಿನ ಮಣ್ಣೊದ ಪ್ರೀತಿ, ಸಾಮಾಜಿಕ ಕಳಕಳಿ, ನಿಲೆದಾಂತಿನ. ಬ್ಯಾಂಕ್‌ಡ್ ಕೆಲಸ ಮಲ್ಪುನ ಸಿಬ್ಬಂದಿಲೆಗ್ ಅನುಕೂಲ ಆಪಿನ ಏತೋ ಸ್ಕೀಮುಲೆನ್ ಆರ್ ಜಾರಿಗೆ ಕಣತೆರ್. ಜಾತಿ ಮತ ಧರ್ಮದ ಭೇದ ದಾಂತೆ ಕೆಲಸ ಕೊರ್ತಿನೇ ಆತ್ತ್ - ಬೇತೆ ಬೇತೆ ಸ್ಕೀಮುಡೆ ಸಿಬ್ಬಂದಿಲೆಗ್ ಸವಲತ್ತ್ ತಿಕ್ಕು ಲೆಕ್ಕಲಾ ಮಲ್ತೆರ್. (ವಿದ್ಯಾಭ್ಯಾಸ ಇಲ್ಲ ಕಟ್ಟುನ ಇತ್ಯಾದಿಲೆಗ್). ತಾನ್ ಪುಟಿನ ಊರಾತಿನ ಮುಲ್ಕಿದ ಮಿತ್ತ್ ಆರೆಗ್ ಮಸ್ತ್ ಪ್ರೀತಿ, ಅಭಿಮಾನ ಇತ್ತ್ಂಡ್. ಮುಲ್ಕಿಡ್ ಬ್ರಾಂಚ್ ಇತ್ತ್ಂಡ್. ತನ್ನ ಪುಟುದಿನ ಊರುದ ಕೈತಲ್ದ ಗ್ರಾಮ ಆಯಿನ ಅತಿಕಾರಿ ಬೆಟ್ಟುಡ್ಲಾ ಆರ್ 1972 ಡೊಂಜಿ ಬ್ರಾಂಚ್ ಉದಿಪನ ಮಲ್ತೆರ್. ಅವುಲು ಬ್ರಾಂಚ್ ಆಯಿನ ಗ್ರಾಮೀಣ ಜನೊಕುಲೆಗ್, ರೈತೆರೆಗ್ ಮಸ್ತ್ ಉಪಕಾರ ಆಂಡ್. ಊರುಡ್ ರಸ್ತೆ ಆಂಡ್. ಆ ಬ್ರಾಂಚ್‌ದ ಉದ್ವಾಟನೆಗ್ ಅದಗದ ಸಾರಿಗೆ ಸಚಿವರಾಯಿನ ಶ್ರೀ ಚೆನ್ನ ಬಸಪ್ಪೆರ್ ಬತ್ತ್‌ದಿತ್ತೆರ್. ಮಾತೆರ್ ಹಳ್ಳಿಡ್ಲೆ ದಿಲ್ಲಿಗ್ ಪೋವರೆ ತಾದಿ ತೂವೊಂದುಪ್ಪುನಗ ಸುಂದರ ರಾಮ ಶೆಟ್ಟ್ ಹಳ್ಳಿಡೆ ಬ್ರಾಂಚ್ ಪಾಡ್ಡ್ ಆ ಬಾಗೊದ ಜನೊಕುಲೆನ ಎಡ್ಡೆಪುಗು ಕಾರಣರಾಯೆರ್. ದಕ್ಷಿಣ ಕನ್ನಡ ಬೊಕ್ಕ ಕರ್ನಾಟಕದ ಮಸ್ತ್ ಹಳ್ಳಿಲೆಡ್ ಬ್ರಾಂಚ್ ಉದಿಪನ ಮಲ್ತ್‌ದ್ ಜನೊಕುಲೆಗ್ ಬ್ಯಾಂಕ್ ಸೌಲಭ್ಯ ತಿಕ್ಕುಲೆಕ್ಕ ಮಲ್ತೆರ್.

ಆರ್ ಎಲ್ಲೆಡೆ ಕಲ್ಪಿನ ಸಾಲೆಲಾ ಕೈತಲ್ದ ಕೊಲಕಾಡಿ ದಿತ್ತ್ಂಡ್. (ಹಯರ್ ಎಲಿಮೆಂಟ್ರಿ). ಆ ಸಾಲೆದ ಸುವರ್ಣ ಮಹೋತ್ಸವ 1976ಡ್ ನಡತೆಂಡ್. ಅದಗ ಆ ಊರುದ ಜನೊಕುಲೆಗ್ ಸಾಲೆನ್ ಹೈಸ್ಕೂಲು ಮಲ್ಪುನ ಆಸೆ ಇತ್ತ್ಂಡ್. ಸುಂದರ ರಾಮ ಶೆಟ್ಟ್ ಸುವರ್ಣ ಮಹೋತ್ಸವ ಸಮಿತಿದ ಅಧ್ಯಕ್ಷರಾದಿತ್ತೆರ್. ಸಾಲೆನ್ ಮಿತ್ತ್‌ಕಣವರೆಗಾತ್ರ ಮಸ್ತ್ ಸಹಾಯ ಮಲ್ತೆರ್. ಆರ್ ಕಲ್ಪಿನ ಪ್ರೈಮರಿ ಸಾಲೆಗ್ಲಾ (ಗುಡ್ಡೆಶಾಲೆ) ಮಸ್ತ್ ನಮೂನೆಡ್ ಸಾಯ ಮಲ್ತ್‌ತ್ತೆರ್.

ಮುಲ್ಕಿಡ್ ಯುನಿಯನ್ ಕ್ಲಬ್ ಪಂಡ್‌ದೊಂಜಿ ಕ್ಲಬ್ ಇತ್ತ್ಂಡ್. ಅವು ಸುಂದರ

ರಾಮ ಶೆಟ್ಟಿನೊಟ್ಟುಗೇ ಪುಟುದಿನ (1915). ಐತ ಒಟ್ಟುಗು ಸುಂದರ ರಾಮ ಶೆಟ್ಟಿಗ್ ಎಲ್ಲೆಡೆ ಅವಿನಾಭಾವ ಸಂಬಂಧ. ಅವುಲ್, ಚೆಸ್, ಕೇರಂ, ಟೆನಿಸ್ ಗೊಬ್ಬಲೆನ್ ಗೊಬ್ಬಂದಿತ್ತೆರ್, ಅವುಲು ತರ್ಪಾಯಿನ ಪುಸ್ತಕ ಪತ್ರಿಕೆಲೆನ್ ಆರ್ ಓದರೆ ಸುರುಮಲ್ಲೆರ್. ತನ್ನ ಶಾರೀರಿಕ, ಮಾನಸಿಕ, ಬೊಕ್ಕ ಬೌದ್ಧಿಕ ಬೆಳವಣಿಗೆಗ್ ಕಾರಣವಾಯಿನ ಆ ಕ್ಲಬ್ ಆರ್ ಏಪಲಾ ಮದತ್‌ಜೆರ್. ಐತ ಸುವರ್ಣ ಮಹೋತ್ಸವದ ಸಂದರ್ಬೊಡು ದುಡ್ಡುದ ಸಹಾಯ ಮಾತ್ರ ಅತ್ತ ನೂದು ಗೋದ್ರೆಜ್ ಕುರ್ಚಿಲೆನ್ನಾ ಆರ್ ಐಕ್ ಕೊರ್ಪಾಯೆರ್. ಸುವರ್ಣ ಮಹೋತ್ಸವದ ಸ್ಮರಣ ಸಂಚಿಕೆನ್ ಆರೆ ಬಿಡುಗಡೆ ಮಲ್ಲೆರ್.

ಶಿರ್ವಡೊಂಜಿ ಕಾಲೇಜ್ ಆವರೆಗ್ ಮಸ್ತ್ ಪ್ರಯತ್ನ ಮಲ್ದಿನಾರ್ ಸುಂದರ ರಾಮ ಶೆಟ್ಟಿ, ಆ ಪ್ರಯತ್ನದ ಫಲವಾದ್ ಅವುಲು ಕಾಲೆಜೊಂಜಿ ಸುರುವಾಂಡ್. ಸುಂದರ ರಾಮ ಶೆಟ್ಟಿನ ಬೆರಿ ಸಾಯೊನು ತೂಯಿನ ಊರ್ದಕುಲು ನೆಕ್ಕ್ “ಶ್ರೀ ಸುಂದರ ರಾಮ ಶೆಟ್ಟಿ ಕಾಲೇಜ್” ಇಂದ್‌ದೇ ಪುದರ್ ದೀಯೆರ್. ಈ ಕಾಲೇಜೆಡ್ ಕಲ್ದಿನ ಮಸ್ತ್ ವಿದ್ಯಾರ್ಥಿಲು ಉಸಾರಾದ್ ಪುದರ್ ಕಣದೆರ್.

ವಿಜಯಾ ಬ್ಯಾಂಕ್ ರೈತರೆಡ್ಡ್ ರೈತರೆಗಾತ್ರ ಸುರುವಾಯಿನಾಂಡಲಾ ಅವು ಗ್ರಾಮೀಣ ಪ್ರದೇಶೊಗು ಸೀಮಿತವಾದ್ ಒರಿಯಿಜಿ. ರಾಷ್ಟ್ರೀಯ ಬೊಕ್ಕ ಅಂತಾರಾಷ್ಟ್ರೀಯ ವ್ಯವಹಾರೊಗು ಪಜ್ಜಿ ದೀಂಡ್. ರೈತರೆಗ್ ಬೆರಿಸಾಯ ಆದ್ ಒಂಜಿ ಸಂಸ್ಥೆ ಉಪ್ಪೊಡು ಪನ್ನಿನ ಉದ್ದೇಸೊನು ದುಂಬುದೀದ್. ಸುಂದರ ರಾಮ ಶೆಟ್ಟಿನ ಊರುಡೇ ವಿಜಯಾ ರೈತ ಸೇವಾ ಸಹಕಾರಿ ಸೊಸೈಟಿ ತಾಪನೆ ಮಲ್ಲೆರ್ (1979) ಸುರುಟು ನೆತ್ತ ಆಫೀಸ್ ಮುಲ್ಕಿದ ಮಲ್ಲ ಇಲ್ಲದ (ದೊಡ್ಡಮನೆ) ಕೈತಲ್ ಕಡಪುದ ಬಾಕಿಲ್‌ದೈಟಿ ಇತ್ತಂಡ್. ಇತ್ತೆ ಮುಲ್ಕಿಡೆ ವಿಜಯಾ ಬ್ಯಾಂಕ್ ಇತ್ತಿನ ಕಟ್ಟೋಣೊಡೆ ಉಂಡು. ಈ ಸೊಸೈಟಿ ರೈತರೆಗ್ ಬೇತೆ ಬೇತೆ ನಮೂನದ ಸೇವೆ ಕೊರೊಂದುಂಡು. ಕೃಷಿ ಸಾಲ, ಪಶು ಸಾಲ, ಬಂಗಾರ್ಡ್ ಮಿತ್ತ್ ಸಾಲ ಇಂಚಿನ ಸಾಲೊಲೆನ್ ಮೂಲು ಕೃಷಿಕೆಗ್ ಕೊರೊಂದುಲ್ಲೆರ್. ಅವುಲು ದೀಪಿನ ದೊಡ್ಡುಗು ಬಡ್ಡಿಲಾ ಒಂತೆ ಎಚ್ಚನೇ ಉಂಡು. ಕೃಷಿಗ್ ಸಂಬಂಧದ ಮಸ್ತ್ ಕ್ರಿಯಾಕಲಾಪೊಲೆಡ್ ಈ ಸೊಸೈಟಿ ಪಾಲ್ ಪಡೆವೊಂದುಂಡು.

ಸುಂದರ ರಾಮ ಶೆಟ್ಟಿಗ್ ಆರ್ ಪುಟುದಿನ ಮುಲ್ಕಿ ಊರುನು ರಾಷ್ಟ್ರ ಮಟ್ಟೊಡು ರೈಸಾವೊಡು ಪನ್ನಿನ ಆಸ್ ಇತ್ತಂಡ್. ವಿಜಯಾ ಬ್ಯಾಂಕ್‌ದ ಒಂಜಿ ಸ್ವಾಪ್ ಟ್ರೈನಿಂಗ್ ಸೆಂಟರ್ (ಎವಾರ್ಡ್ ಸ್ವಾಪ್‌ದ) ನ್ ಮುಲ್ಕಿಡ್ 1978 ಡು ಉದಿಪನ ಮಲ್ಲೆರ್ (16.08.1973) ದೇಶದ ಮೂಲೆ ಮೂಲೆಡ್ಡ್ ಬ್ಯಾಂಕ್‌ದ ಸಿಬ್ಬಂದಿಲು ಇಡೆ ಬತ್ತೆದ್ ತರಬೇತಿ ಗೆತೊನೊಡುಂದು ಆರೆನ ಮನಸ್ಸೆಡ್ಡೆತ್ತಂಡ್. ಟ್ರೈನಿಂಗ್ ಸೆಂಟರ್‌ದ ಎದುರು ನೇಶನಲ್ ಹೈವೇ. ವಂತೆ ದೂರೊಡೆ ಪರಪುನ ಶಾಂಭವೀ ತುದೆ. ಐತ ಬರಿಟೇ ಬಪ್ಪನಾಡ್ ದುರ್ಗಾಪರಮೇಶ್ವರೀ ದೇವಸ್ಥಾನ. ಸುತ್ತ ಪರಡಿದಿನ ಪಜ್ಜಿ ಪೈರ್. ಮುಲ್ಕಿದ

ಸುತ್ತು ಮದಲ್ಡ್ ತೂಪಿನಂಚಿನ ಅನೇಕ ಚಾರಿತ್ರಿಕ, ಧಾರ್ಮಿಕ, ಸಾಮಾಜಿಕ ಕ್ಷೇತ್ರೋಲು ಇತ್ತ ಪೋರ್ಲುಡ ಗ್ರಾಮೀಣ ಪರಿಸರ. ದೂರದ ಊರುಡ್ಡು ಬತ್ತಿನಕಲೆಗ್ ಉಂದೊಂಜಿ ಪೊಸ ಅನುಭವ. ಈ ಟ್ರೈನಿಂಗ್ ಸೆಂಟರ್ ಮಲ್ಪರೆ ಕಟ್ಟಡ ಕಟ್ಡ್ ಕೊರಿನಾರ್ ಮುಲ್ಕಿದ ಪ್ರಸಿದ್ಧ ಡಾಕ್ಟರಾಯಿನ ಡಾ. ಸೀತಾರಾಮ ಶೆಟ್, ರಡ್ಡ್ ಸಾವಿರದ ಒಂಜೆಟ್ ಈ ಟ್ರೈನಿಂಗ್ ಸೆಂಟರ್ನ್ ಬಂದ್ ಮಲ್ತ್ ಬೆಂಗಳೂರುಗೆ ಕೊಣೆಯರ್.

ಬಪ್ಪನಾಡ್ ಶ್ರೀ ದುರ್ಗಾಪರಮೇಶ್ವರಿ ದೇವಸ್ಥಾನೊಗು ಎಲ್ಲಿಡ್ಡಿಂಚಿಲಾ ಸುಂದರ ರಾಮ ಶೆಟ್ ಭಕ್ತೆಡ್ ನಡತೊಂದಿತ್ತೆರ್. ಅವುಲು ಸಾಂಸ್ಕೃತಿಕ ಉತ್ಸವಲೆಗ್ ಬೋಡಾಯಿನ 'ಹಾಲ್' ಇತ್ತ್ ಪನ್ನಿ ಒಂಜಿ ಕೊರತೆ ಇತ್ತ್ಂಡ್. ಮುಲ್ಕಿದ ಗಣ್ಯ ವ್ಯಕ್ತಿಲು ಕೆಲವೆರ್ ಸೇರ್ಡ್ ಈ ಕೆಲಸೊಗು ಕೈಪಾಡಿಯೆರ್. ಆಂಡ ಸುಂದರ ರಾಮ ಶೆಟ್ಟಿನ ಸಹಾಯ ಸಹಕಾರ ದಾಂತೆ ಪೋತುಂಡ ಉಂದೊಂಜಿ ಬಾರಿ ಬಜದ ವ್ಯವಹಾರ ಆದ್ಪೋತು. ಆರ್ ತಾನ್ ದೇಣಿಗೆ ಕೊರಿಯೆರ್. ತನ್ನ ಬ್ಯಾಂಕ್ ದ ಸಿಬ್ಬಂದಿಲೆನ ದೇಣಿಗೆ ದೆಪ್ಪಾಡ್ ಕೊರಿಯೆರ್. ತನ್ನ ವ್ಯಾಪ್ತಿಡ್ ಬತ್ತಿನ ಇತರ ಉದ್ದಿಮೆದಕೆಲೆನ ಸಾಯಲಾ ದೆಪ್ಪಾಡ್ ಕೊರಿಯೆರ್. ಅಂಚಾದೆ "ಜ್ಞಾನ ಮಂದಿರ" ಪನ್ನಿನ ಬಾರಿ ಪೊರ್ಲುದ 'ಹಾಲ್' ತರೆದರ್ತ್ ಉಂತುಂಡು. ಏತೋ ಸಾಂಸ್ಕೃತಿಕ, ಸಾಮಾಜಿಕ ಸಾಹಿತ್ಯಕ ಕಾರ್ಯಕ್ರಮೊಲು ಇತ್ತೆ ನೆಟ್ ಅವೊಂದುಲ್ಲ. ಮದ್ದೆದ ಸಬಾಂಗಣೊಗು ಬಾರಿ ಬೇಡಿಕೆ ಉಂಡು. ಐತ ಮದ್ದೆದ ಹಾಲ್ ಗ್ "ಮುಲ್ಕಿ ಸುಂದರ ರಾಮ ಶೆಟ್ಟಿ ಸಭಾಗೃಹ" ಪಂಡ್ ದೇ ಪುದರುಂಡು. ದೇವಸ್ಥಾನದ ಜೀರ್ಣೋದ್ಧಾರ ಸಮಿತಿಡ ಆರ್ ಉಪಾಧ್ಯಕ್ಷೆರ್ ಆದ್ ತೆರ್. 'ಜ್ಞಾನ ಮಂದಿರ'ದ ಪೂರ್ತಿ ಕೆಲಸ ಆದ್ ಅವು ಉದಿಪನ ಆನಗ ಮಾತ್ರ ಶ್ರೀ ಶೆಟ್ ದೇವೆರೆ ಪಾದ ಸೆರ್ವೆತ್ತೆರ್.

ಮುಲ್ಕಿ ವಿಜಯಾ ಬ್ಯಾಂಕ್ ದ ಎದುರುಡು ದಿ. ಸುಂದರ ರಾಮ ಶೆಟ್ಟಿನ ಲೋಹದ ಅರ್ಧ ಪ್ರತಿಮೆನ್ ಕುಲ್ಲಾದೆರ್. ಕಕ್ಷ ಗುತ್ತು ಕುಟುಂಬದಕುಲು ಸೇರ್ಡ್ ಮುಲ್ಕಿ ಸುಂದರ ರಾಮ ಶೆಟ್ಟಿ ಮೆಮೋರಿಯಲ್ ಟ್ರಸ್ಟ್ (ರಿ.) ಪಂಡ್ ದ್ 1993 ಟ್ ಶಾಪನೆ ಮಲ್ತ್ ಈ ಪ್ರತಿಮೆ ಅನಾವರಣದ ಕೆಲಸೊನು ಗೌಜಿಡ್ 29.04.2000 ದಾನಿ ಮಲ್ತೆರ್. ರಾಜರ್ಷಿ ಡಾ. ವೀರೇಂದ್ರ ಹೆಗ್ಡೆರ್ ಈ ಪ್ರತಿಮೆದ ಅನಾವರಣ ಮಲ್ತ್ "ಸುಂದರ ರಾಮ ಶೆಟ್ ಮಹಾನ್ ವ್ಯಕ್ತಿ ಸಮಾಜೊಗು ಮಲ್ಲ ಕೆಲಸ ಮಲ್ತಿನಾರ್" ಇಂದ್ ಪಂಡೆರ್. ಮಾನ್ಯ ಮಾಜಿ ಮಂತ್ರಿಲಾಯಿನ ಅಮರನಾಥ ಶೆಟ್ ಆ ಸಭೆತ ಅಧ್ಯಕ್ಷೆತೆನ್ ವಹಿಸ್ ದಿತ್ತೆರ್. ಸಿಂಡಿಕೇಟ್ ಬ್ಯಾಂಕ್ ದ ಮಾಜಿ ಅಧ್ಯಕ್ಷೆರಾಯಿನ ಕೆ.ಕೆ.ಪೈ ಬೊಕ್ಕ ವಿಜಯಾ ಬ್ಯಾಂಕ್ ದ ಅದಗದ ಅಧ್ಯಕ್ಷೆರಾಯಿನ ಶ್ರೀ ವಿ. ಲೀಲಾಧರ್ ಮಲ್ಲ ಬಿನ್ನೆರಾದ್ ಸಭೆಟೆತ್ತೆರ್. ಮುಲ್ಕಿದ ಡಾ. ಸೀತಾರಾಮ ಶೆಟ್ ಅಭಿನಂದನಾ ಭಾಷಣ ಮಲ್ತೆರ್. ಪ್ರತಿಮೆ ಅನಾವರಣ ಆಪಿನೆಡ್ ದುಂಬು ಬಪ್ಪನಾಡ್ ದೇವಸ್ಥಾನೊಡ್ಡಿ ವಿಜಯಾ ಬ್ಯಾಂಕ್ ಮುಲ್ಕಿ ಮುಟ್ಟ ಆ ಪ್ರತಿಮೆದ ಶೋಭಾ ಯಾತ್ರದ ಮೆರವಣಿಗೆ

ಇತ್ತೆದ್ ಸಾರ ಸಾರ ಜನ ನೆಟ್ ಪಾಲ್ಗೊಂಡೆರ್. ಕಾರ್ನಾಡು, ಚರಂತಿ ಪೇಟೆ ರಸ್ತೆನ್ “ದಿ. ಸುಂದರ ರಾಮ ಶೆಟ್ಟಿ ರಸ್ತೆ” ಪಂಡ್ ಪುದರ್ ದೀಯೆರ್. ಮುಲ್ಕಿ ಕಕ್ಷ ಗುತ್ತು ಮನೆತನದ ಒಂಜಿ ವಂಶ ವ್ಯಕ್ತ ತಯಾರ್ ಮಲ್ತೆದ್ ಅವ್ವನೆ ದಿ. ಸುಂದರ ರಾಮ ಶೆಟ್ಟಿಗ್ ಸಮರ್ಪಣೆ ಮಲ್ತೆರ್. ಕಕ್ಷ ಗುತ್ತು ಕುಟುಂಬಿಕೆರೆನ ಮಾಹಿತಿ ನೆಟ್ ತಿಕ್ಕುಂಡು.

ಬ್ಯಾಂಕ್ಡ್ ನಿವೃತ್ತಿ ಆಯಿನೆಡ್ ಬೊಕ್ಕ ಸುಂದರ ರಾಮ ಶೆಟ್ಟಿ ವಂಶ ಸಮಯ ಅಮೆರಿಕಾಗ್ ಪೋದು ಅವುಲಿತ್ತೆರ್. ಅವುಲು ಅರೆನ ಮಗೆ ಡಾ. ರಾಧ ಕೃಷ್ಣ ಶೆಟ್ಟಿ, ಮಗಳ್ ಉರ್ಮಿಳಾ ಬೊಕ್ಕ ಮಗಲೆ ಕಂಡನೆ ಡಾ. ತಾರಾನಾಥ ಶೆಟ್ಟಿ ಮೊಕುಲು ಮಾತ ಇತ್ತೆರ್. ಕುಡ ಆರ್ ಬೊಂಗಳೂರುಗೇ ಬತ್ತೆರ್. ಅವುಲು “ವಿಜಯಾ ಲೀಸಿಂಗ್ ಬೊಕ್ಕ ಫೈನಾನ್ಸ್” ಪನ್ನಿನ ಉದ್ಯಮ ತಾಪನೆ ಮಲ್ತೆರ್. ಈ ಕಂಪನಿಡ್ಲಾವರ ಮಸ್ತ್ ಜನಕ್ ಪ್ರಯೋಜನ ತಿಕ್ಕೆದ್ಂಡ್.

ಸುಂದರ ರಾಮ ಶೆಟ್ಟಿ ಆ ವರ್ಸೊ ಕುಡವೊರ ಅಮೆರಿಕಾಗ್ ತನ್ನ ಆರೋಗ್ಯದ ತಪಾಸಣೆ ಬೊಕ್ಕ ಮರ್ತ್ ಗಾತ್ರ ಪೋಯೆರ್. ಮರ್ತ್ ನಡತೊಂದುಪ್ಪುಲೆಕ್ಕನೆ ಅವುಲು 01.11.1981 ನಾನಿ ತೀವ್ರ ಅನಾರೋಗ್ಯಡ್ಲಾತ್ತ ತೀರ್ ಪೋಯೆರ್. ಆ ವಿದೇಶ ಯಾತ್ರೆ ಅರೆನ ಬದುಕದ ಅಂತಿಮ ಯಾತ್ರೆ, ಆಯಿನಾನೆ ಒಂಜಿ ವಿಧಿವಿಲಾಸ. ಅರೆನ ಮೃತ ಶರೀರೊನು ಬೆಂಗಳೂರುಗು ಕಣತೆರ್. ಈ ಅಮಸರದ ಅಗಲಿಕೆಡ್ ಜನಮಾನಿ ನಲ್ಗದ್ ಪೋಂಡು. ಬೆಂಗಳೂರು, ಮಂಗಳೂರು, ಪಂಡ್ ಮಾತೆರಲಾ ದುಕ್ಕೊಡು ಮುರ್ಕಿಯೆರ್. ಬೆಂಗಳೂರುಡ್ಲಾ ಅರೆನ ಚಿತಾಭಸ್ಮ ಮುಲ್ಕಿಗ್ ಕಣತೆರ್. ಮುಲ್ಕಿಡ್ಲಾ ಕ್ರಮವತ್ತಾದ್ ಉತ್ತರಕ್ರಿಯೆ ವಿಧಿಕ್ಲೆನ್ ಮಲ್ತೆರ್. ಕಕ್ಷ ಗುತ್ತು ಕುಟುಂಬಿಕೆರ್ ಊರ್ದ ಮಹನೀಯೆರ್ ಜನೊಕುಲು ಮಸ್ತ್ ಸಂಖ್ಯೆಡ್ ಸೇರ್ದ ಅಗತಿನ ಆತ್ಮ ಚೇತೊನೊಗು ಕನನೀರ ಸಮರ್ಪಣೆ ಮಲ್ತೆರ್. ಮುಲ್ಕಿಡ್ ಅರೆನ ವಂಶದ ದುಂಬುದ ತಲೆಮಗ್ ರದ ಸಾಹುಕಾರ್ ಕಾಳಪ್ಪ ಶೆಟ್ಟಿನ ಸಮಾಧಿದ ಬರಿಟೇ ಅರೆಗ್ ಸಮಾಧಿ ಕಟಿಯೆರ್.

ತುಳುನಾಡ್ಲ ಬಾಸೆ, ಸಂಸ್ಕೃತಿನ್ ಒರಿಪಯರೆಗಾದ್ ಪುಣೆಯಿನ ತುಳುನಾಡ್ಲ ಜನೊಕುಲೆ ದುಡ್ಡದ ಬಂಜ ಬಗಲೆಲೆನ್ ಕರಿಪಯಿನ ತುಳುನಾಡ್ಲ ಒಟ್ಟು ಐಸಿರಿನ್ ಎಚ್ಚಾದ್ ತುಳುನಾಡ್ಲ ಕೀರ್ತಿ ಬಾನೆತ್ತರೊಗು ಏರಯಿನ ಒಂಜಿ ಬೊಳ್ಳಿ ಈ ಲೋಕೊ ಬುಡ್ಡು ಪಿರ ಮಿರ್ಲೋಕ ಸೇರ್ದೆಂಡ್.

ಕಾಯ ಬುಡಿಯೆರ್ ಕೀರ್ತಿ ಮೆರೆಯೆರ್

ಸುಂದರ ರಾಮ ಶೆಟ್ಟಿ ತಾನೊಂಜಿ ವ್ಯಕ್ತಿ ಅತ್ತ, ಶಕ್ತಿ ಪನ್ನಿನನ್ ಪ್ರತ್ಯಕ್ಷ ತೋಜಾದ್ ಕೊರಿನ ನರಮಾನಿ. ಕುಲೀನ, ಧೀಮಂತ, ಶ್ರೀಮಂತ ಬಂಟಿ ಮನೆತನೊಡು ಪುಟಿನಾಂಡಲಾ ಸಾಮಾನ್ಯ ಜನೊಕುಲೆಡ ಪ್ರೀತಿ ಕಳಕಳಿ ಇತ್ತಿನಾರ್. ತನ್ನ ಸಂಪರ್ಕೊಗು ಬತ್ತಿನ ಏತೇ ಎಲ್ಯ ವ್ಯಕ್ತಿನ್ನಾ ಮದಪಂದೆ ಆಯಗಾ, ಆಯನ ಜೋಕುಲೆಗಾ ಬ್ಯಾಂಕ್‌ಡ್ ಕೆಲಸ ಕೊರ್ತಿನಾರ್.

ಒಂಜಿ ಇನ್ನೂರು ಕಂಪನಿಡ್ ಮಲ್ಲ ಹುದ್ದೆಡ್ ಅಷ್ಟೆನ್ ಬುಡ್ಡು ವಿಜಯಾ ಬ್ಯಾಂಕ್‌ಗ್ ಬತ್ತಿಬೊಕ್ಕ, ಬ್ಯಾಂಕ್ ಬೇತೆ, ತಾನ್ ಬೇತೆ ಇನ್ನಿನ ಭೇದ ಅರೆಗ್ ಇತ್ತಜಿ. ಅರೆನ್ ತೆರಿನ ಇತರೆಗ್ಲಾ ಈ ಇಸಯ ಗೊತ್ತುತ್ತಿನಾವೆ. ಕೇವಲ ಒಂಜಿ ಬ್ಯಾಂಕ್‌ದ ಅಧ್ಯಕ್ಷೆ ಆದ್ ಆರ್ ಪುದರ್ ಪೋಯಿನಿ ಅತ್ತ. ಅರೆಡ ಸಾಮಾಜಿಕ ಚಿಂತನೆ, ಸಾಮೂಹಿಕ ಕಳಕಳಿ ಇತ್ತಂಡ್. ಪುಟಿನ ಮನುಷ್ಯನ ಬದಕ್ ಸಾರ್ಥಕ ಆವೊಡ್ಡ ಆ ಬದಕ್‌ಡ್ ಮಲ್ಲ ಸಾಧನೆ ಮಲ್ಪೊಡು ಪನ್ನಿನ ಬೆಂಗ್ ಇತ್ತಂಡ್.

ಆರ್ ಕೊಯಮುತ್ತೂರುದ ಸದರ್ನ್ ಇಂಡಿಯಾ ಬ್ಯಾಂಕ್ ಟ್ರೈನಿಂಗ್ ಕಾಲೇಜ್‌ದ ಆಡಳಿತ ಮಂಡಳಿದ ಅಧ್ಯಕ್ಷರಾದಿತ್ತರ್. ಬೊಂಬಾಯಿ ಅಗ್ರಿಕಲ್ಚರ್ ಫೈನಾನ್ಸ್ ಕಾರ್ಪೊರೇಷನ್‌ದ ಡೈರೆಕ್ಟರಾದಲಾ ಇತ್ತರ್. ಆತೆ ಅತ್ತಾವಂದೆ ಇಂಡಿಯನ್ ಬ್ಯಾಂಕ್ ಎಸೋಸಿಯೇಷನ್‌ದ ಮ್ಯಾನೇಜಿಂಗ್ ಕಮಿಟಿದ ಸದಸ್ಯೆ ಆದಿತ್ತರ್.

ಬ್ಯಾಂಕ್‌ದ ಗಿರಾಕಿ ಮಲ್ಲ ಉದ್ಯಮಿ ಆದುಪ್ಪು, ಎಲ್ಯ ಬೇರದಾಯೆ ಆದುಪ್ಪು ಇರ್ವೆರೆನ್ನಾ, ಒಂಜಿ ಪ್ರೀತಿಡ್ ಎದುಕೊಂದು ಅಕಲೆಗ್ ಬೋಡುತ್ತಿಲೆಕ್ಕ ವ್ಯವಹಾರ ಮಲ್ಪುನ ಮಾನವತೆ, ಜಾಣ್ಣೆ ಅರೆಡ ಇತ್ತಂಡ್. ತೂವರೆ ಎಂಚ ಸುರದ್ರೂಪಿಯಾದಿತ್ತೆರ್, ಎತ್ತರೆದ ಭವ್ಯ ವ್ಯಕ್ತಿತ್ವ ಇತ್ತಂಡಾ, ಅಂಚೆನೆ ಚುರುಕು ಮತಿಯಾದಿತ್ತರ್. ವಿನಾ ಪೂರ್ತು ಗೆಪ್ಪನೆನ್ ಏಪಲಾ ಆರ್ ಮೆಚ್ಚಯೆರ್. ವಿಜಯಾ ಬ್ಯಾಂಕ್ ಒಂತೆ ಸಮಯೊಡೇ ದೇಶದ ಮೂಲೆ ಮೂಲೆನ್ನಾ, ಮುಟ್ಟರೆ ಗಿರಾಕಿಲೆನ ಮನಸ್ಸೆ ತಟ್ಟರೆ ಕೆಲಸ ಮಲ್ಪುನ ಜವಣೆರೆಗ್ ಆರ್ ಕೊರಿನ ಪ್ರೇರಣೆ, ತೋಜಾಯಿನ ಆದರ್ಶ ಬಾರೀ ಮಲ್ಲ.

ಕಲ್ಪತ್ತಡೊಂಜಿ ಬ್ರಾಂಚ್ ಉದಿಪನಾನಗ ಆಯಿನ ದಿನೊಟೀ ಆ ಕಾಲೊಡು ರಡ್ಡ್ ಕೋಟಿ ಡಿಪೋಸಿಟ್ ಒಟ್ಟುಗಾತ್ಂಡ್ ಪನ್ನಗ ವಿಜಯಾ ಬ್ಯಾಂಕ್‌ದ ಮಿತ್ತ್ ಜನೊಕುಲೆಗ್ ಏತ್ ವಿಶ್ವಾಸ ಪುಟುದ್ಂಡ್ ಇನ್ನಿನೆನ್ ತೆರಿಯೊಲಿ. ಈ ವಿಶ್ವಾಸದ ಪಿರವುದ ಮಾಮಲ್ಲ ಶಕ್ತಿ ಸುಂದರ ರಾಮ ಶೆಟ್, ಇಂಚಿನ ಕೆಲವು ಪೊಲಿಪಾರಾವಂದಿನ ರೆಕಾರ್ಡ್‌ಲೆನ್ ಆರ್ ಬ್ಯಾಂಕಿಂಗ್ ಕ್ಷೇತ್ರೊಡು ಮಲ್ತೆರ್ (ಒಂಜಿ ವರ್ಸೊಡು 105 ಬ್ರಾಂಚ್‌ದ ಉದಿಪನ 1975). ಕೆಲವು ಜನ ಅರೆನ ನಡೆನ್ ತೂದು ಮತ್ತರೊಡು ಅಡ್ಡಕಾರ್ ದೀವರೆ ತೂತಿನಕುಲ್ಲಾ ಇತ್ತೆರ್. ಆಂಡ ಉಂದೆಡ್ಲಾತ್ತ ಅರೆನ ಶೌರ್ಯ ಎಚ್ಚಾಯಿನತ್ತಾವಂದೆ ಕಡಿಮೆ ಆತ್‌ಜಿ. ನನಲಾತ್ ಉಮೇದ್‌ಡ್ ಆರ್ ಕೆಲಸ ಮಲ್ತೆರ್. ಎತ್ತರೊಗು ಎರಿಯೆರ್. ಮುಟಿನೆನ್ ಮಾತ ಪೋರ್ಲು ಮಲ್ತೊಂದು ಪೋಯಿನ ನರಮಾನಿ ಆರ್. ತನ ಕೈತಲ್ ಕೆಲಸ ಕೇನೊಂದು ಬತ್ತಿನ ಸಾವಿರ ಸಾವಿರ ಜನೊಕು ಕೆಲಸ ಕೊರಿಯೆರ್. ಕೆಲಸ ತಿಕಿನ ಕೆಲವೆರ್ ತಿರ್ಗದುಂತಿಯೆಡ್‌ಲಾ ಅಪ್ಪೆನ್ ಕ್ಯಾರ್ ಮಲ್ತೆಚೆರ್. ವಿಜಯಾ ಬ್ಯಾಂಕ್‌ದ ವಿಜಯದ್ವಜೊನ್ ಎತ್ತರೆತ್ತರ ರಾಪಾಯೆರ್.

ಮಣಿಪಾಲದ ಪೈ ಕುಟುಂಬದೊಟ್ಟುಗು ಶೆಟ್ರಿನ ಸಮ್ಮಂದ ಎಡ್ಡೆ ರೀತಿದ ಆದ್‌ತ್ತಂಡ್. ಕೆ.ಕೆ. ಪೈ ಬೊಕ್ಕ ಟಿ.ಎ. ಪೈ ಮೊಕುಲು ಇರ್ವೆರ್‌ಲಾ ಆರೆಗ್ ಪಿರ್ತಿ ಇತ್ತಂಡ್. ಧರ್ಮಸ್ಥಳದ ಶ್ರೀ ರತ್ನವರ್ಮ ಹೆಗ್ಗಡೆ ಬೊಕ್ಕ ಡಾ. ವೀರೇಂದ್ರ ಹೆಗ್ಗಡೆ ಮೊಕುಲ್ಲಾ ಸುಂದರ ರಾಮ ಶೆಟ್ರಿನ ಆಪ್ತ ವಲಯದಕುಲಾದಿತ್ತೆರ್. ಬ್ಯಾಂಕ್‌ದ ಡೈರೆಕ್ಟರ್ ಆದಲಾ ಇತ್ತೆರ್.

ಸುಂದರ ರಾಮ ಶೆಟ್ರಿಗ್ 1975ಟ್ ಮುಲ್ಕಿಡ್ ಬಾರಿ ಗೌಜಿಡ್ ಸಾರ್ವಜನಿಕ ಸನ್ಮಾನ ಆಂಡ್. ಅದಗ ವಿದ್ವಾಂಸೆರಾಯಿನ ಡಾ. ನಾರಾಯಣ ಶೆಟ್ (ಯಕ್ಷಗಾನ ಕವಿ, ಛಾಂದಸೆ) ಕವಿತೆಡ್ ಪೋರ್ಲುಡ ಸನ್ಮಾನ ಪತ್ರ ಬರೆಯಿನ ಮೂಲು ಕೊರ್ತ. ಉಡುಪಿ ನಾಗರಿಕರ್ ಅರ್ಪಿಸಾಯಿನ ಸನ್ಮಾನ ಪತ್ತು ಉಂಡು. ಅರೆನ ಬಾರಿ ಮುಟ್ಟದ ಅಭಿಮಾನಿ ಉತ್ತರ ಕರ್ನಾಟಕದ ಶ್ರೀ ಗಂಗಪ್ಪ ವಾಲಿ ಮೇರ್ ಬರೆತಿನ ಪದಲಾ ನೆಟ್ಟುಂಡು.

ಕ್ರಿಯಾಯೋಗಿ, ಶ್ರೀ ಶಕ್ತಿದರ್ಶನ ಯೋಗಾಶ್ರಮ ಏಳತ್ತೂರು ಕಿನ್ನಿಗೋಳಿ ಮುಲ್ತು ಗುರುಕುಲಾಯಿನ ಶ್ರೀ ಬಿ. ದೇವದಾಸ ರಾವ್ ಮರೆನ ಉದ್ಧಾರ

“... ಎಂಕ್ ಕೆಲಸ ಕೊರ್ಪು, ಬ್ಯಾಂಕ್‌ದ ಕೆಲಸೊದ ಅನುಬವ ಬೊಕ್ಕ ಊರು ತಿರ್ಗುನ ಅನುಬವೊಗು ಮುದೆಲಾತಿನಾರ್ ಶ್ರೀ ಸುಂದರರಾಮ ಶೆಟ್, ಎನ್ನ ಬದ್‌ಕ್‌ಡ್ ಅರೆನ್ ನೆನೆಪುನ ಸಾವಿರ ಸಂಗತಿಲುಂಡು. ಅವು ಪಂಡ್‌ಡ್ ಮುಗಿಯಂದ್. ಜಾತಿ ಮತ ಭೇದ ದಾಂತೆ ಮಾತೆರೆಗ್ಲಾ ಸಾಯಿ ಮಾಲ್ತಿನ ಮಲ್ಲ ನರಮಾನಿ ಆರ್. ಎನ್ನ ಬದ್‌ಕ್‌ದ ಪುರೋಗತಿಗ್ ವಿಜಯಾ ಬ್ಯಾಂಕ್ ಬೊಕ್ಕ

ಆರ್ ಕಾರಣೆರ್. ಬ್ಯಾಂಕ್‌ಡ್ ತಪ್ಪು ಮಲ್ತಿನಕೆಲೆನ್ನಾ ಆ ತಪ್ಪುನು ಅಕಲೆಗ್ ಮನವರಿಕೆ ಮಲ್ತ್ ಕೊರ್ಪ್ಪು, ಅಕಲ್ ಭವಿಷ್ಯ ಹಾಳಾವಂದಿಲೆಕ್ಕ ತೂವೊಂದಿತ್ತಿನ ಮನುಷ್ಯ ಆರ್....”

“ಸುಂದರ ರಾಮ ಶೆಟ್ ಸೊನ್ನೆಡ್ಡ್ ಲಕ್‌ದ ಉಂತಿನಾರ್. ತನ್ನ ವ್ಯಕ್ತಿತ್ವ ತಾನೆ ರೂಪಿಸಾಯಿನ ಧೀಮಂತ ವ್ಯಕ್ತಿ. ನಮ್ಮ ಊರ್ದಕಲೆನ್, ದಕ್ಷಿಣ ಕನ್ನಡದ ಕಲೆನ್, ಕರ್ನಾಟಕದ ಕಲೆನ್ ಕೆಲಸ ಕೊರ್ಪ್ಪು ಅಕುಲು ಮಾತ ದಿನೊಲಾ ಕಾಂಡೆ ಲಕ್‌ದ್ ಆರೆನ್ ನೆನಪುಲೆಕ್ಕಂತಿನ ಜನ. ಈ ಮಹಾನ್ ಕೆಲಸೊನ್ ಮಾತ ಜನ ನೆನಪು ದಿವೊನೊಡು. ಇರ್ವನೆ ಶತಮಾನದ ಬ್ಯಾಂಕಿಂಗ್ ಮಹಾನಾಯಕೆ ಆರ್. ಆರೆನ ಬ್ಯಾಂಕಿಂಗ್ ದಾಖಲೆ ಇದಮುಟ್ಟಿ ಎರ್ರಾ ಪೊಲ್ತಿಜೆರ್.”

(ಕನ್ನಡೊಡು - ಕರ್ಚಗುತ್ತೂ ಮುಲ್ಕಿ ಸುಂದರರಾಮ ಶೆಟ್ಟಿ - ಕಿರು ಪುಸ್ತಕೊಡು ಮಲ್ತಿನ ಉದ್ಗಾರದ ಕಿನ್ಯಭಾಗೊ)

ಶ್ರೀ ಯಂ. ಸುಂದರರಾಮ ಶೆಟ್ಟರಿಗೆ

ಕವಿತಾ ಪುಷ್ಪ ಹಾರಾರ್ಪಣೆ

ದ್ವಿಪದಿ (ಝಂಪೆ ತಾಳ)

ವಿನಯ, ಜಯ, ಯಶಗಳಾ¹ ಮೂಲವರ್ಣವನಾಯ್ದು |
ಜನವರಿಯೆ ತನ್ನ ಬಾವುಟವನಣಿಗೈದು ||೧||

²ಯವವಿತ್ತು ³ದೂರದರ್ಶಿತ್ವ ದಕ್ಷಿ ಯನಿತ್ತ |
ದೈವ, ತುಳು ನಾಡವರ ⁴ಸುರಭಿ, ನುತಿಪಾತ್ರ ||೨||
⁵ಸಿಕ್ಕಪಥತೋರ್ಧೆ ಸಾಸಿರ ಮನೆಯ ಜನಕೆಂದು |
ರಿಕ್ತಹಸ್ತರಿಗೆ ⁶ಮಂದಾರ, ಗುಣಸಿಂಧು ||೩||

ಸಾಂಗತ್ಯ (ರೂಪಕ ತಾಳ)

ಮೂದಲಿಸುವ ಶ್ವಾನ ಬೊಗಳಲಿದ್ದಾನೆಯೋ- |
ಲಿದಿರ ನಿಂದಿಸದೆ ಪೇರ್ಮೆಯಲಿ |
ಕೆದಕದೆ ಹೃದಯದ ಭುವಿಯನ್ನು ಪೊಗಲು ವ- |
ಸುಂಧರೆಯಹೆ ಗುಪ್ತನಿಧಿಯ ||೪||

ಭಾಮಿನೀ ಷಟ್ಪದಿ

⁷ದಳಿತ ವಿಜಯದ ಶಾಖೆ ⁸ನಭದೇ- |
ರಳೆಯೆ, ಪಥಿಕರ ತಣಿಸುತಾ, ಭ್ರಮ- |
ರಾಳಿಯೊಗ್ಗಿನ ಸುಂದರಂ ⁹ಕುಸುಮಾವತಿಯಿದೆನಿಸಿ |
¹⁰ಮಲರು, ಫಲ, ಸೀತಮ್ಮನಂಗೊಳೆ |
¹¹ಸೆಳೆದು ಸಕಲರಿಗಾಶ್ರಯವ ಕೊ- |
ಟ್ಟಲಸದಿಹೆ, ಮಂದಾರತರು ತವಮೂಲ ¹²ಮೂಲಿಕೆಯು! ||೫|| ವಾರ್ಧಿಕ

ಷಟ್ಪದಿ

ಮುಲ್ಕಿ ಸುಂದರ ರಾಮ ಕೆಟ್ / 32

¹³ರಿಸಿಕರ್ಮದಿಂ, ವೈರಿ¹⁴ ಶಲಭ ಪ್ರದೀಪನಾ- ।
 ಗೆಸೆದು, ಹೋರದೆ ಗೆಲ್ಲ ಬಂಟ, ಬೆಳೆಸಿರುವಿ ರಾ- ।
 ಶುಸವ್ಯದ್ಧ¹⁶ ಶಾಲಿಗಳ ನಿಜಕರ್ಮಕ್ಷೇತ್ರದೊಳಿ¹⁷ ಪೊಲ್ಲಮೆಯನುರಿಸಿ ಕೊನೆಯಿ
¹⁸ಭಸಿತಸಾವನಿತ್ತು, ಆಶ್ರಿತರ ಕಲುಷಗುಣ ।
 ಮಸೆವ ಪರುಷವೆ; ಮಿಸುಪ ತವಕೀರ್ತಿ ಮಾಣಿಕ- ।
 ಕ್ಕೆ ಸಮಾನವಲ್ಲ ಶೇಷನ ಫಣಾಮಣಿ! ತೀವಿ ಬೆಳಗಿಸಲಿ ಜಗವನೋವಿ ॥೬॥

ಮೂಲ್ಕಿ

ಸಾರ್ವಜನಿಕ ಸಂಮಾನ ಸಮಿತಿ, ಮೂಲ್ಕಿ
 ತಾರೀಖು 2-6-'75

1. ಮೊದಲಿನ ಅಕ್ಷರ, 2. ದೃಷ್ಟಿ ಚಕ್ರದ ಯವ, ಅನ್ನದ ಅಗುಳು, 3. ಮುಂದಾಲೋಚನೆ, 4. ಬೇಡಿದುದನ್ನೀವ ಕಾಮಧೇನು, 5. ಅನ್ನದ ತುತ್ತು, 6. ಕಾಮಿತವನ್ನೀವ ಸುರತರು, 7. ಎಲೆಗಳಿಂದ ಕೂಡಿದ, 8. ಆಕಾಶದ ಎತ್ತರವನ್ನು ಅಳೆಯುವಂತಿದ್ದು, 9. ಹೂವುಗಳದೇ ರಾಜ್ಯ, 10. ಹೂವು, 11. ಆಕರ್ಷಿಸಿ, 12. ಮದ್ದಿನ ಬೇರು, 13. ಋಷಿ, 14. ಮಿಡಿತೆ, ಪತಂಗ, 15. ಹೆಚ್ಚು ಬೆಳೆಕೊಡುವ, ಸವ್ಯದ್ಧವಾಗಿ ಬೆಳೆದ, 16. ಭತ್ತದ ಸಸಿ, ಭತ್ತ, 17. ಕೆಡುಕು, ದುರ್ಗುಣ, 18. ಬೂದಿ.

ಸನ್ಮಾನ್ಯ ಮುಲ್ಕಿ ಸುಂದರರಾಮ ಶೆಟ್ಟರು
ಅಧ್ಯಕ್ಷರು, ವಿಜಯಾ ಬ್ಯಾಂಕ್ ಲಿ. ಇವರಿಗೆ ಉಡುಪಿಯ
ನಾಗರಿಕರು ಅರ್ಪಿಸುವ

ಸನ್ಮಾನ ಪತ್ರ

ಮಾನ್ಯರೇ,

ವಿಜಯಾ ಬ್ಯಾಂಕಿನ ಸದ್ಯೋಜಾತ ಉಲ್ಲಾಸ ಪರ್ವದ ಸಂದರ್ಭದಲ್ಲಿ
ಅದರ ನಾಯಕತ್ವವನ್ನು ವಹಿಸಿ ಮುನ್ನಡೆಸುತ್ತಿರುವ ತಮ್ಮನ್ನು ಸನ್ಮಾನಿಸಲು ನಮಗೆ
ಅತ್ಯಂತ ಆನಂದವೆನಿಸುತ್ತಿದೆ. ಜಿಲ್ಲೆಯಲ್ಲಿ ಬ್ಯಾಂಕಿಂಗ್ ಉದ್ಯಮಕ್ಕೆ ಮೂಲಸ್ಥಾನಗಳು
ಎರಡು. ಒಂದು ಮಂಗಳೂರು, ಎರಡು ಉಡುಪಿ. ಮಂಗಳೂರಲ್ಲಿ ಸ್ಥಾಪಿತವಾದ
ತಮ್ಮ ಬ್ಯಾಂಕು ಉಡುಪಿಯ ನಾಗರಿಕರ ಸೇವೆಯನ್ನು ಸಮರ್ಥವಾಗಿ ಮಾಡಲು
ಪಣತೊಟ್ಟು ಹೊಸ ಸನ್ನಿವೇಶದಲ್ಲಿ ಸಾಲಂಕೃತವಾಗಿ ಸ್ಥಳಾಂತರ ಪಡೆದ ಶುಭ
ಮುಹೂರ್ತದಲ್ಲಿ ಇದುವರೆಗೆ ಇಲ್ಲಿನ ಜನತೆಗೆ ನೀಡಿದ ಸೇವೆಗೆ ಕೃತಜ್ಞತೆಯನ್ನು
ಅರ್ಪಿಸುವುದು ಕರ್ತವ್ಯವೆಂದು ಉಡುಪಿಯ ಜನತೆ ಭಾವಿಸುತ್ತಿದೆ. ಬ್ಯಾಂಕಿನ
ಸೂತ್ರಧಾರರಾದ ತಮ್ಮನ್ನು ಅಭಿನಂದಿಸುವುದು ನ್ಯಾಯೋಚಿತವೆಂದು ನಾವು
ಬಗೆದಿದ್ದೇವೆ.

ಮಂಗಳೂರಿನಿಂದ ಮಣಿಪುರದ ವರೆಗೆ, ಕನ್ಯಾಕುಮಾರಿಯಿಂದ ಕಾಶ್ಮೀರದ
ವರೆಗೆ ವ್ಯಾಪಿಸಿರುವ ನಮ್ಮ ಭಾರತ ದೇಶದಲ್ಲಿ ಸರ್ವತ್ರ ದಿಗ್ವಿಜಯ ಮಾಡುತ್ತ
ಬ್ಯಾಂಕಿನ ಹೆಸರನ್ನು ಅನ್ವರ್ಥಗೊಳಿಸಿದ ತಮ್ಮ ವ್ಯಾವಹಾರಿಕ ಕೌಶಲ್ಯವನ್ನು ಇಂದು
ನಾಡಿಗೆ ನಾಡೇ ಕೊಂಡಾಡುತ್ತಿದೆ. ಆದರೆ ಈ ಉಲ್ಲಾಸ ಪರ್ವದ ಹಿನ್ನೆಲೆಯಲ್ಲಿರುವ
ತಮ್ಮ ಉದ್ಯೋಗ ಪರ್ವವನ್ನು ನೆನಪಿಸಿಕೊಳ್ಳುವುದು ಈ ಸಂದರ್ಭದಲ್ಲಿ ಸೂಕ್ತವಾಗಿದೆ.
ಜನಸಾಮಾನ್ಯರ ಆಯುರಾರೋಗ್ಯ ವಿಚಾರಿಸುವ ಜೀವವಿಮಾಕ್ಷೇತ್ರದಿಂದ ಬ್ಯಾಂಕಿಂಗ್
ಕ್ಷೇತ್ರಕ್ಕೆ ಕಾಲಿಟ್ಟವರು ನೀವು; ಆದ್ದರಿಂದ ಜನತೆಯ ಯೋಗಕ್ಷೇಮ ಎಂದಿನಿಂದಲೂ
ನಿಮ್ಮ ಜವಾಬುದಾರಿಯಾಗಿತ್ತು. ಟ್ರೋಪಿಕಲ್, ವಾರ್ಡನ್, ಎಟ್ಲಾಸ್, ಟ್ರೈಟನ್
ಮುಂತಾದ ಅನೇಕ ಪ್ರಸಿದ್ಧ ಜೀವವಿಮಾ ಸಂಸ್ಥೆಗಳಲ್ಲಿ ದುಡಿದು ಜನಸಂಪರ್ಕವನ್ನು
ಬೆಳೆಸಿ, 'ಜನತಾ ಸಂಪರ್ಕವೇ ಬ್ಯಾಂಕಿಂಗ್' ಎಂಬ ಸತ್ಯ ತತ್ವಗಳನ್ನು ಭಾರತೀಯ
ಬ್ಯಾಂಕಿಂಗ್ ಅಧ್ಯಕ್ಷರಾಗಿ ಹೊರುವಂತಾದದ್ದು ನಮ್ಮ ಜಿಲ್ಲೆಯ ಸೌಭಾಗ್ಯ.

ಸನ್ಮಾನ್ಯರೇ,

ವಿಜಯಾ ಬ್ಯಾಂಕು ಈ ಜಿಲ್ಲೆಯ ರೈತರಿಂದ ಸ್ಥಾಪಿತವಾದ ಬ್ಯಾಂಕು. ಬೇಸಾಯ ಕಸುಬಿನಲ್ಲಿ ಔದ್ಯಮಿಕ ಕ್ಷೇತ್ರದಲ್ಲಿರುವಂಥ ಉದ್ಯೇಗ, ವೇಗ, ಧಾವತಿ ಎಂದಿಗೂ ಇರುವುದು ಸಾಧ್ಯವಿಲ್ಲ. ಇಂದು ಬಿತ್ತಿದರೆ ಮೂರು ತಿಂಗಳು ಕಾಯಬೇಕು. ಅದರಂತೆ ವಿಜಯಾ ಬ್ಯಾಂಕಿನ ಬಿತ್ತನೆ 1930ರಷ್ಟು ಪೂರ್ವದಲ್ಲೇ ಆದರೂ ಅದು ಒಂದು ಹದಕ್ಕೆ ಬರಬೇಕಾದರೆ 30 ವರ್ಷಗಳೇ ಹಿಡಿದುವು. 1961-62ರಲ್ಲಿ ಬ್ಯಾಂಕಿನ ನಿಧಾನಪರ್ವ ಹಿಂದಾಗಿ ಅದು ಪ್ರಗತಿ ಶೀಲವಾಗಿ ಮುನ್ನಡೆಯಲು ನೀವು ಅದರ ಅಧ್ಯಕ್ಷತೆ ವಹಿಸಿದ್ದು ಮುಖ್ಯ ಕಾರಣ. ಈ 14 ವರ್ಷಗಳ ಅವಧಿಯಲ್ಲಿ ಮುಖ್ಯವಾಗಿ 1969ರಲ್ಲಿ ತಾವು ಪೂರ್ಣಕಾಲದ ಅಧ್ಯಕ್ಷರಾದ ತರುವಾಯ-ಬ್ಯಾಂಕಿನ ಪ್ರಗತಿ ಅಭೂತಪೂರ್ವವಾಗಿ ಸಾಧಿಸಿರುವುದನ್ನು ನಾವು ಗಮನಿಸಿದ್ದೇವೆ. ಈ ಅವಧಿಯಲ್ಲಿ ಡಿಪಾಸಿಟು ಸಂಗ್ರಹದಲ್ಲಿ ಶೇಕಡಾ 730ರ ಪ್ರಗತಿ 18.7 ಕೋಟಿಯಿಂದ 109.7 ಕೋಟಿಯವರೆಗಿನ ಸಾಧನೆ - ಇದು ವಿಜಯಾ ಬ್ಯಾಂಕಿಗೇ ವಿಶಿಷ್ಟವಾದ, ಬ್ಯಾಂಕಿಂಗ್ ಉದ್ಯಮಿಯಲ್ಲೇ ಅತಿಶಯವೆನಿಸುವ. ಪ್ರಗತಿಸೂಚನೆ ಎಂದು ನಾವಂದುಕೊಳ್ಳಬಹುದು.

ಜಿಲ್ಲೆಯ ಸತ್ಪುತ್ರರೇ,

ಭಾರತದ ಆರ್ಥಿಕ ಪ್ರಗತಿಯಲ್ಲಿ ನಮ್ಮ ಜಿಲ್ಲೆ ನಿರ್ವಹಿಸುತ್ತಿರುವ ಪಾತ್ರ ಬಲುದೊಡ್ಡದೆಂದು ಮುಂದಿನ ಇತಿಹಾಸ ಹೇಳಬಹುದು. ಸಾಮಾಜಿಕ ಪರಿವರ್ತನೆ ಮತ್ತು ಹೊಸ ಸಮಾಜರಚನೆಯ ಸಂಧಿಕಾಲದಲ್ಲಿ ದಕ್ಷಿಣ ಕನ್ನಡ ಜಿಲ್ಲೆಯ ತರುಣ ಜನಾಂಗ ಇಂದು ದಿಲ್ಲಿಯಿಂದ ಹಳ್ಳಿಯ ವರೆಗೆ ವ್ಯಾಪಿಸಿ ತಮ್ಮ ವಿದ್ಯಾಬುದ್ಧಿಗಳ ಮೂಲಕವಾಗಿಯೂ ಸೇವಾತಾತ್ಪರ್ಯದ ಮೂಲಕವಾಗಿಯೂ ಸಮಗ್ರ ಭಾರತದಲ್ಲಿ ಮನ್ನಣೆಯ ಸ್ಥಾನ ಗಳಿಸಿದ್ದಾರೆ. ಧೈರ್ಯ ಸಾಹಸಗಳಿಂದ ಅಪರಿಚಿತ ರಾಜ್ಯ, ಭಾಷೆ, ಸಾಮಾಜಿಕ ಪರಿಸ್ಥಿತಿ ಇರುವ ಸ್ಥಳಗಳಿಗೆ ಪ್ರವೇಶ ಮಾಡಿದ್ದಾರೆ. ಹೋದಲ್ಲಿ ತಮ್ಮ ದಕ್ಷತೆಯಿಂದಲೂ, ಉತ್ಸಾಹದಿಂದಲೂ, ಸೇವೆಯಿಂದಲೂ ಜನಸಾಮಾನ್ಯರ ಪ್ರೀತಿಗಳಿಸಿ ಪ್ರತಿಷ್ಠಿತರನಿಸಿದ್ದಾರೆ. 1969ರಲ್ಲಿ ವಿಜಯಾ ಬ್ಯಾಂಕಿನ ಸಿಬ್ಬಂದಿ ವರ್ಗದ ಸಂಖ್ಯೆ 1160;1975 ಅಕ್ಟೋಬರದಲ್ಲಿ 5500ರ ಸಮೀಪ ಮುಟ್ಟಿದೆ - ಅಂದರೆ ನಮ್ಮ ಜಿಲ್ಲೆಯ ಹಾಗೂ ಭಾರತದ ಇತರ ರಾಜ್ಯಗಳ ಯುವ ಜನಾಂಗಕ್ಕೆ ಒಂದು ಅಖಿಲ ಭಾರತ ವೇದಿಕೆಯನ್ನೊದಗಿಸಿ, ಅವಕಾಶ ಕಲ್ಪಿಸಿದ ಶ್ರೇಯಸ್ಸು ತಮ್ಮಂಥ ಆರ್ಥಿಕ ಧುರೀಣರಿಗೆ ಸಲ್ಲುತ್ತದೆ. ನಾವು ಹಮ್ಮಿಕೊಂಡಿರುವ ಸಮಾನತೆಯ ತತ್ವ ಸಾಧಿತವಾಗಬೇಕಾದರೆ ಸಂದರ್ಭಗಳೂ, ಅವಕಾಶಗಳೂ ವಿಸ್ತಾರವಾಗಬೇಕಾಗುತ್ತದೆ. ಸಂದರ್ಭ ವಿಸ್ತಾರದಿಂದ ಸಮಾನತೆಯ ಅವಕಾಶಗಳನ್ನೂ, ನೆರವನ್ನೂ ನೀಡುತ್ತಿರುವ ವಿಜಯಾ ಬ್ಯಾಂಕಿನ ಪ್ರಾಗತಿಕ ಧೋರಣೆ ಜಿಲ್ಲೆಯ ಜನರಲ್ಲಿ ಹೊಸ ಹೊಸ

ಆಶೋತ್ತರಗಳನ್ನು ಚಿಗುರಿಸಿದೆ ಎಂದರೆ ತಪ್ಪಾಗಲಾರದು. ಎಂತಲೇ ತಮ್ಮ ನಾಯಕತ್ವದಲ್ಲಿ ವಿಜಯಾ ಬ್ಯಾಂಕು ಗಳಿಸಿದ ಅಭ್ಯುದಯ ಜಿಲ್ಲೆಯ ಜನತೆಯ ಭಾಗ್ಯೋದಯವೆಂದು ನಾವು ಭಾವಿಸುತ್ತಿದ್ದೇವೆ.

ಮಹನೀಯರೇ,

ಯಾವುದೋ ವಿಶಿಷ್ಟ ಸಂದರ್ಭದಿಂದಾಗಿ ಬ್ಯಾಂಕ್ ವಲಯಕ್ಕೆ ಇಂದು ನಮ್ಮ ದೇಶದ ಆರ್ಥಿಕ ಧೋರಣೆಯನ್ನು ರೂಪಿಸುವ ಕರ್ತವ್ಯ ಪ್ರಾಪ್ತವಾಗಿದೆ. ಬೇಸಾಯದ ಹೊರತು ಬೇರಾವುದೇ ಉತ್ಪಾದನೆಯನ್ನು ಇನ್ನೂ ಬೆಳೆಸದಿರುವ ಈ ಜಿಲ್ಲೆಯ ಜನರಿಗೆ ಸೇವೆಯೇ ಒಂದು ತಾರಕತತ್ವವೆಂದು ನಮಗೆ ತೋರುತ್ತದೆ. ಇನ್ನು ಬಹುಕಾಲ ಸೇವೆಯಲ್ಲಿಯೇ - ಬ್ಯಾಂಕಿಂಗ್ ಉದ್ಯಮಿಯಲ್ಲಿಯೇ ನಮ್ಮ ಪ್ರತಿಭಾಶಕ್ತಿಯ ವಿನಿಯೋಗ ನಡೆದು ಸ್ವಿಝರ್ಲೆಂಡಿನ ಹಾಗೆ ಬ್ಯಾಂಕಿಂಗ್ ತಜ್ಞರೆಂದು ನಮ್ಮ ಜಿಲ್ಲೆಯ ವಿಶ್ವ ವಿಶಾಲವಾದ ಹೆಸರು ಗಳಿಸುವಂತೆ ಆದಾಗ ಮುಲ್ಕಿ ಸುಂದರರಾಮ ಶೆಟ್ಟರಂಥ ಧುರೀಣರು ಮಾಡುತ್ತಿರುವ ಕೆಲಸದ ಮಹತ್ವ ಇತಿಹಾಸದ ಸುವರ್ಣ ಪುಟಗಳಲ್ಲಿ ಸೇರಿಕೊಳ್ಳುತ್ತದೆಂಬ ವಿಶ್ವಾಸ ನಮಗಿದೆ.

ಇಂಥ ಒಂದು ಮಹತ್ವಪೂರ್ಣ, ಐತಿಹಾಸಿಕ ಉದ್ಯಮದಲ್ಲಿ ಧುರೀಣತ್ವ ನೀಡುತ್ತಿರುವ ತಮಗೆ ಉಡುಪಿಯ ಕಡೆಗೋಲಕೃಷ್ಣ ಆಯುರಾರೋಗ್ಯವನ್ನೂ ಸಕಲ ಸನ್ಮಂಗಳಗಳನ್ನೂ ನೀಡಲಿ ಎಂದು ನಾವಿಂದು ಇಲ್ಲಿ ಪ್ರಾರ್ಥಿಸುತ್ತೇವೆ. ತಮಗೆ ಆಗುವ ಮಂಗಳ, ಒಟ್ಟು ಸಮಾಜಕ್ಕೆ ಒಂದು ಜಿಲ್ಲೆಗೆ ಆಗುವ ಮಂಗಳ ಎಂಬ ನಿಟ್ಟಿನಲ್ಲಿ ತಮಗೆ ಶುಭಹಾರೈಸುವುದು ಒಂದು ಸಾಮಾಜಿಕ ಕಾರ್ಯವೆಂದು ನಮಗನಿಸುತ್ತದೆ.

ಜೈಹಿಂದ್

8-12-1975

ಇತಿ

ಅಧ್ಯಕ್ಷರು ಮತ್ತು ಸದಸ್ಯರು
ನಾಗರಿಕ ಸನ್ಮಾನ ಸಮಿತಿ, ಉಡುಪಿ

ವಿಜಯಾ ಬ್ಯಾಂಕಿನ ವಿಜಯ ಶಿಲ್ಪಿ

ಶ್ರೀ ಗಂಗಪ್ಪ ವಾಲಿ

ಧನ್ಯ ಶ್ರೀ ಮುಲ್ಕಿ ಸುಂದರ ರಾಮ ಶೆಟ್ಟಿ
ಧನ್ಯ ನಿಮ್ಮಯ ಬಾಳು ವಿಜಯ ರಸಘಟ್ಟಿ
ಉತ್ತುಂಗ ವ್ಯಕ್ತಿತ್ವ ವರ ಗೌರವರ್ಣ
ಚಿತ್ರವನು ಸೆಳೆವಂಥ ತೇಜಃಪ್ರಪೂರ್ಣ ||೧||

ಹರವಾದ ನಿಮ್ಮ ಹಣೆ ಗೆಲುವುಗನ್ನಡಿಯು
ಸಿರಿನಗೆಯು ನಿಮ್ಮ ಸ್ನೇಹದ ಸಿರಿಗೆ ಮುಡಿಯು
ಬೋಗಸೆಗಂಗಳ ಚೆಲ್ಲ ಸುವಿಶಾಲ ನೋಟ
ಬಗೆ ಬಗೆಯ ಜನರ ಮನದೊಳಹೊಗುವ ನೋಟ ||೨||

ಮುಖಮುದ್ರೆಯಲಿ ಸ್ಥಾಯಿ ನಿರ್ಧಾರಭಾವ
ಸಕಲರೊಡನಾಟದಲಿ ಸೌಹಾರ್ದಭಾವ
ಹೆಸರು ಸುಂದರ ರಾಮ ನಡತೆ ಅಭಿರಾಮ
ಅಸದೃಶದ ಕರ್ತೃತ್ವ ಶಕ್ತಿ ನಿಸ್ಸೀಮ ||೩||
ದೃಢತೆಯಿಂ ದುಡಿದುಡಿವ ಘನ ಕಾರ್ಯಶಿಲ್ಪಿ
ಹಿಡಿದುದನು ಕೊನೆಮುಟ್ಟಿಪುದು ನಿಮ್ಮ ನೋಂಪಿ
ಗುಣ ಕಂಡು ಮೆಚ್ಚುವುದು ನಿಮ್ಮ ಹಿರಿಗುಣವು
ಗುಣಿಗಳನು ಬೆಳೆಸುವುದು ನಿಮ್ಮ ವರಗುಣವು ||೪||

ಆರ್ಥಿಕ ವ್ಯವಹಾರ ಪಕ್ಷ ಮೇಧಾವಿ
ಆರ್ಥಿಕ ಕ್ಷೇತ್ರದಲಿ ಅತುಲ ಪ್ರಭಾವಿ
ನಿಂತ ಕಾಲಿನ ಮೇಲೆ ನಿರ್ಣಯಿಪ ಶಕ್ತಿ
ಎಂಥ ಷಡ್ಯಂತ್ರವನು ಮುರಿದೊಗೆವ ಯುಕ್ತಿ ||೫||

ಜೀವವಿಮೆ ನಿಮಗಾಯ್ತು ಪ್ರಪ್ರಥಮ ಗರುಡಿ
ಜೀವವಿಮೆಯಿಂ ಬ್ಯಾಂಕು ನಿಮ್ಮ ದಿಟ್ಟ ಅಡಿ

ವಿಜಯ ಬ್ಯಾಂಕಿನ ಅಭ್ಯುದಯ ಕಾರ್ಯಸೂರಿ
ವಿಜಯ ಬ್ಯಾಂಕಿನ ದಿಗ್ವಿಜಯ ಸೂತ್ರಧಾರಿ ||೬||

ದಕ್ಷ ಅಧ್ಯಕ್ಷ ಸುಂದರ ರಾಮ ಶೆಟ್ಟಿ
ಉಕ್ಕಿನೆಸಕವು ನಿಮ್ಮ ಯೋಜನೆಯ ಪುಷ್ಟಿ
ಝೇಂಕರಿಸಿ ನಿಮ್ಮಿಂದ ಕಾರ್ಯಧನು ಬೇಗ
ಬ್ಯಾಂಕು ಮುನ್ನಡೆದಿಹುದು - ವೇಗ ಶರವೇಗ ||೭||

ವಿಜಯ ಬ್ಯಾಂಕಿದು ಸಾಹಸದಿ ಧುಮುಕುತಿಹುದು
ವಿಜಯದಿಂ ವಿಜಯಕ್ಕೆ ನೆಗೆನೆಗೆಯುತಿಹುದು
ವಿಜಯ ಬ್ಯಾಂಕಿನ ವ್ಯಾಪ್ತಿ ಅಖಿಲ ಭಾರತವು
ವಿಜಯ ಹೆಸರಿಗೆ ತಕ್ಕ ಕೀರ್ತಿಪೂರಿತವು. ||೮||

ಕಾಶ್ಮೀರ - ಕನ್ಯಾಕುಮಾರಿಯಲಿ ಕೂಡ
ವಿಶ್ವಾಸ ಬ್ಯಾಂಕಿನದು ಅರಳಿಹುದು ನೋಡ
ನಾಗಾಲ್ಯಾಂಡಿನಲಿ ಅಡಿಯಿಟ್ಟಿಹುದು ತಾನು
ಮೇಘಾಲಯದಿ ಧ್ವಜವನೂರಿಹುದು ತಾನು ||೯||

ಕಲಕತ್ತದಲಿ ಶಾಖೆ ಕಣ್ತೆರೆದ ಕ್ಷಣದಿ
ಮಳೆಯ ಸುರಿದಂತಾಯ್ತು ಠೇವು ಹಣ ಭರದಿ
ಒಂದೆ ದಿನದಲಿ ಎರಡು ಕೋಟಿ ಠೇವು ಹಣ
ಹಿಂದೆಲ್ಲಿಯೂ ಸಿಗದು ಈ ಉದಾಹರಣ ||೧೦||

ಸಾಗರೋತ್ತರ ಬ್ಯಾಂಕಿನೊಡನೆ ಕೈ ಕುಲುಕಿ
ವೇಗದಿಂ ವ್ಯವಹರಿಸುತಿದೆ ಲಾಭ ಮಿಕ್ಕಿ
ಮೊಳಗುತಿದೆ ವಿಜಯ ಬ್ಯಾಂಕಿನ ವಿಜಯ ಭೇರಿ
ಬೆಳಗುತಿಹುದಿದರ ಖ್ಯಾತಿಯು ಮೇರೆ ಮೀರಿ. ||೧೧||

ಭಾರತದ ಸಂಪನ್ನಹಾ ಪ್ರಗತಿಯಲ್ಲಿ
ಭೂರಿ ಕಾರ್ಯದ ಕೊಡುಗೆ ನಿಮ್ಮದಾಗಿರಲಿ
ಅವಿರತನಿಮಗಿರಲಿ ಶಕ್ತಿ ಸೌಭಾಗ್ಯ
ಶಿವ ಕರುಣಿಸಲಿ ದೀರ್ಘ ಆಯುರಾರೋಗ್ಯ. ||೧೨||

ಆಧಾರ ಬೋಕ್ಕ ಸಹಾಯ

ಕೃತಿಕುಲು

1. ಕಕ್ಷಗುತ್ತ ಮುಲ್ಕಿ ಸುಂದರ ರಾಮ ಶೆಟ್ಟಿ - ಡಾ. ಅಚ್ಚುತ ಕುಡ್ಡ ಮುಲ್ಕಿ
2. ಎ.ಬಿ. ಶೆಟ್ಟಿ (ಜೀವನ ಚರಿತ್ರೆ) ಡಾ. ಕಯ್ಯಾರ ಕಿಣ್ಣಣ್ಣ ರೈ
3. 'ಪತ್ರಪುಷ್ಪ' ಬಾಂಬೆ ಬಂಟ್ಲ ಎಸೋಸಿಯೇಶನ್ ಮಾಸಿಕ ಪತ್ರಿಕೆ (ಜನವರಿ 2001)
4. ವಿಜಯಾ ಬ್ಯಾಂಕ್‌ದ ಕೆಲವು ವರ್ಷದ ವರದಿಲು (Annual Reports)

ಸಹಕಾರ ಕೊರಿನ ಮಹನೀಯಿರ್

1. ಶ್ರೀ ಎನ್.ಎಸ್. ಸುಕುಮಾರ ಶೆಟ್ಟಿ - ಮುಲ್ಕಿ
2. ಶ್ರೀಮತಿ ಶಶಿಕಲಾ ಸುಕುಮಾರ ಶೆಟ್ಟಿ
3. ಶ್ರೀ ಮುರಲೀಧರ ಭಂಡಾರಿ - ಕುಬೆವೂರು ಮುಲ್ಕಿ
4. ಶ್ರೀ ಭುವನಪ್ರಸಾದ ಹೆಗ್ಡೆ - ಉಡುಪಿ ಮಣಿಪಾಲ
(ಪೂರಾ ಪೋಟೋಕುಲೆನ್ ಒದಗಾದ್ ಕೊರಿನ ಮಹನೀಯಿರ್ -
ಡಾ. ಅಚ್ಚುತ ಕುಡ್ಡ - ಮುಲ್ಕಿ)



... ಒವ್ವಾಂಡಲಾ ಒಂಜಿ ಮರ್ಗಿಲ್ಡ್ ತುಳುಬಾಸೆ ಸಂಸ್ಕೃತಿ, ತುಳು ಸಂಪೊತ್ತುದ ಬುಳೆಚಿಲ್‌ಗಾದ್ ಅಕುಲೆ ಸೇವೆ ಸಂದ್‌ದಿತ್ತೊಂಡ ಅಂಚಿನ ಪುಣ್ಯಾತ್ಮರೆನ ಬದ್ಕ, ಸಾಧನೆಲೆನ್ ನೆಂಪುಡು ಒರಿತೊನುನವು ನಮ್ಮ ಧರ್ಮೊ.

.... ತುಳುನಾಡ್ಕ ಏತೋ ಜನ ಜವ್ವನೆರ್, ಜವ್ವಂದಿಯಲ್ಲ ಎಸ್.ಎಸ್.ಎಲ್.ಸಿ.ಯೋ ಪಿ.ಯು.ಸಿ.ಯೋ ಕಲ್ತ್‌ದ್ ಬಡಪೊತ್ತುಡ್ಡಾವರ ದುಂಬುದ ಶಿಕ್ಷಣ ಸಾಧ್ಯ ಆವಂದೆ ಬೇಲೆದಾಂತೆ ಇಲ್ಲಾಲೇ ಕುಲ್ದಿತ್ತೆರ್. ಕೆಲವೆರ್ ಬೇಲೆಗಾದ್ ಊರೂರು ತಿರ್ಗೊಂದಿತ್ತೆರ್. ಆ ಪೊರ್ತುಗು ಅಂಚಿನಕುಲೆನ್ ಲೆತ್ತೆದ್ ಬೇಲೆ ಕೊರಿನಾರ್ ಸುಂದರ ರಾಮ ಶೆಟ್.

... ಕುಡ ಒಂಜಿ ಆರೆಗ್ ತೆರಿಯಂದೆನೇ ಅರೆಡ್ಡಾಯಿನ ಮಲ್ಲ ಕೆಲಸೊ ಪಂಡ ತುಳು ಬಾಸೆ, ಸಂಸ್ಕೃತಿದ ಬುಳೆಚಿಲ್. ಆರ್ ಮಲ್ಲ ಮನೆತನೊಟು ಪುಟ್ಟಿನಾರ್, ಕಲ್ತಿನಾರ್. ಪೊರ್ಲುಡು ಇಂಗ್ಲಿಷ್ ಪಾತ್ಯರೆ ಬರ್ಪಿನಾರ್. ಆಂಡ ಆರ್ ಅರೆ ಅಪ್ಪೆ ಬಾಸೆನ್ ಬುಡ್ಡೆರ್. ಅಧಿಕಾರಿಲು ಉಪ್ಪಡ್, ಬೇಲೆದಕುಲುಪ್ಪಡ್ ತುಳುತಕುಲೆಡ ಆರ್ ತುಳುವೇ ಪಾತೆರೊಂದಿತ್ತೆರ್. ಅಂಚಾದ್ ಆರ್‌ನ ತಿರ್ತ ಅಧಿಕಾರಿಲು ಕೆಲಸೊದಕುಲು ಪೂರ ಬ್ಯಾಂಕ್‌ಡ್ ತುಳುವೇ ಪಾತೆರೊಂದಿತ್ತೆರ್.

..... ಆರೆನ ಬಗೆಟ್ ಬೂಕುಬರೆದ್ ಕೊರೊಡುಂದು ಪನ್ನಗ, ಆರೆನ ಬ್ಯಾಂಕ್‌ಡೇ ಬೇಲೆ ಬೆಂದ್‌ದ್ ನಿವೃತ್ತಿ ಪಡೆಯಿನ, ಆರ್ ಪುಟ್ಟಿನ ಊರುಡೇ ಪುಟ್ಟು ಬಳತಿನ ವಿದ್ವಾಂಸೆ ಶ್ರೀ ಎನ್.ಪಿ. ಶೆಟ್ ಬಾರಿ ಸಂತೋಸುಡು ಒತ್ತೊಂದು ಪೊರ್ಲು ಪೊಲಿಗೇಡ್ ಬರೆದ್ ಕೊರೆರ್. ಆಕೃತಿ ಪ್ರಿಂಟ್ಸ್‌ದ ಶ್ರೀ ಕಲ್ಲೂರು ನಾಗೇಶ್ ಬೊಕ್ಕ ಕೂಟೊದಕುಲು ಅಚ್ಚಿಮಲ್ತ್ ಕೊರೆರ್.

ಡಾ. ಪಾಲ್ವಾಡಿ ರಾಮಕೃಷ್ಣ ಆಚಾರ್

(ಗುರ್ಕಾರೆ ಪಾತೆರೊದ ತಿರ್ಲ್)